



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.


We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>











ZOOLOGICA

S,

2,

R,

2

7

3,

R,

XII.



**DISSERTATIO HISTORICO-THEOLOGICA
INAUGURALIS,**

D E

I N D O L E

**SACRORUM EMENDATIONIS,
A ZUINGLIO INSTITUTAE,
RITE DIUDICANDA,**

Q U A M,

ANNUENTE SUMMO NUMINE,

EX AUCTORITATE RECTORIS MAGNIFICI,

ANTONII VAN GOUDOEVER,

LITT. HUM. DOCT. ET PROF. ORD.

N E C N O N

AMPLISSIMI SENATUS ACADEMICI CONSENSU,
ET VENERANDAE FACULTATIS THEOLOGICAE
DECRETO,

PRO GRADU DOCTORATUS,

SUMMISQUE IN THEOLOGIA HONORIBUS AC
PRIVILEGIIS,

IN ACADEMIA RHENO-TRAIECTINA

RITE AC LEGITIME CONSEQUENDIS,

PUBLICO ET SOLENNI EXAMINI SUBMITTIT

J A C O B U S T I C H L E R,

CAMPENSIS,

D. XXVIII SEPTEMBRIS MDCCXXVII, HORA XII.

TRAJECTI AD RHENUM,

APUD P. QUINT,

MDCCXXVII.

52

BR345
T48

B99486

VIRO DOCTISSIMO, CONSULTISSIMO,

PATRI CARISSIMO,

J A C O B O T I C H L E R,

J. U. D.

NEC NON

VIRO PLURIMUM VENERANDO,

GULIELMO VAN VLOTEN,

**DOCTRINAE CHRIST. INTERPRETI
CAMPENSI,**

CAETERISQUE PRAECEPTORIBUS

E T

STUDIORUM SUORUM FAUTORIBUS,

**HAEC QUAESCUNQUE PRIMITIAS,
IN PUBLICUM PIETATIS ET REVERENTIAE
MONUMENTUM**

D. D. D.

A U C T O R.

THE UNIVERSITY OF CHICAGO

PHYSICS DEPARTMENT

RECEIVED

1964

1964

1964

1964

1964

1964

1964

1964

1964

1964

1964

PRAEFATIO.

Ab eo inde tempore, quo Historiae studio indulgere coepi, delectari inprimis solebam legendis illustrium virorum Graecorum Latinorumque factis. Cum igitur deinceps ad Theologiae studia transirem, animum continuo appuli ad Historiam Ecclesiasticam, atque perpendere mihi placuit, quae instituerant egerantque olim in rei Christianae commodum Constantinus Magnus, Carolus Magnus, Lutherus, Zuinglius, Calvinus, alii. Ex hisce autem viris diu me tenuit Zuinglii inprimis nomen, illiusque ingenii animique facultates admirari coepi. Quo factum, ut aliquando auctorem legens, qui valde in illum invehetur, vix dici potest, quantum indignerer. Quapropter si forte Deus opportunitatem mihi et facultatem praestaret, hanc rem ipsis e fontibus indagandi, id aggredi ac perficere mecum constitui.

Iam cum in eo essem, ut Academicis studiis prope valedicerem, Praeceptores vero carissimi me insigni, qua conspicui sunt, humanitate monerent, ut studiorum meorum publicam ante redderem rationem, quam
sa-

sacrum munus obire instituerem, mox in Zuinglii iterum incidi memoriam. Quocirca Praeceptores adii, ab iisque, ut consilium darent, petii. Horum vero admonitione inductus, hactenus animum mutavi, ut quaedam scribendi periculum facerem de indole Sacrorum Emendationis, a Zuinglio institutae, rite diiudicanda. Optime autem hocce consilium, convenire videbatur muneri illi, cuius ego studio maxime flagro. Versatur enim in Religionis Christianae placitis rite explicandis pureque tradendis, atque in moribus Christianorum emendandis, in quibus omnibus Zuinglius suo praeivit exemplo, quod ut verbi divini Interpretes et Antistites etiamnunc imitentur, quam maxime est optandum.

Hocce igitur consilio capto, continuo, quos potui, fontes collegi, eosque sedulo pervolvi, et quae ad indolem Reformationis, a Zuinglio institutae, diiudicandam conducere videbantur, scriptis mandavi, ut tandem, quatenus ipsa illa sit indoles, constaret. In hisce autem conscribendis, cum librorum suppellectili, tum consiliis et officiis humanissime me adiuvant Viri eruditissimi Heringa, J. Scheltema, van Heusde, inprimis vero Cl. Royaards, qui, mihi ab Ordine Theologico Promoter datus, benevolam viam duce[m] se mihi prae-buit. Quibus viris publice persolvo gratias, iisque quam maxime me devinctum profiteor.

Edi-

Edidi autem (ut Ciceronis verbis utar), quae potui, non ut volui, sed ut me temporis angustiae coegerunt. Et revera breve mihi concessum fuit temporis spatium pro rei, quam institui, gravitate et dignitate. Illud quoque benevolus Lector reputet velim, a iurvene poscere, quae subactum tantum viri ingenium praestare possit, longe esse iniquissimum.

Vobis vero, Viri clarissimi! quorum institutione mihi in alma hac Musarum sede uti licuit; vobis imprimis Cl. Heringa, Pareau, Bouman, et Royaards, quarum non solum institutione, sed benevolentia atque amicitia me fructum esse summae laudi et honori duco, vobis omnibus ago gratias, quas possum, maximas, salutemque vestram a Deo Optimo Maximo ex animo apprecor.



Multi, qui aliquando legent, quae primi illi Euangelii restauratores, Ecclesiastici et Politici viri, pericula Euangelii causa adiverint, quos labores susceperint, quas afflictiones pertulerint, exitabuntur, ut iisdem vestigiis insistant.

L. LAVATER.

DISSERTATIO HISTORICO-THEOLOGICA

DE INDOLE

**SACRORUM EMENDATIONIS,
A ZUINGLIO INSTITUTAE,
RITE DIJUDICANDA.**

PROLEGOMENA.

Quod sibi propofuerat Deus, confilium morale in
inftituendo genere humano, inprimis Religionis Chris-
tianae ope, irritum fere reddidiffe videbantur gentes
Europaeae medio, quod dicitur, aevo. Alta nocte
premebatur Europa. Gentes Germanicae, Romanis
fuccedentes, etiamnunc aetate fua inculta et barbara
vivebant, et Religionis Christianae non nifi formam
referre videbantur. Neque tamen gentium Europae
feptentrionalium et meridionalium eadem fuit indoles,
idem ingenium, eadem progresfio. Namque Germa-
nicae potiffimum gentes magis magisque ad cultiorem
accedeabant rationem, in quibus faec. XVI exftitit Re-
formatio. Varii furrexerunt in diverfis regionibus
Reformatores, in quibus excitandis non admirari non
possumus divini Numinis curam, quod, ut confi-
lio divino fatisfaciat genus humanum, Christiana Re-
ligione beatum, viros continuo fuscitavit, prae ac-

tate sua sapientes et probos; quique duces existerent gentium, altioribus ductarum studiis. Quam quidem sapientiam divinam, quo magis veneremur, oportet nos singulos attendere Reformatores et opus, ab iis peractum. Sic demum Historia existit *vitae magistra*.

Inter hos vero Reformatores omnium maxime, praeter *Erasmum*, celebrantur *Lutherus* atque *Calvinus*, uterque Ecclesiae, rite constituendae, auctor, adeo quidem ut saepissime ad hos unice referatur omne Reformationis opus. Medius inter hosce incescit *Zuinglius*, a multis laudatus, ab aliis neglectus, a nonnullis parvi habitus. Licet enim plurimorum celebranda sint in Historia Reformationis virorum immortalium merita, qui in variis Europae regionibus Sacrorum Emendationem promoverunt, sive illorum Reformatorum socios sese praestiterunt; hi tamen triumviri praeter caeteris videntur celebrandi. Namque eorum opera non adeo secundaria fuit, neque etiam ad hanc illamve tantum regionem referenda, sed vero primaria est censenda, et vim habuit in plures Europae regiones, in quibus Protestantismus, qui dicitur, invaluit. Suos nempe habuerunt Reformatores singulae regiones; hos vero triumviros auctores habuit Protestantium Ecclesia.

Jam vero *Lutherum* plurimi ducem sequebantur in Germania, Dania, Suecia, Norvegia; *Calvini* vero placita deinceps accipiebant Helvetiorum, Gallorum, Belgarum plurimi. Neque est profecto, quare ne minimum quidem detrectaremus virtutes, quibus de humano genere immortaliter meriti fuerunt hi duumviri, laude numquam satis cumulandi. Attamen dolemus, Protestantes primis temporibus, et
pos-

postea quoque, non adeo, uti par erat, magni fecisse Zuinglium, Helvetiorum Reformatorem, caeteris in plurimis fere similem, praestantiorum in nonnullis.

Huius rei quanam essent causae, cum saepe mecum reputaverim, quaerendae maxime illae mihi videbantur cum in ipso viro, tum in temporum, quibus vixit, ratione. Liberale enim eius ingenium res sibi indagandas et pertractandas sumebat, nec vincula ferre ulla, aut *verbis formulisque* inhaerere poterat. Haud mirum igitur, quod eum non magnopere curaret subsequens aetas, quae de hisce tantopere fuit sollicita. Porro immatura morte ab opere plane perficiendo abreptus est. Accedit tandem summi Calvini mira elegantia, industria rara, atque invicta fortitudo, quibus impedimenta omnia superavit. Hisce igitur aliisque forte causis tribui possit, quare Zuinglii plurimis in oblivionem adduceretur memoria.

Cum vero aetatis nostrae consuetudo inprimis ferat, clarissimorum cuiusque aevi virorum merita digna celebrare memoria; cumque ante paucos hosce annos actum fuerit festum saeculare Reformationis tertium, in Zuinglii novo quodam ardore incidebant memoriam cum aliae gentes, tum maxime, patriae amore ducti, ipsi Helvetii (1).

Ne-

(1) Quae hac opportunitate de Zuinglio prodierunt scripta, videantur notata apud Bengelium, in *Archiv für die Theologie* etc. T. IV. p. 429. sqq. 605. sqq. Hisce conscriptis nobis innotuit, Tigurinos Theologos monumentum, quod sibi ipse scriptis suis struxit, ei dedicare, in animo habere, *nova nimirum editione Operum* Huld. Zuinglii,

Neque igitur abhorret a temporum nostrorum ratione, quod nos in eandem incidamus causam, et Zuinglii Reformationem paulo accuratius exponendam et illustrandam nobis sumamus. Quod quidem eo magis operae pretium nobis videtur, cum Calvinii existimatio in Belgio nostro iure suo plerumque magna esse soleat; neque verò, e nostra sententia, rite de Calvino iudicare possumus, nisi perspectam habeamus, quam Zuinglius in Helvetia imposuit, operam.

Vel sic tamen ne quis putet, nobis propositum esse, omnem Zuinglii in reformanda ecclesia operam, eiusve vim in alias regiones copiose exponendi, quae cum Disertationis Academicæ fines excederent, tum etiam propter aliorum virorum laborem supervacanea forent. Illud nobis sumimus, ut historia duce de *indole Sacrorum Emendationis, a Zuinglio institutæ, rite diiudicanda*, agamus.

Ne autem in explicanda huius Reformationis indole vagi erremus, modo prolabentes in causas vel opportunitates, quibus existit, modo in modum, quo procescit, modo etiam in effectus et sequelas, quas habuit, pauca ante monenda supersunt quam ad argumentum accedamus. Primum quidem loquimur de Sacrorum Emendatione, a Zuinglio instituta. Qua intelligimus illam rerum commutationem, qua cogitandi sentiendique ratio de Deo et cultu, ei praestando, aliam induit formam, eamque vitiis purgatam et ad divina effata exactam, quae commutatio Zuinglium habuit auctorem.

Sc-
glii, quam procurandi spem fecit Cl. Schulthess,
Theologus Tigurinus.

Secundo. Cum praeter Zuinglium alii quoque Sacra Christiana, admodum depravata, emendare conati sint; unde novae etiam societates originem duxerunt; cunctae illae emendationes quaedam sibi propria pravaque habent, quae ad internam ejus rationem naturamque pertinent. Jam vero emendationis, a Zuinglio institutae, indolem ita describimus, ut sit interna ejus ratio, quae variis proprietatibus constituitur, sive illas sibi privas habeat, sive cum caeteris communes.

Has igitur indicare volumus. Quod ut fiat, disputationis dispositio ita institui posse nobis videtur, ut

I. indagemus Helvetiorum conditionem, ejusque vim ad exciandam et praeparandam Sacrorum Emendationem;

II. agamus de Zuinglio, Helvetiae Reformatore;

III. studeamus, ex omnibus hisce veram et diligendam, quoad ejus fieri possit, imaginem effingere indolis Sacrorum Emendationis, a Zuinglio institutae.

P A R S P R I M A .

DE HELVETIORUM CONDITIONE, EIUSQUE VI AD EXCITANDAM ET PRAEPARANDAM SACRORUM EMENDATIONEM.

Non eadem est apud varias gentes morum, institutorum, legum, religionis conditio. Quisquis enim diversarum gentium instituta, causasque, e quibus processerint, rite attenderit, facile is animadvertit horum discrimen e varia gentium indole esse explicandum, siue magnam in hominum gentiumque instituta vim et efficacitatem habere hominum mores et consuetudines, tum etiam ipsius, quam incolunt, regionis situm et conditionem. Sic diversa et opposita regiminis ratio, quae in Oriente et Graecia, quin apud ipsos Athenienses et Lacedaemonios cernitur, ex eadem eorum indole explicanda videtur. Neque adeo, quae in gente obtinet, rerum conversio rite diiudicari potest, nisi illius gentis indolem et regionis notitiam perspectam habeamus.

Inprimis autem haecce ob oculos versentur, oportet, siquidem cum Religionis et Ecclesiae fata iuste diiudicare, tum etiam veram Sacrorum Emendationis indolem attingere velimus. Hisce vero aliud accedit momentum, defunctum illud ab ea gentis conditione, quae valeat ad excitandam et praeparandam rerum commutationem, quae in gente obtinet. Quae cum in

in aliis regionibus aliam induerit formam, hac etiam de causa ipsa et gentis et regionis conditio est adumbranda.

Ut igitur ad consilium nostrum perveniamus, vix sufficeret rite exposuisse, quatenam peregerit Zuinglius, nisi antea conditionis, qua versabantur Helvetii, eiusque vim ad excitandam et praeparandam Reformationem, attendamus, ut noscamus, quam in regione, quali in gente, et quibusnam in rerum *tempestatibus* Zuinglius existerit Reformator.

CAPUT PRIMUM.

HELVETIORUM CONDITIO POLITICA, GENTIS INDOLES.



§ I.

Soli conditio.

Helvetia non adeo regionis ambitu, verum potius soli conditione nobilis videtur. Europam inter Latinam et Germanicam media sita est. In hoc vero Europae cultioris veluti meditullio soli fertilitas, montium copia, lacuum et fluviorum, urbium et vicorum frequentia, aërisque temperies, naturae spectacula eaque grandia et magnifica sibi propria vindicasse videntur.

Eminet illa in Europae regionibus sua altitudine, eiusque adeo conditio a caeteris valde differt. *Alpes* sese efferrunt atque extendunt per civitates Uranorum,
Sui

Suitensium, Intervallorum, Glareanorum, Appencellensium, Lucernatum, Bernensium. Montes, *Jura* dicti, Helvetiam a Gallia separant. A septentrionibus vero terra declivem habet latitudinem, et Rheno fluvio a Germania disiungitur. Lacus ibi bene multi, maiores illi Genevensis, Constantiensis, Tigurinus, Lucernensis. Fluvii hinc originem ducunt inprimis quatuor, Rhenus scilicet, Rhodanus, Tessino, atque Arola. Uti autem terra haecce cacteris Europae regionibus elatior est, ita aëris temperies ibi tenuior, nec tamen sibi semper constans, maxime in locis montanis. In vallibus laeta pascua, arva frugifera plerumque, at propter ariditatem aratu saepe difficilia. Neque est, iudice Zuinglio, alia regio, quae agrorum foecunditate, camporum fluviorumque amoenitate et virorum bellacissimorum copia cum Helvetia conferri possit (1).

Inprimis autem terra Tigurina conspectu est iucundissima, collibus plenissima et planitiis, lacubus et fluviis perfusa. Frumenta maxime laetantur patienti campo; fertilitate gaudent agri frugum et vitium. Pagorum atque vicorum magna copia; urbs ipsa inter pulcerrimas sita non immerito censetur.

Alia autem ratio est earum civitatum, quae montibus fere inclusae continentur, quales sunt Suitensis, Glaronensis, Uriensis, Untervallensis, Appencellensis, in quibus sylvae densae, atque arduae magno numero rupes; urbes vero nullae; neque tamen haec loca agrorum foecunditate prorsus destituuntur (2).

Coe

(1) Vid. Zuinglii *Paraen. ad Suitens. remp.* Op. T. I. p. 158 a.

(2) Vid. Dr. Eduard Sulzer, *Kurze Erdbeschr. der Eidgenoss.*

Coeli autem et terrae conditio quam maximam vim habet et efficacitatem in hominis, quantum valet, corpus et animum. Hinc igitur est, caeteris causis non neglectis, quod unum idemque hominum genus, supra terram diffusum, tot conspiciatur clasibus, quarum quaeque sua sibi propria habet privaue. Quod quidem hominum discrimen observatur non tantum in gentibus, longo a se intervallo remotis; sed perspicuum quoque est in nonnullis eiusdem gentis civitatibus. Uti autem Lybico sole nervorum vis imminuitur, animus vero debilitatur et abiicitur; ita coeli temperies tenuis et frigida nervos adstringit, corpus obdurat, animi fortitudinem excitar, nec voluptatibus et doloribus succumbere finit. Verum cum coeli hac conditione ita coniuncta est terrae conditio, ut regiones, inter caeteras fertilitate et ubertate eminentes, studia quidem humaniora excitent; mores emolliant, simul vero animi vim deprimant magis, et torpescere sinant vindicandae libertatis studium; at contra ut loca montana mores alant rigidos, homines avitorum, institutorum perquam tenaces reddant, et libertatis sensum adeo foveant, ut pericula fere omnia, mors adeo ipsa potius sit obeunda, quam servitium patiendum (1). Quod quidem de Helvetiae regione valet.

(1) Multa sunt hac in re explicanda Herderus, in opere *Ideen zur Philos. der Gesch. der Menschh.* Tom. I, L. VII et VIII, et Montesquivius, de *l'Esprit des Loix*, Tom. II. L. XIV-XVIII, nisi hic saltem nimius in hisce fuerit.

§ II.

*Helvetiorum fata, et politica eorum incun-
tate saeculo XVI conditio.*

Si quidem recedamus ad gentis incunabula, e variis gentibus confluerunt Helvetii, illisque varii generis et variae indolis. Primum quidem, quoad novimus, Celticae originis gentes, quae Latinam incolabant Europam, in hisce tractibus fedes sibi quaesiverunt. Deinceps e septentrione advenit immensa copia Cimbrorum, qui sese cum Celtis istis coniungentes, Italiam invaserunt; sed hi Caio Mario auctore coacti sunt cis Alpes redire (1). Nec tamen desierunt arma contra Romanos ferre, et Galliam, provinciam Romanam, devastare. Quocirca Iulius Caesar eos variis praeliis victos eo adegit, ut supplices tandem se ei submitterent (2). Rhaeti vero, montes incolentes, hactenus libertatem suam vindicaverant; tandem magna clade affecti, a Druso et Tiberio victi sunt (3).

Quum autem saec. V. debilitatum Romanorum imperium barbarae gentes magna cum strage occupassent et conturbassent, factum est, ut Helvetiam quoque occuparent hae gentes. Dividebatur fere inter Burgundiones, Ostrogothos, Francos et Allemannos. Ex his nova veluti existit Helvetiorum gens, conflata illa

(1) Vid. Joh. von Müller, *der Gesch. Schw. Eidgenoss.* T. I. p. 11. sqq.

(2) Vid. Id. ib. p. 17. sqq.

(3) Vid. Id. ib. p. 35. sqq.

illa ex antiquis Latinae Europae incolis et Germanicis hisce populis (1).

Varia autem fuerunt politica huius gentis fata. Invalescenti enim Francorum regno maximam partem, idque per tria fere saecula, fuit subiecta. Mortuo autem Carolo M., partim quidem Reges Burgundionum, partim vero Germanorum Imperatores Helvetiam sibi subiecerunt; sed A^o. 1032 Rudolpho III., rege Burgundionum vita defuncto, tota illa Imperator potitus est (2). Neque tamen aliis subiecti permanserunt Helvetii. Suam iam vim explicare, et ad maiora tendere coeperunt. Suam ipsi stabilire inceperunt libertatem politicam, et eo tandem processerunt, ut nobile illud conderent *Helvetiorum foedus*. Ipsius enim regionis conditio interna sensim sensimque magnam subiit commutationem. Varii Principes, quales fuere Zaeringii, Staufferi, Sabaudientes, Kiburgi, Habsburgi, sese extulerunt, ac magnam nacti sunt auctoritatem et potestatem. Florere quoque inceperunt quam maxime urbes Friburgum, Berna, Geneva, Lausanna, Tigurum, Basilea. — In media autem Helvetia locus situs est, montibus inclusus, lacus Waldstattenensis non procul abest: ibi agros colebant Suteses, quorum nomen haecenus fere erat ignotum. Tribus haecce in tres ordines sensim divisus fuit, in Suteses scilicet, Urnos atque Unterwallos, arctissimo tamen vinculo, libertatem, qua unice gloriabantur, vindicandi causa contracto, coniunc-

(1) Vid. Struvius, *Corpus Juris publ. imp. Germ.* ed. 3. C. 4. §. 4. C. 3. §. 13. J. v. Müller, II. p. 69. sqq.
(2) J. v. Müller, II. p. 241. sqq.

iunctos. Hinc initia ducenda sunt libertatis totius Helvetiae (1).

Res enim sic sese habuit. Albrechtus, A°. 1298, Imperator creatus, Helvetios potestati suae prorsus subiicere conatus est; neque vero prudentia hac in re usus fuit, sed vi omnia peragere tentavit. Miserat autem, ut consilium suum assequeretur, duos principes, praetores licet appellari, Gefslerum et Beringerum Landenbergium, homines elatos et crudeles, qui mirum in modum in Helvetios saevierunt. Ardentes tandem et erecti ad libertatem recuperandam hi sese coniungunt. Iugo mox sese subtrahunt duobus Furstio, Stauffero, Melchtallo, Tello (1308). Foedus ineunt perpetuum, iureiurando sancitum (2). Quod foedus renovatum est et confirmatum praeclara victoria (1315) de Leopoldo, Austriacorum duce, reportata (3). Acceserunt paulo post ad eandem civitatum societatem Lucernates et Tigurini, mox etiam Glareani, Tugiani et Bernates (4); tandem initio fere saec. XVI Friburgi, Solodurni, Basileenses, Schaphusiani et Appencellenenses (5). Iis deinde sese adscripserunt socios, at non iisdem legibus, neque tanta necessitudine coniunctos, Rhaeti, Leponti, Seduni, Veragri, Sangali, Mullusiani, Rutulenses (6).

Ita

(1) J. v. Müller, II. p. 319. sqq.

(2) Id. ib. T. II. p. 75. sqq.

(3) Id. ib. p. 133. sqq.

(4) Id. ib. p. 283. sqq.

(5) Spittler, *Entwurf der Gesch. der Eur. Staats.* T. II. p. 19.

(6) Joh. Sleidanus, *Comm. de Statu Rel. et Rep.* L. III. p. 61.

Ita enatum est et constitutum foedus illud celeberrimum, a quo Helvetii deinceps dicti sunt *Helvetii foederati*. Inclaruerunt autem virtute maxime bellica. Multa enim interea gesserunt bella cum Austriacis; Francis, Burgundionibus, e quibus quam plurimum superiores deceserunt. Immortali laude in historia Helvetiorum omnino celebratae sunt dies, quibus pugnae gestae sunt Morgartenensis, Laupensis, Sempachensis, Murtenensis. Neque tamen Rempublicam suam Helvetii ab imperio prorsus avulsam atque sui juris, *autonomos* existimabant, donec tandem (1648) per pacem Westphalicam ab omni exinebantur imperii iurisdictione (1).

Prouti Philippus quondam, rex Macedonum, disrumpere dolo atque infidiis tentavit Amphictyones, atque ita ex intestinis disidiis multum profecit; ita idem illud fecerunt Austriaci, bella inter Helvetios civilia excitantes, quod vel bellum Tigurinum (1443), magno animi ardore gestum, testari possit (2). Caeterum cuique perspicuum est magna quaeque peragere potuisse hanc gentem, tanta virtute claram, si mutua semper amicitia res egisset. At, proh dolor! homines, cum se fortuna elatos videant, difficile recto et honesto tenentur.

Sic quidem existit Helvetiorum respublica; qualis vero fuerit *politica* huius Reipublicae ineunte saec. XVI *conditio* nunc paucis videamus. Haec autem omnium maxime nobis patebit, siquidem politicam, quam inierunt, coniunctionem cum Imperatore, cum Pon-

(1) Struvius, II. C. 4. § 7. Millot, *Alg. Gesch.* T. IX. p. 20.

(2) J. v. Müller, II. T. IV. p. 135-59.

Pontifice Romano, cum Principe Mediolanensi, cum Francorum Rege attendamus.

A multis inde annis regio Mediolanensis, in superiore Italiae parte sita, ansam dederat multis disidiis inter Germaniae Imperatorem, Galliae Regem, ipsumque regionis Principem, Ludovicum Sforzam. Quandoquidem autem hisce temporibus Helvetii, vindicata patriae libertate, magna inter gentes auctoritate increverant, eorumque milites bellica virtute maxime inclaruerant, quisque horum Principum ad amicitiam eos sollicitavit, eosque ad suas partes trahere fuit conatus. Etenim Alpium hi incolae bellum gerendi studio ducti, nec non argenti cupiditate abrepti, inde a saec. XV. caeterarum gentium bellis sese immiscere consueverant, atque cum iis pacta inire, ut constituta mercede, militiae iis auxilium praestarent. Neque tantum, qui res administrabant, huic studio indulserunt, neque nobiles tantum, qui redditu annuo, a Principibus illis accepto, illorum causam agebant (1); sed ipsa adeo plebs militiam volebat. Sese enim quisque praeda locupletem, victorem domum redire, alia huiusmodi animis trahebant (2).

Itaque Ludovicus XII., Galliae Rex, consilium capiens Mediolanum armis occupandi, tale cum Helvetiis pactum inivit, et ab eorum copiis sustentatus, in Italiam irruit. Sforza vero, quomodo Regi obli-steret, haud sciens, itidem Helvetiorum auxilium imploravit, et, vetante licet magistratu, voluntarios mi-

li-

(1) J. v. Müller, II. T. VI. p. 82.

(2) Schröck, *Chr. K. G. seit d. Ref.* T. I. p. 25. et scriptt. ibi laud.

ites accepit (1). At proeliis quibusdam commissis Sforza ab auxiliariis, ab hoste corruptis, turpiter relictus est, atque ita in manus Francorum pervenit ipse (2).

Non diu post Julius II. Pontifex, Imperator, Rex Galliae, Rex Hispaniae, et Princeps Sabaudensium foedus inierunt Cameracense, eo quidem consilio institutum, ut sibi subicerent, atque inter se invicem dividerent Venetorum Rempubicam. Franco-Galli vero, cum Helvetiis coniuncti, prospero successu bellum gerebant, atque videbantur totam fere Italiam sibi submisuri. Certe ne hoc fieret valde timebat Pontifex Romanus. Quocirca consilium mutavit, foedus dirupit, cum Venetis sese coniunxit, atque sollicitavit Helvetios, inique a Ludovico habitos, ut suis eum opibus iuvarent. Hi igitur Alpibus descendunt, Franco-Gallos e Mediolano fere fugant, et Maximilianum, Sforzae filium, in pristinam dignitatem restituunt. Nec Franco-Galli tamen rem perditam existimabant. Proelium commiserunt (6. m. Jun. 1513.) prope Navarram. Ab utraque parte fortiter pugnare: magna clades, Helvetii vincere (3).

Franciscus vero L. ubi ad regiam in Gallia potestatem pervenerat, ad Italiam continuo oculos convertit, in eamque ipse copias duxit. Sforza Helvetios adiit, ne sese cum Francis coniungerent, at ipsi potius

(1) Simlerus, *de Rep. Helv.* L. I. p. 114. et Bullingerus, *Chron.* T. II. L. II. c. 1. apud J. C. Hefes, *Lebensb. Ulr. Zwinglis.* p. 30.

(2) Millot, T. VII. p. 134.

(3) Bullingerus, *Chron.* T. II. L. XVI. c. 10. apud J. C. Hefes p. 32.

alius opem ferrent, petiit. Incedunt (1515), et castra ponunt prope Marignam. Maxima vincitur. Nox pugnae finem facit. Deinde ubi lux adventabat, Franco-Galli invadunt, Helvetii resistunt, sed copia hostium cedunt oppressi; fortissimus quisque aut occidit in praelio, aut graviter vulneratus discedit. Spectaculum horribile campis patentibus (1)! Ingens vero in Helvetia moeror et luctus, cognita hac clade. Civitates adversus civitates stare; in eadem urbe ab istiusmodi pactis cum caeteris Principibus abstinendum alii, alii Franco-Gallis potius milites auxilio mittendum, Pontifici Romano alii, clamare. Pax constituebatur (1516) Galliam inter et Helvetiam (2).

Hisce temporibus, ut arma indueret adversus Turcas, Leo X. Pontifex totam Europam invocavit. Verum hisce Helvetii in hanc sententiam responderunt: se tum id facturos, cum et caeterae gentes sese ostenderent paratas, huic voto obtemperandi et obediendi (3). Verum jam variae Europae gentes oculos converterunt in Germaniam. Maximiliano enim Imperatore fato functo (4), duo Principes longe potentissimi imperatoriam dignitatem quaerebant, Carolus scilicet Hispaniae Rex, et Franciscus I. Galliae Rex. Helvetii vero, quippe qui ad Germanicam pertinebant gentem, a Cardinale Sionenfi excitati, ut literas ad

Pon-

(1) J. H. Hottingeri, *Hist. Eccl.* T. VI. p. 396.

(2) J. M. Schuler, *Huld. Zwingli.* ed. 2. p. 79. sqq. 164. sqq.

(3) Ruchat, *Hist. de la Ref. de la Suisse.* T. I. p. 14. sqq. Wirz, *Helv. Kirch. G.* T. IV. p. 32. sqq.

(4) d. 12. m. Jun. 1519. Abr. Sculteti, *Annal. a. h. a.* p. 35.

Pontificem R. et Principes Germanicos mitterent, quibus Caroli causam agerent, diu incerti hærebant, cum de utriusque Regis potestate accrescente aequæ essent solliciti, tandem vero dominium Franco-Gallorum magis etiam timentes, Caroli partes esse amplectendas decreverunt (1). Historia autem innouit primum quidem Fredericum, Principem Saxoniae, fuisse electum, deinde vero, illo negante, Carolum V. Imperatorem esse creatum. Bellum autem Imperatorem inter et Galliae Regem varias ob causas diu abesse non potuit. Papa sui esse ratus, cum Imperatore foedus potius faciendum esse, de conditionibus cum Carolo conveniebat, quarum una hæc erat, Franco-Gallos e regione Mediolanensi esse expellendos; Parmam vero et Piacensam potestati Pontificis subiiciendam. Anno autem 1521 ad moderatores foederis Helvetici, eo tempore Lucernæ congregatos, suos legatos miserunt cum Carolus V. et Leo X., tum Franciscus I. Tandem pactum fecerunt Helvetii et Franco-Galli, a quo tamen abstinuit civitas Tigurina. Quæ res caeterarum civitatum odium in eam concitavit. Quod quidem quam maxime increvit, ubi non diu postea Leo X. ex foedere, Aº. 1515 sancito, ab Helvetiis confociatis auxilia poscebat, caeteri vero negabant, Tigurini et Tugiani concedebant. Exercitus Caroli Imperatoris et Tigurinorum mox de Franco-Gallis victoriam reportavit, eosque coëgit, Mediolanum relinquere. At Franco-Galli hanc regionem iterum expugnare conati sunt, caeteris Helvetiorum civitatibus open ferentibus. Quamobrem Imperator et Cardinales (nam Sedes apostolica mortuo Leone

ne

(1) Seckendorf, *de Lutherismo*, L. I. §. 80. add. K. qui ipsas has Helvetiorum literas ex Mss. *Spalatiui* affert.

ne vacua erat (1); denuo ab Helvetiis milites quae-
rebant; hi vero, Pontificis morte foedus solutum rati,
constantes negabant (2). Postquam autem prope Bi-
coccam Franco-Galli et Helvetii magnam cladem acce-
perant, civitas Suitensis tanto istiusmodi expeditiones
habuit odio, ut certe per 25 annos ab iis abstinendum
decerneret. Ac anno quidem 1524 Mediolanum a Fran-
co-Gallis expugnabatur; verum eorum Helvetiorum-
que, qui cum iis foedus servabant, tali copiae donum
redibant conditione, ut haec Italiae pars neutrum illo-
rum videretur commodis inservire.

Interea Tigurini a Pontifice, ut debita iis solveret,
iterum iterumque poscebant; hic autem valde nega-
bat, propterea quod in rebus Ecclesiasticis multa ar-
bitrio mutaverant, eaque egerant, quae dignitati
Sedis apostolicae erant opposita, quin eo tandem pro-
cedebat, ut A^o. 1533 foedus iniret cum civitatibus
Lucernensi, Uriensi, Suitensi, Untervallensi, Tugia-
na et Friburgensi adversus caeteras, quae Sacrorum
Emendationem admiserant. Ita Tigurinorum et civita-
tum, cum iis iunctarum, politicae coniunctioni cum
Pontifice Romano finis imponebatur (3).

§. III.

*Helvetiorum indoles, et discrimen gentis,
in iis observandum.*

E gentium lingua cum stirps, e qua prodierunt,
tum indoles, quam exseruerunt, cognosci fere potest.

E

(1) Cal. decemb. a. 1521. Scultet a. h. a. p. 95.

(2) Sleidanus, ll. L. III. p. 66. Wirz, T. IV.
S. 35. sqq.

(3) Wirz, S. 40. sqq.

Et linguae enim elementis, cultu, elegantia, decrementis gentium ut plurimum diiudicari possunt in cultu atque humanitate et progressio et decrementa: earum vero analogia gentium origines sunt perscrutandae. De quo quidem cum inter omnes satis constet, idem illud in Helvetiorum gente apparet.

Helvetii enim non omnes eadem lingua utuntur, sed vero partim Germanica, partim Gallica uti solent. Hac quidem illis in civitatibus, quae Galliae sunt propiores, illa vero, ubi Germaniae, magis sunt affines. Hinc est, quod a multis inde temporibus haec regio in Helvetiam Germanicam et Gallicam sive Romansam divideretur. Quae sane nemini mirum accedant, reputanti gentes cum Latinas, tum Germanicas eam occupasse. Licet vero hae minorem regionis partem ditione tenuerint, maiorem illae, licet vix definiri possit, quam ratione secum invicem in Helvetia cohaerint utriusque generis gentes, idem tamen illud gentis discrimen animadvertimus in illius moribus et institutis, in indole adeo (1). Neque tamen illud eo trahendum est, ut duae hae Helvetiorum veluti species moribus sibi invicem oppositae sint, verum, utut in nonnullis alia ratione sese exserentem, communem tamen quandam indolem explicuerunt.

Licet aevi medii, quod atro carbone in Historia humana

(1) Tigurina autem civitas pertinet ad Helvetiam Germanicam, Genevensis vero ad Gallicam. Ruchat, T. III. p. 9. sqq. Hinc est, quod hoc ipso, quo vivimus, anno Helvetii Alemannici invitarerint Helvetios, quibus Franco-Gallica lingua est nativa, ad monumentum Huldrici Zuin-
glii dedicandum in Prospectu novae editionis Operum Zuin-
glii, quem ad Helvetios meridionales misit Schultesius V. C.

manitatis notatur, barbaries apud Helvetios protulerit morum quandam ferocitatem, in proeliis in atrocitatem abientem; libidinem porro, immoderatum cibi, vini aleaeque usum; laudantur tamen in iis egregia quaedam, quae non a temporum ratione, sed a gentis natura originem ceperunt. In his imprimis acerrimum libertatis studium, quod per omnem dominatur Historiam, tum etiam animi fortitudo et propositi tenacitas, bellica virtus, honoris sensus, gratus animus, frugalitas, hospitalitas, sensus iusti et aequi (1). Animi quaedam agilitas eos saepe eo impellebat, ut nonnunquam forte agerent inconsiderata cupiditate et temeritate.

Qui autem in mediis montibus habitabant, naturae vivebant proximi; libertatis omnium maxime tenaces, neque adeo ingenio colendo, artibusque exercendis operam navabant; morum simplicitate sese commendabant, cui sese adiunxit Religionis ardor, quemadmodum cernebatur in Graecis quondam et Romanis (2).

Hanc vero Helvetiorum indolem initio saec. XVI. animadvertimus summo opere depravatam. Multis enim et variis, quae gerebant, bellis ferocitas alebatur, plura vitia augebantur, quae mox post bella cum Burgundionibus, accrescentibus divitiis, sese manifestabant (3). Multae quidem, quibus huic pesti occur-

re-

(1) Wirz, T. III. S. 199. sqq. Praeclaram autem et vividam imaginem veterum Helvetiorum indolis effingit J. v. Müller, T. V. S. 181. sqq.

(2) J. v. Müller, T. V. S. 258.

(3) Wirz, T. III. p. 414. sqq. Vide qualem et quantam praedam ceperint e victoria, quam A°. 1467 prope urbem Grançonem de Burgundionibus reportaverant, apud Müllerum, T. VI. S. 147. sqq.

rerent, et corruptos mores emendarent, a concilio foederatorum ferebantur leges, nec tamen illae satis valebant (1). Continua enim bella, Pontifici Romano auxiliandi causa in Italia gesta, mox denuo proborum hominum spem et expectationem frustrabantur. Avaritia et luxuria invadebant, egestas comitabatur; pudor, pudicitia, divina atque humana promiscua, nihil penſi atque moderati habebantur (2).

§ IV.

De regiminis ratione inter Helvetios.

Civitatum fere antiquarum ratio cum civilis, tum moralis opere maxime instituebatur virorum, usu, sapientia atque animi quadam fortitudine inter suos aequales praestantium. In Historia autem gentium recentiorum non eadem cernitur ratio. Hae enim initio vel a Regum nutu pendebant totae, vel, quatenus Respublicas constituiebant, a temporis potius conditione et rerum opportunitatibus suas acceperunt leges atque instituta. Idem hocce in Helvetia fere obtinuit. Antiquitus eorum regiminis ratio fere pependit ab institutis gentium, quibus erant subiecti. Dein vero suam ipsi constituerunt libertatem, suamque considerunt Rempublicam. Prouti autem foedere quondam Amphictyonum plurimae conjungebantur in Graecia civitates; ita Helvetiorum Respublica e variis constabat civitatibus (*cantons*), quae, quamvis quaeque suo gubernabatur magistratu, arctissimo tamen foedere sunt con-

(1) Müller, T. VI. S. 315.

(2) Wirz, T. IV. S. 48. cf. Schuler, S. 52. 101.

coniunctae. Nec tamen hoc ita est intelligendum, ut civitates Glaronensis peculiarem haberet rationem cum Lucernensi, aut Bernensis cum Tigurina et Lacernensi, aut Bernensis cum Glaronensi et Tugiana; verum illae tres, Suitensis, Uriensis atque Untervaldensis, medietullum totius foederis veluti constituentes, vni in omnes regionis partes exserebant (1).

Huius vero foederis consilium hoc tempore tripartitum erat; scilicet, quo vincirentur Helvetii cum Ecclesia ac cum Imperio Germanico; quo una res agerent ad communem tuendam patriam; quo curae haberent regiones, eorum potestati subiectas (2). Increcente vero numero sociorum foederis, uti fieri solet, increverunt itidem leges; nec tamen illae ad confirmandam vim eius internam adeo valuerunt. Namque non omnes civitates omnium rerum procurandarum aequae participes erant, non omnes iisdem gaudebant iuribus. Ipse autem Zuinglius Helvetiorum regiminis rationem describit, cuius verba afferre iuvat: „ Aristocratia, quae non est paucorum, qui Rempublicam invaserunt, confusa potestas, neque populi lecta vel suffragiis, neque *ἀριστοκρατία*, hoc est, nullo munita officio: (Haec enim oligarchica cum vitio vocatur, hoc est paucorum potentia.) sed optimatum potestas est, et populi iussu constituta, et officio, communibus suffragiis creato, directo. Qualis vestra est, o cives, rerum summa. Primum enim aut curiatis comitiis Patres leguntur, qui magistris curiarum appellantur, et secundum ipsos totus Senatus: quamvis alio alia in urbe instituta et ordine, aut centuriatis, uni-

ver-

(1) Müllerus, T. II. S. 338.

(2) Id. ib. T. III. S. 402.

versus legitur comitiis. Leguntur autem et prudentissimi et optimi quique: ut non iniuria optimatum potestas vocetur. Secundo loco alleguntur minorum gentium Patres, qui pro numero Diacosii, aut Triacosii, aut Tetracosii appellantur. Tertio loco, aut utriusque ordinis Patres, aut totus populus officium legit: cuius ductu aut rogatu causae referantur, fiantur et cognoscantur, quem alii consulem, alii dictatorem vocant. Apud istos rerum summa sita est. Quam quis tam imperitus est, ut non optime constitutam esse videat? Primum enim officium habet et os: sed quod sibi non potest nimium permittere, propter optimatum potentiam et auctoritatem. Hi enim sunt imperium et potestas. Deinde caput et pectus habet, Patres et Diacosios, ut res omnis non tantum sapienter, verum etiam fortiter geratur. Postremo habet plebem officio et Patribus omni necessitudinis vinculo adiunctam. Ex his enim Patres, ex Patribus officium constat. Haec religiosa est, quum se ipsa, quod angusta et honorata res est imperium, tum his, qui aut gerunt, aut obtemperant" (1).

Talis igitur etiam regiminis ratio apud Tigurinos inde ab A^o. 1336 obtinuit. Ubi autem saeculo XV. civitatis huius fines extra urbem se extendere inceperunt, urbis magistratus imperium tenuit de caeteris hisce pagis et vicis (2). Minime vero iure quodam hae-

(1) Zuinglii, *ep. ad civit. Tiguri, Bernae, Const., Basileae, St. Galli, Myllhusi et Bielae urbium*. Op. T. III. p. 164 a.

(2) Füsslini, *Epit. Hist. Helv. Ant. L. II. p. 115.* apud J. C. Hess, S. 74. cf. Hottinger, *Hist. Eccl. T. VII. p. 1391. sqq.*

haereditario sibi succedebant hi Senatores, sed liberis populi suffragiis creabantur.

In civitatibus autem, quae montibus inclusae continentur, libertatis studia, quantum non oberant rationi civili, hisce maxime temporibus nullis fere limitibus circumscripta erant. Hinc omnia ibi magis arbitrarie existebant, quemadmodum mores atque opinioniones ferebant. Leges, admodum paucae, valebant maxime ad vindicandam libertatem cum universae civitatis, tum cuiusque civis, atque ad constituendum rerum usum communium. Hae autem leges comitiis ferebantur, quibus etiam, qui rerum moderamen gererent, eligebantur. Caetera more et consuetudine dirigebantur. Quisque autem pagus peculiaris veluti Reipublicae utebatur iuribus. Divites et pauperes, nobiles et plebei omnes sese rebus civilibus et politicis immiscebant. A teneris enim inde annis omnes sine discrimine de patriae commodis audire et fari solebant. Res autem haud dissimilis Graecorum quondam moribus (1).

(1) Schuler, S. 51. sq.

CAPUT SECUNDUM.

CONDITIO RELIGIONIS ET ECCLESIAE
IN HELVETIA.

§ I.

Hierarchia.

Episcopus Romanus tantam variis opportunitatibus sensim sensimque nactus erat auctoritatem et potestatem in Christianorum animos, ut imperium teneret per univcrsum Occidentem. Exstitit ita in Europa Hierarchia illa, quae altis omnino radices egerat, adeo ut vix ac ne vix quidem videretur ab iis erui posse. Ab ea tota Religio pendebat, suamque formam accipiebat.

Quo tempore (medio scilicet saeculo XI.) Imperium Germanicum per viginti et octo annos Imperatore erat destitutum, cum variis Principibus, tum Episcopis in Helvetia data est opportunitas potestatis suae quam maxime augendae. Helvetiae autem praepositi erant Episcopi Constantiensis, Basileensis, Lausannensis, Genevensis, et Sionensis sive Sedunensis (1). At vero deinceps magis magisque imminuebantur Episcoporum iura, pari ratione atque Hierarchia in despotismum tandem vergebat. Prouti enim caeterae gentes Europaeae sese addixerant mandatis atque institutis Pontificis Romani, ita Helvetii etiam: nec ta-

men

(1) Müllerus, II. T. I. p. 241.

men ita de iis videtur iudicandum (1), ut difficilius eo adigi viderentur, qui sese huius aliquando opponerent auctoritati. Montium enim incolae sibi constanter esse solent; atque omnino Helvetii ita erant comparati, ut libertatis, quo ducebantur, sensum, necessitate coacti opprimi quidem, at prorsus extinguere non paterentur (2). Ludovicum Imperatorem, a Clemente VI. (1328) licet interdicto petatum, haereticum tamen habere negabant. Basileenses et Mulhusiani; ipsi enim potius haeretici habebantur: et nonnulli *absolutionem* prorsus contemnebant, alii autem Nuntium Pontificis cogebant eandem nullo pretio largiri. Tigurini cum monachis proponerent, utrum cultum sacrum administrare mallent, an vero in exilium ire, hi continuo prius eligebant. Quod facilius ubi audierat Pontifex, condemnandum quidem, sed propter animi vim, in eo conspicuam, admiratu etiam dignum esse ducebat (3). Arnoldi autem Briscienfis et Felicis Hemmerlini opera quam maxime valuerunt, quo nimia Hierarchiae vis inter Tigurinos inprimis et Suitenses infringeretur: sed de hisce viris infra plura notanda sunt.

Quod

(1) Quemadmodum sentit Schröckh, T. II. p. 104. Aliter autem Villers, II. p. 52. Wirz, T. III. p. 276, et J. G. Muller, *Gedenkw. uit de Geschied. der Kerkherv.* T. I. p. 33.

(2) Vid. *Fasti Corbeienses Henrici monachi* apud H. Francke, *Arnold von Brescia*, S. 137. Hottingerus, II. T. VIII. p. 1306.

(3) Vide plura exempla apud Ruchat, II. T. I. *disc. prel.* p. XL. et XLI. Wirz, T. II. p. 21. sqq. 171. sq. 258. Cf. S. Hess, *Urspr., Gang und Folg. der durch Zuingli bew. Glaub.-Verb.* p. 9.

Tigurinos autem suos clericos non persecutos esse maiore, quam par erat, veneratione, hoc etiam exemplo probari potest. A^o. scilicet 1230, lege promulgata, tributa in singula imponebant clericorum capita, eosdemque cuncta illa agere iubebant, quae omnium civium erant. Inprimis vero celebratae sunt litterae, datae illae A^o. 1370 a civitatibus Tigurina, Lucernensi, Tugiana, Uriensi, Untervallensi et St. teni, quibus omnes clerici unae adstringebantur Helveticae iurisdictioni, caeteris omnibus cum Ecclesiasticis, tum civilibus exclusis (1).

Vel sic tamen Hierarchia in Helvetia vigere non desinit vi sua et auctoritate. Mittebantur enim a Pontifice cuiusvis generis homines (Curtisanos vocant) qui cultum sacrum administrarent, caeteraque praestarent sacri muneris officia (2). „ Interim vero plus quam miseri Germani ferre coguntur, ut stabularii et muliones ex Pontificum aulis ad nos transmissi opulentissima sacerdotia occupent, ut animarum cura illis commissa sit, qui scripturarum nulla prorsus notitia sunt praediti. Hoc nisi patienter feramus, Christianae Ecclesiae minus obedire dicemur” (3).

Maximus autem Hierarchiae abusus in *Indulgentiarum* cernitur *nundinatione*. Pontifices enim Romani ani-

(1) Vid. *Tscudi Chron.* a. h. a. apud Francke, II. S. 138.

(2) „ Venalia nobis templa, sacerdotes, altaria, sacra, coronae, Ignis, thura, preces, caelum est venale, Deusque.” Bapt. Mantuanus, L. III. *Calamitatum*.

(3) Sunt ipsa Zuinglii verba in *Act. disp. Tig.* I. Op. T. II. p. 614. quibuscum conf. testimonium Jacobi Wimpfelingii, *Apol. pro republ. chr.*

animadvertentes, quales quantosque haec res aperiret et recluderet thesauros, varias indagarunt rationes, honesti speciem habentes, indulgentias hasce nundinandi (1). Quamvis autem de peccandi libertate, hac ratione facile adipiscenda, deque venia delictorum ita impetranda, magnopere laetarentur homines, lascivis et corruptis moribus dediti; fuerunt tamen etiam omni aevocum in caeteris Europae regionibus, tum etiam in Helvetia, qui sese turpi isti negotio atque sanctae Ecclesiae indigno, altiore, quidem voce, opponerent (2).

Etsi vero impia haec fraus iam satis usu fuerit trita, ineunte tamen saec. XVI. ad summam perducta videtur impudentiam (3). Leo enim X., Iulii II. vestigiis insistens, (1516) nefandum in modum forum aperuit indulgentiarum, misis quaquaversum, qui venalia illa diplomata ferrent, et pecunijs exigendis praeficerentur (4). Eorum diplomatum in Helvetia publicandorum potestatem dedit Bernardo Samsoni Monacho Ordinis Minorum Regularis. Impudentissima adeo ratione iste munere suo functus est, absolutam annuncians peccatorum remissionem pro vivis non tantum, sed pro mortuis adeo; et vel remissionem venditans gravissimorum peccatorum, nec praeteritorum solum, verum etiam futurorum, et si vel quis Virgine-

(1) Vid. Fra-Paolo Sarpi, *Hist. du Conc. de Trente*, L. I. p. 11. Multus autem est in huius rei expositione Hottingerus, ll. T. VIII. C. II.

(2) Hottingerus, T. VII. p. 543. sqq. cf. ejusdem *Merh. leg. Hist. Helv.* p. 544. sqq.

(3) Polyd. Vergilius, *de Invent.* L. VIII. c. 4. apud Hottingerum, T. VI. p. 186. sqq.

(4) Sleidanus, ll. L. I. p. 1.

nem Deiparam violasset (1). De Samfone autem ita scribit Hottingerus: „ facundus erat, et feliciter Helvetiorum pecunias emunxit, usque adeo, ut cistae et argento et argenteis vasis refertae, per Sarunetes in Italiam deportatae fuerint: quin et ipse, tribus Pontificibus multa aureorum millia corrasisse se, iactabat (2).

Monachi Pontificis Romani veluti milites erant valde strenui. Longe enim lateque se per Europae regiones propagabant, in Helvetia etiam suas figebant sedes, atque ita laicos Episcoporum cuiusvis dioeceseos iurisdictioni ubique subtrahebant. „ Benedictini, Dominicani, Franciscani, Cistercienses, Augustiniani, Canonici, Lazarithae et multi alii, tanto libentius hic (in Helvetia) morabantur, quanto maiores cum amoenitate monasteriorum coniungere poterant reditus” (3). Ordines autem mendicantes a multis, qui rerum moderamen gerebant, in civitates aegre admittebantur (4). Caeterum Monachorum instituta, saec. XV. degeneraverant quam maxime a primae auctoritatis consilio. Abbates et Monachi otio et luxuria diffuebant, et propter fastum et libidinem maximo contemptui habebantur (5).

§ II.

(1) Dan. Gerdes, *Monum. Antiquit.* litt. D. p. 76. sqq. Eiusdem *Introd. in Hist. Evang. per Europ. rnov.* p. 78. cf. Sarpi, II. p. 12. sq.

(2) Et quae sequuntur vid. apud Hottingerus, *Hist. Eccl.* T. VII. p. 161.

(3) Hottingerus, T. VIII. p. 1015. sqq. 1243. sqq.

(4) Hottingerus, T. VIII. p. 1246. sqq.

(5) Zuinglius, *de Sedit. unctoribus*, Op. T. II. p. 137 b. sqq. cf. Felix Malleolus, in *Regist. queres.* apud Hottinger, T. VIII. p. 1387.

§ II.

Depravatio doctrinae, cultus sacri, morum.

Valde fuisse depravatam saec. XVI. Theologiae, cultus sacri et morum conditionem, nemo Historiae Ecclesiasticae vel parum doctus nescit. Neque alia eius ratio fuit in Helvetia.

Theologia vix umbram referebat indolis Religionis Christianae. Hebraicae et Graecae linguae cognitio ubi sensim in oblivionem venerat, sola versione S. Codicis Latina uti inceperunt Theologi, in SS. Libris interpretandis scripta adhibuere Patrum Ecclesiasticorum et Conciliorum decreta. At invalescente Philosophia Aristotelica divina effata fere negligi coeperunt. Lombardi, Thomae, Scoti, caeterorumque auctorum *scholasticae disciplinae* nomina magis pollebant, quam Petri, Pauli auctoritas (1); et sana Theologia omnino fere abiit in veras nugas. „ Quorsum enim attinet decertare, quod modis accipiatur *peccatum*; Privatio dumtaxat sit, an Macula inhaerens animae? — Totis saeculis disputamus, an gratia, qua Deus nos diligit ac trahit, et qua nos illum vicissim diligimus, eadem sit gratia; et, an sit aliquid creatum, an increatum. — Atque haec si vel animi laxandi gratia vel citra contentionem agitentur, ferri poterant; nunc quibusdam tota aetas in huiusmodi quaestionibus consumitur, et res usque ad clamorem, usque ad vera disidia, usque ad convitia, nonnunquam usque ad pugnas procedit. — Quid autem nunc lo-

quar

(1) Joan. Keifersbergii, *Epist. ad Jac. Wimpheing* apud Scultet. p. 14. sq. a. a. 1517.

quar de quaestionculis non solum supervacaneis, sed poene dixerim impiis, quas movemus de potestate Dei, de potestate Romani Pontificis. An Deus possit quodvis malum, etiam odium sui praecipere, et omne bonum prohibere, etiam amorem et cultum sui. An possit ex facto facere infectum, ac per hoc ex meretrici facere virginem. — An haec propositio sit possibilis: *Pater Deus odit Filium suum.* — Sexcenta id genus disputantur magnis edicis voluminibus, idque a magnis Theologis, praesertim professione Religionis insignibus. — Novi quendam Theologum, qui negabat annos novem sufficere ad intelligenda, quae Scotus scripsit tantum in praefatione Lombardi. Audi divi rursus alium, qui praedicabat, fieri non posse, ut quis intelligeret unam propositionem in toto Scoto, nisi metaphysicam ipsius universam teneret memoria (1). Hinc igitur in Helvetia etiam sexcentae sectae, Thomistae, Scotistae, Occanistae, Baconistae, Albertistae, Aegidianis Alexandrei (2). Plurimi Theologiae Doctores S. Codicem nunquam legerant; ne viderant quidem plurimi clerici: si qui essent, qui eius studio aliquantulum operam darent, contentui habebantur ceu homines minuto ingenio (3). Ipse Faber, Vicarius Episcopi Constantiensis, testatus est,

se

(1) Ita Erasmus ad 1 Tim. 1. 6. quocum admodum conspirat testimonium Alphonsi de Castro, Theologi Hispani, *adv. Haer.* L. I. c. 4., apud Schuler, II. in notis n.º 194. Exstat, teste Gerdesio, singularis J. G. Molleri, *Diss. de Alphonsi a Castro testim. de ignor. Paparum.*

(2) Cf. *Apologia Senatus Populi Vratislaviensis* apud Scultet, a. a. 1523. p. 150.

(3) Ruchat T. I. *dist. prél* p. xl. sqq. Wirz T. IV. S. 35.

se de linguarum interpretatione nequaquam gloriari posse, cum Hebraicae linguae inexpertus, in Graeca non bene adhuc institutus, Latinae vero mediocrem duntaxat cognitionem adeptus esset. Subiunxit simul, amice et pacifice vivi posse, etsi Euangelium nullum exstaret (1).

Quamvis igitur huius pestis, longe lateque grassantis, huc illuc remedia attulerint meliora Mysticorum studia, vera tamen et simplex Dei et venerationis, ei debita, cognitio paene periit. Dogmata de Papae auctoritate, de Purgatorio, de Transubstantiatione, de septem Sacramentis, de Sanctis, aliaque tanquam verae fidei criteria habebantur. Extra autem Ecclesiam nulla salus (2). Apud plurimos vero Clericos et Monachos summa Religionis habebatur ignorantia (3).

Misere quoque corruptus fuit *cultus sacer*. Quae enim e Christi disciplina Apostolorumque institutione originem duxerat, divina illa simplicitas evanuerat prorsus; summa solennitas et splendida pompa succesferant: caerimoniarum maxima copia laborabat Ecclesia. Discrimen habebatur *λατρείας*, *δουλείας* et *ὑπερδουλείας*, quibus colerent Deum, Sanctos, et Mariam Virginem (4). *Reliquias* Christi, Apostolorum,

Sa-

(1) Vid. *Acta disp.* I. in Zuinglii Op. T. II. p. 613. 622.

(2) Schröckh, II. T. I. S. 91. sq. „Ostendimus iam fatis aperte iustum esse, ut haereticus occidatur; quo autem genere mortis sit occidendus, parum ad rem facit. Nam quocunque modo occidatur, semper consulitur Ecclesiae.” Alph. à Castro, II. L. II. c. 12.

(3) Hottinger, T. VIII. p. 1295. Gerdes, II. p. 30.

(4) Vid. P. Numag. *de Appar. Spirit.* p. 5. apud Hot-

Sanctorum in dies increscentes publica prosequerantur veneratione. *Peregrinationes* in loca sancta magnae putabantur sanctitatis speciem prae se ferre. *Miserae privatae* et pro *animis* factae cum vivis, tum mortuis ad salutem recuperandam necessariae habebantur (1).

Quibus autem officium impositum fuit, ritus sacros administrandi, Laicos docendi atque instituendi, hi male in munere hocce fungendo versabantur; neque erant huic rei idonei (2). „Inculcant (ita scribit Zuingleus) miserae plebi quidam hodie prophetae opiniones suas, quas ne ipsi quidem undique perspectas habent. Alii paradoxis et ambiguis gaudent. Quidam *μικρολογῶσι*, mentam et anetum decimantes, et quae praecipua legis sunt, negligentes. — Alius in urbe foeneratoribus, negociatoribus, monopolis et publicanis aurem non iam vellicat, sed titullat. Alius rusticum genus ad raptum ac vim invitat. — Blanditiis omnia transigi putant debere” (3). Orationum Sacrarum argumentum in anilibus versabatur fabulis de Vespasiano, Veronicae Sudario, a vespis liberato; de Purgatorio Patricii; de lepra Constantini Magni; de colloquio Sibyllae cum Augusto. „Praedicabant verbum unum aut alterum obiter ex Euangelio; caetera erant de obligationibus, decimis, indulgentiis, vigiliis, misis, de divorum cultu.” Cuncta barbara erant, et indigna, quae vel

pa-

Hottinger, T. VIII. p. 1329. sqq. Polyd. Vergilius apud eundem, ib. p. 1334. sqq.

(1) Ruchat, II T. I. *disc. prél.* p. xiv. sqq.

(2) Vid. Bullingeri *Ciron.* a. a. 1519. apud Hottinger: T. VI. p. 646.

(3) Ita Zuingleus, *Ad S. P. Q. Argentorat.* Op. T. III. p. 306.

parum edoctus audiret. Superstitio hominum imbecillitatem ita occupaverat, ut celebris monasterii Neu-husani in Vangionibus Abbas dixerit: *si Lutherus non venisset, se persuasuros fuisse populo, ut foeno latrantem stomachum placassent* (1). Ad alendam superstitionem maxime etiam valuerunt praedicationes Monachorum mendicantium (Stationariorum s. Quaestuariorum). Hi autem circumvagando *schedulas magicas* vendere solebant, id est, literas, quibus homines et pecus adeo ab omni fervarentur malo (2). Maximarum igitur optimarumque rerum ignorantia in plebe grassabatur.

Cunctis hisce animo perpensis, quales censebimus fuisse *mores Christianorum*! Omnia scilicet singulorum huius aevi scriptorum testimonia mirifice conspirant in vitiis hominum describendis et malitia (3). Etenim si vulgus spectes, prora illis et puppis vitae in caerimoniis erat. Commoratur infans extra fores templi, peragitur exorcismus, peragitur catechismus, suscipiuntur vota, abiuratur Satanas cum pompis et voluptatibus suis; tandem ungitur, consignatur, salitur, tingitur: datur negotium susceptoribus, ut puerum current instituendum. Illi dato nummo redimunt libertatem. Et iam puer Christianus dicitur. Mox rursus

(1) Vid. Zuinglius in *Euang. Marci* C. I. Op. T. IV. p. 144. Scultet, a. a. 1517. p. 17. Joan. Faber, *praef. de Declamat. divin. de hum. vitae miseria*, apud Hottinger, T. VIII. p. 1271.

(2) Hottinger, T. V. p. 929.

(3) De quibus vid. J. G. Muller, *Gedentw.* T. I. in Append. p. 236-261. Cf. Ruchat, T. I. *disc. prael.* p. xxix. sqq.

sus ungitur, tandem discit confiteri, sumit eucharistiam, consuevit quiescere diebus festis, audire sacrum, ieiunare nonnunquam, abstinere a carnibus. Et haec si servat, habetur absolute Christianus. Ducit uxorem, accedit aliud Sacramentum: initiatur sacris, rursus ungitur et consecratur, mutatur vestis, dicuntur preces. Magna pars hominum, dum his fident, interim per fas nefasque congerit opes, servit irae, libidini, servit livori, servit ambitioni: sic tandem venit ad mortem. Hic rursus caeremoniae paratae. Adhibetur confessio semel atque iterum, additur unctio, datur eucharistia, adsunt cerei sacri, adest crux, adest aqua sacra, adhibentur indulgentiae, expromitur, aut illic etiam emitur morienti diploma Pontificis; ordinantur parentalia magnifice celebranda; fit rursus stipulatio solennis; adest, qui clamet ad aurem morientis; imo nonnunquam occidit ante tempus, si contingat, ut saepe fit, vocalior, aut bene potus (1). Non cernebatur ergo salutaris illa, quae inest divinae nostrae Religioni, vis in hominum cogitandi, sentiendi agendique rationem?

Nec mirum adeo hoc nobis accadat, si cum caetera illa ob oculos habeamus, tum perditos ipsorum Pontificum ac Clericorum animadvertamus mores. Quales enim fuere, qui se Vicarios Christi dicerent, et Sancti Patris nomine appellari gestirent! Sixtus IV, qui constituto vectigali ganeas Romae publicas admisit! Innocentius VIII, de quo notum hoc epitaphium:

Octo *Nocens* pueros genuit, totidemque puellas;
Huic merito poteris dicere, Roma, *Patrem*!

Alex-

(1) Sunt fere verba Erasmi, desumpta e *convivio religioso*, in *Colloq.* eius obvio.

Alexander VI. monstrum nefandum, propter perfidiam, libidinem, crudelitatem in Historia atro carbone notatum! Iulius II. de quo hoc notasse sufficiat, cum, Petri in Tiberim proiectis clavibus, Pauli se arrepturum gladium dixisse! Leo denique X, eruditorum quidem amans, et moribus suavis, neque indoctus ipse, modo ut maiorem religionis cognitionem, atque paulo maiorem ad pietatis studium propensionem habuisset, nec voluptati potius, ambitioni et avaritiae totus fuisset deditus!

Caeterorum autem Clericorum ita disoluta fuit vivendi ratio, ut vix amplius esset ferenda. Avaritia, fastus, tyrannis Episcoporum atque Abbatum, in Helvetia etiam, ad culmen fere pervenerat (1). Desidia, lubido, superbia, audacia, largitio, avaritia vigeant inter Clericos et Monachos. Ventri, somno, aleae dediti erant (2). Concubinarum blanditiis indulgebant Clerici; nonnulli earum plures publice aluerunt. Monachos virginibus stuprum intulisse, cum matronis adulterium commisisse, multis exemplis probari potest. Ita sacra profanaque omnia polluentes omnes in vulgi reprehensionem incurrebant (3).

§ III.

(1) Hottinger, T. VIII. p. 1367. sqq.

(2) Gerdes II. p. 25. sq. cf. Scultet II. p. 15. 149.

(3) Hottinger, T. VIII. p. 1346. sqq. 1360. sqq. T. IX. p. 304. sqq. Pet. Numa g. p. 25. *de Nic. Substyl.* ita Clericorum mores describit: „Quam multi, proh dolor! nunc sunt, qui non quaerunt Iesum, nisi ut bene eis faciat secundum tempus. Vix enim quaeritur Iesus nisi propter Iesum, sed propter panem, quam distribuit. — Quam multi hodie in Ecclesia Sancta Dei litigant pro essendo pastores, vere non ut pascant, sed depascant dominicas oves, sicubi reperiant, quod sit de pane lucrando.” caet.

. § III.

Reformatorum πρόδρομοι in Helvetia.

Depravatam Religionis et Ecclesiae Christianae conditionem, quae in Helvetia obtinuit, exposuimus. At vero ineunte saec. XVI. omnia ita erant comparata, ut Reformatio procul abesse non posset. Namque non ita est existimandum, ac si haecce uno existeret veluti ictu temporis. Quaevis enim consuetudinum morumque conversio non subito oritur et sponte sua; sed, progrediente sensim ingenii cultu, dum tamen diu manet rerum externarum ratio, per longum temporis intervalum praeparari solet; tandem vero, opportunitate quadam excitata, prodit omni suo vigore (1).

Aderant igitur perfectioris rationis semina in ipsa Helvetiorum gentis indole heroïca; sed multis etiam nunc oppressa iacuerunt impedimentis. Ne autem illa temporis diuturnitate perirent prorsus, opportunitatibus opus erat, quae illa veluti foverent atque alerent. In hisce primum agendum est de viris, qui vario aevo in Helvetiorum gente fuscitarunt atque expli- caverunt perfectioris rationis studium. Quocirca ad Caroli Magni tempora adscendere lubet.

Et Caroli quidem Magni propterea mentionem facimus, cum ob ipsa eius merita, tum propterea, quod nonnullos vidimus statuentes, eum optimis suis institutis nihil fere profecisse, quippe quae una cum eo ipso fere omnia evanuiscent (2). Non est, quod hic,

(1) Cf. Villers, II. p. 12. sqq.

(2) Ita quoque nuperrime, alios secutus, sentit amicus Gulielm. Muurling, in Comment. *de causis bellorum sacrorum*, p. 5. 45. obvia in *Annalibus Acad. Rheno-Trai.* 2°. 1826-1827.

hic, in illa, quae ab eo cum ad propagandam Religionem Christianam, tum ad emendandam eiusdem docendae rationem acta sunt, inquiramus, et quid illius res gestae Ecclesiae Christianae profuerint, quid obfuerint, diiudicemus (1). Magnopere autem apud Helvetios valuisse Carolum cum ad pellendam ignorantiam, tum ad regendos mores, testis nobis est Hottingerus (2). Post Caroli fata exstitit anarchia, nec minus invaluit aevi barbaries, cuius haec vis erat, ut, quae iam apparuerant, melioris cultus puriorisque Religionis initia non perirent quidem, verum in cinere veluti recondiderentur. Omnia scilicet in hoc rerum terrestrium spectaculo causarum continentur atque effectuum catena, neque ullam prorsus actionem, five honesta illa sit, five inhonesta, frustra esse, finit rerum omnium Moderator. Itaque quam magnam exferuerat vim Francorum Rex, eadem, in occulto licet, per varia eius instituta, per monasteria maxime, agere pergebat. Ne autem duiturno temporis spatio eadem frangeretur, ac tandem interiret, Deus, ad cuius voluntatem tanquam ad primam rerum causam adscendimus, alias excitavit opportunitates, quae vim illam agentem uberius promoverent, quales fuerunt et Monachorum Ordinum emendationes per *Congregationem Cluniacensem et Cisterciensem*, et *Expeditiones Sacrae*, et *Valdenses*, aliae.

Sed

(1) Vid. C. H. van Herwerden, *Responsum* ad hanc quaestionem, obvia in *Annalibus Acad. Lugd.-Batav.* 1824-1825.

(2) Hottinger, T. I. p. 562. T. VIII. p. 1012. 1097. sqq. Multa Carolus aequè valde laudanda condidit instituta cum alibi, tum in ipsa Tigurina urbe, v. c. Canonice *Capitulum*, eo quidem consilio conditum, ut Monachi ita disciplinas colerent, atque iuvenes instituerent.

Sed iam ad ipsam propius accedamus Helvetiam, in qua saec. XII. humanitatis et probitatis studia vel excitavit, vel aluit Arnoldus Brescienfis.

Is e Brescia, superioris Italiae urbe, oriundus, ab Abaelardo institutus fuit, et cum antiquis Historicis et Iurisconsultis, et praeterea cum placitis Mysticorum, Valdensium et Catharorum magnam contraxit familiaritatem. Novam sibi et peculiarem de Republica atque Ecclesia, Religionis Christianae indoli convenienter, constituenda formavit speciem. Quo maiore autem in docendo polleret auctoritate, Monachico sese ordini adiunxit. Eloquentia enim magna valuit, et sobrietate maxime fuit clarus, ita ut cum Iohanne compareretur Baptista. Iam docendi munus aggressus est in ipsa patria Lombardia; verum a Concilio Lateranenfi, (1139) auctore Pontifice Innocentio III. habito, condemnatus, Tigurum secescit. — Perstringere inprimis solebat vitia Pontificis, et Clericorum.

————— Clerumque procaci
Infectans odio, Monachorum acerrimus hostis,
Plebis adulator, gaudens popularibus auris.
Pontifices, ipsumque gravi corrodere lingua
Audebat Papam, scelerataque dogmata vulgo
Diffundens, variis implebat vocibus aures.
Nil proprium Cleri, fundos, et praedia nulla
Iure sequi Monachos, nulli fiscalia iura
Pontificum, nulli curae popularis honorem
Abbatum sacras referens concedere leges.
Omnia Principibus terrenis subdita, tantum
Committenda viris popularibus, atque regenda.

————— mollesque cibos, cultusque nitorem,
Illicitosque iocos, lascivaque gaudia Cleri,

Pon-

Pontificum fastus, Abbatum denique laxos
 Damnat penitus mores, Monachosque superbos (1).
 Tigurinos autem et Suitenses ita sui imbuunt admiratione, ut hi eum, a Romae civibus invitatum adversus nimiam Eugenii III., et caeterorum Clericorum potentiam, magno ardore ducem sequerentur (2). Arnoldo mortuo superstes manfit eius inter Helvetios cogitandi sentiendique ratio. Guntherus enim, saeculi sui facile princeps Poëta, Helvetios vocat nigros velut Arnoldi discipulos, additque:

— venenato dudum corrupta sapore
 Et nimium falsi doctrina vatis inhaerens,
 Servat adhuc uvae gustum gens ista paternae (3).

Ne autem diutius, quam par est in hoc argumento haereamus, silentio hic praetermittendi sunt Iohannes Vitoduranus, Franciscanus Monachus, et Petrus Numagenus, Sacellanus Tigurinus (4). Pergimus igitur ad Felicem Malleolum (5). Praeclarus

(1) Guntherus *Ligur.* L. III. p. 47.

(2) Arnoldus prospera usus fortuna, Romanis Rempublicam constituit. At cum deinceps Adrianus, Pontifex electus, propter nova haec instituta ipsam Romam interdicto petiisset, atque ita Romanos coëgisset ad pacem cum eo ineundam, res in pristinam conditionem restituta est, abrogatis caeteris, et Arnoldo eiusque asseclis ex urbe expulsis. Haereticus autem hic habitus, a Frederico I. Imperatore in vincula coniectus est, atque acerbissimam mortem passus. — Peculiariter de Arnoldo nuper egit Dr. H. Francke, *Arnold von Brescia und seine Zeit.*

(3) Vid. apud Hottinger. T. VIII. p. 1186.

(4) De quibus vid. Hottinger. T. VIII. p. 1311. sqq. alibi.

(5) Felix Hemmerlinus sive Malleotus saec. XV. Tiguri ex plebeio genere natus, doctrinae copia clarus

rus ille vir, etsi non ab omni superstitionis labe immunis esset, variis tamen sese aevi erroribus opposuit. Romae poenarum remissionem et peccatorum absolutionem, et fundos Ecclesiasticos, et dignitates, nulla meritorum ratione habita, venalia esse, palam fuit professus. Pompam vero et luxuriam et corruptos mores Clericorum tam superioris, quam inferioris ordinis, vel ruinam augurare dixit omnium gentium, vel ipsius Hierarchiae interitum, siquidem eadem illac gentes, mascula quadam vi excitatae, collum aliquando iugo erepturi forent (1).

Quod praefagierat Felix, illud revera videbatur instare, ubi in Bohemia maxime hominum conturbari coeperunt animi propter iniuriam a Concilio Constantiensi Husso illatam. Nota sunt viri fata. Mortem autem passus est ea quidem ratione, ut multi e vulgo in admirationem raperentur. Fuere quidem Helvetiorum haud pauci, qui Pontificum mandatis inducerentur, ut sacra quasi expeditione arma ferrent contra Husitas. Quam plurimi vero, maxime e plebe, palam profitendo, Husi

pla-

rus, veri amore ductus, bonisque moribus eminens, ab Historicis celebratur. Postquam multa itinera fecerat, studia promovendi causa suscepta, praeclara obiit munera Ecclesiastica cum alibi, tum in Tigurina etiam urbe. Multos autem sibi paravit inimicos, propterea quod valde increpare consuevit in mores Clericorum disolutos. Deinceps de variis criminibus accusatus, insons crudeliter habitus est, atque in vincula coniectus diem obiit supremum. Ore autem et scriptis ita inclaruit, ut ubique atque in ipsa aula Pontificis Romani nominis adeptus sit celebritatem.

(1) Hottinger, T. VIII. p. 1315. 1363. 1369. sqq. alibi. Cf. J. v. Müller, II. T. III. p. 409. sq. T. V. p. 293. sqq. 212. sqq.

placita non ita reprobanda videri, ipsum autem infan-
tem fuisse condemnatum, animos concitabant(1).

Tandem in mentionem incideremus magni illius E r a s-
m i, qui, e Belgio oriundus, Basileae magnam vitae
partem degens, in totam fere Europam, tum inprimis
quoque in Helvetiam vim suam exseruit. Verumenimve-
ro utrum ad Reformatorum Prodromos sit referendus, an
vero ipse Reformator habendus sit, cum disquiratur;
cumque eius merita a doctissimis viris celebrari sole-
ant: nobis, inquit licet, hic abstinendum videtur a
laudibus eius praedicandis (2).

Neque frustra fuere instituti horum virorum cona-
tus; sed magnum melioris rationis desiderium, eorum
inprimis ope, homines tenuit. Quae vox ita valuit,
ut in ipsis Conciliis conatum haberent ad *reforma-*
dam Ecclesiam in capite et membris.

§ IV.

Conamina reformandi publice instituta.

In ipsa Helvetia (Basileae) aut urbe, ei affine (Con-
stantiae) habita fuere hac aetate Concilia, quae ad ex-
ci-

(1) Wirz, II. T. III. p. 22. sqq.

(2) Qui E r a s m i nostri erga Religionem Christianam
merita uno quasi oculi intuitu velit perspicere, adeat Bu-
rigny, *Das Leben des Erasmus*, herausg. von H. P. C. Hen-
ke, T. II. p. 452. sqq. S. Hefs, *Erasmus von Rotterdam*;
T. II. p. 504. sqq. Cf. Ypeij et Dermout, *Gesch. der*
Ned. Herv. Kerk, T. I. p. 23. sqq. Vitam autem Erasmi
describendi inter nostrates initium fecit Jac. Schelte-
ma, vir doctissimus, (vid. *Mengelwerk*, T. I. p. 59.);
quod opus ut tandem ad finem perducatur, valde optemus.

citandam Reformationem valuisse feruntur. At vero „ video quod Ecclesiae Reformatio nunquam fiet per Concilium sine praesidentia doctoris bene affectati, prudentis simul et constantis.” Vere hoc dixisse Gersonem (1), si vel quaedam Sacrorum Emendatio, vere ita dicta, a Concilio quodam potuerit aliquando constitui, ex Historia illorum Conciliorum, quibus Pisanum II. adiungendum est, omnino patet.

Pontifices Avenionenses non magnopere valuerant ad confirmandam Sedis Apostolicae auctoritatem; et vero scisma, quod deinde obtinuit, Ecclesiam penitus labefactare videbatur. Concilium Pisanum I. (1409), quod Ecclesiae pacem componendi habuit consilium, caeteris tertium addidit Pontificem. Constantiense quidem Concilium (1414) nonnulla videbatur instituere; at spem fefellerunt omnem fraus et dolus. Patres vero Basileenses (1431) propositi tenaces sese praestiterunt adversus Eugenium IV, et quaedam emendanda esse vitia maxime grassantia decreverunt; nec tamen Reformationem, proprie ita dictam, tetigerunt. Denique Concilii Pisani II. Patres (1511), quamvis Iulium II. accusassent tanquam „ manifestum et continuum in sua perversitate impeditorem ac turbatorem, — et assiduum in maximum Ecclesiae scandalum et iacturam contumacem, — pacis inimicum, — et in his omnibus enormibus continuis et notoriis criminibus incorrigibilem, induratum, inveteratum et obstinatum,” eumque propter haec omnia indignum declarassent, qui Pontificia dignitate amplius gauderet: non diu tamen post omnes, de sua salute metuentes, domum seceserunt (2).

Non

(1) Apud Wirz, T. III. p. 29.

(2) Vid. de hisce Conciliis Gerdes, II. p. 31. sqq.

Non magnos profecto habuere effectus haecce conamina, si eorum, quo instituta sunt, consilium spectes. Ipsi autem, a quibus ordiendum erat, Pontifices, Cardinales, et Episcopi omnium fere vitiorum laqueis erant infecti. Impediverunt praeterea rei successum Principum vel desidia, vel mutua bella. Probi igitur homines spem videbantur habuisse ex vano. At vel sic tamen aevi studium, semel fuscitatum, haud facile prorsus supprimitur, et vel ipsis illis conatibus, frustra institutis, excitatur, inprimis siquidem e Literis, rite excultis, magnum capere posset praesidium.

§ V.

Vis Literarum ad fovenda studia rationis perfectioris.

Medii aevi temporibus Literarum studium in Helvetia fere fuit neglectum. Etenim inde a Conrado de Mure, homine parum docto (1259), usque ad Felicem Hemmerlinum vix aliquis nominis celebritatem nactus est (1). Clerici vero, quorum intererat maiorem hisce studiis operam impendere, in maximam lapsi erant ignaviam inertiamque (2). Pauca admodum fuere adminicula eaque parum idonea (3). Quin istis temporibus tritum erat sermone proverbium: *quo melior Grammaticus, eo peior Theologicus* (4).

At

(1) Hottinger, T. VIII. p. 1226. sqq.

(2) Ruchat, T. I. *disc. prél.* p. 8. sqq. Wirz, T. III. p. 414.

(3) Weiss, II. p. 246. sqq.

(4) Hottinger, *de Episcop. instit.* L. II. c. 18. Fuere au-

At laetior mox illuxit dies. Ipsa illa, quae diximus, Literarum adminicula in Helvetia prius in usum convertebantur, quam in ipsa Gallia, neque id in urbibus tantum, v. c. Basileae et Genevae, verum in oppidis etiam et monasteriis (1). Praeterea, quae in aliis regionibus Helvetii gesserunt bella, haec partim quidem valuerunt ad corrumpendos mores, partim vero quoque eos liberarunt a quam plurimis praedictatis opinionibus. Hinc igitur factum est, ut Tiguri praesertim praeclari exstiterint viri, quorum nomina Historia memoriae prodidit; fuere hi Jacobus Chamaeus, Nicolaus Münchus, Johannes Nicolaus, alii (2). Academia etiam Basileensis hoc tempore doctissimorum virorum opera valde florere incepit. Illic Conradus Pellicanus, applaudentibus auditoribus, Theologiam docuit, et varii argumenti scriptis laudes et gratias accepit (3). Johannes Reuchlinus linguae Hebraicae fuit instaurator, de quo Erasmus: „merito virum hunc ceu Phoenicem et unicum suum decus tota suscipit ac veneratur Germania (4). Johannes Geilerus, qui et Ket-

fers-

autem, qui in orationibus sacris maxime in Literarum studium inveherent. *Arcete*, inquierunt, *liberos vestros a Graecis Literis! Hinc nascuntur haereses. Adeste praefecti! Succurrite, cives! Tantam pestem arcete rebus humanis!* Vid. quae Erasmus praemissit *Annotationibus suis in Epist. Pauli ad Ephef.*

(1) Wirz, p. 37. sq. 449. Cf. J. v. Müller, T. VI. p. 272. 381.

(2) Wirz, II. p. 338.

(3) Adami, *vitae Theolog. Germ.* p. 126. Gerdes, p. 109. sqq.

(4) Gerdes, p. 138. sqq. Lectu dignissimae sunt *Epis-*

iersbergius dicitur, non minus vitae probitate, quam doctrinae copia venerabilis fuit (1). In Literis excolendis, sine publica professione, consenuit Beatus sive Bildius Rhenanus (2). Et, ut cacteros omitamus, quot et quanta fuere Erasmi nostri merita! Totius ille sui aevi fuit decus, et apud posterum aeterna eius vigebit memoria.

Iam vero hi tales tantique viri, prouti in cacteris Europae regionibus, ita maxime etiam in Helvetia flourerunt. Interea autem nobilissima illa librorum imprimendorum ars inventa est, qua hisce temporibus divinius quidquam nec terris commodari, neque ab hominibus exoptari potuit (3).

Varii argumenti iam prodierunt scripta, in quibus censenda sunt cum opera inprimis Erasmi, quae ubique sensum melioris rationis excitabant atque alebant, tum notissimum illud opus, ab Hutteno praesertim conscriptum: *Epistolae obscurorum virorum*, quo saeculi barbaries deridenda exhibetur (4). Frobenius autem Basileënsis, et Froschauërus Tigurinus typographi sunt laudandi.

tolae clarorum virorum ad Reuchlinum. (sive *Capitonem*) misit. Tig. apud Chr. Froshoverum 1558.

(1) Adami, *vitae* p. 3. sqq.

(2) Adami, *vitae Germ. Philosoph.* p. 61. sqq.

(3) Scultet a. a. 1516. p. 1. sqq. Gerdes p. 1. sqq.

(4) Gerdes p. 17. nota a.

CAPUT TERTIUM.

QUOMODO HAECCE VALUERUNT AD PRAEPARANDAM
ET EXCITANDAM SACRORUM EMENDATIONEM.

Cognita iam nobis gente Helvetica, et investigata conditione Religionis Christianae hisce temporibus, superest, ut ostendamus, quomodo haecce valuerint ad procurandam Reformationem, qualis deinceps exstitit, Zuinglio imprimis auctore. Ut autem ordine procedamus, rem omnem ad tria haecce potissimum momenta, quae ex supra dictis sequuntur, referre optime posse nobis videtur: *primo* Sacrorum Emendatione Helvetiis opus fuisse; *secundo* tempora ad illam procurandam valde fuisse opportuna; *tertio* denique gentis Helveticae indolem ac regiminis rationem universae perquam fuisse idoneam ad illam instituentiam.

§ I.

*Sacrorum Emendatio hisce temporibus opus
erat Helvetiis.*

Univerſa Reformationis historia ab eo fere incipit: illam fuisse gentium et Religionis conditionem, ut omnino opus esset Reformatione: quod negare vix ausus fuerit ingenuus quisque Pontificiae Ecclesiae addictus, nisi (quod rite observavit acutissimus Broes (1)) illi for-

(1) W. Broes, *de Engelfche Hervormde Kerk en haar invloed op onze Nederlandſche*. T. I. p. 1.

fortasse, qui omnium maxime Reformatione indigerent. Ipsa enim Religionis Christianae indoles fere perierat, externa forma oppressa. Quod, uti aliis in regionibus, ita in Helvetia potissimum locum habuit.

Namque quae gravissima erant Religionis Christianae capita: Deum sese nobis exhibere Patrem clementissimum, benignissimum; deinde nos peccando miseros interveniente Iesu Christo, Dei Filio, cum eo in gratiam posse redire, fidem ac resipiscentiam praestantes, adiuvante Spiritu Sancto: haec misere corrupta habuere Helvetii, cum nimiam in Sanctos, in Pontificem Romanum ponerent fiduciam; cum poenarum reconciliationem sibi auro quaererent ab Indulgentiarum nundinatoribus; cum virtutem absolverent bonis quibusdam operibus; cum universae hominum praecepta divinis, leges canonicas Sacri Codicis essatis praeferrerent; verbo cum illud Iesu effatum: *πνεῦμα ὁ Θεός. καὶ τοὺς προσκυνοῦντας αὐτὸν ἐν πνεύματι καὶ ἀληθείᾳ δεῖ προσκυνεῖν*, negligerent prorsus, et indolem hancce Religionis *πνευματικῆς* ritibus et caerimoniis obscurarent.

Sic quidem Helvetia, una cum caeteris gentibus indigebat Reformatione, qualis deinceps exstitit, inprimis cum Pontifex Romanus vehementer sese hisce conatibus opponeret, et omni, qua potuit, vi inter Helvetios Hierarchiam stabilire studeret. Quod inculta, qua ad hoc usque tempus versati erant, aetate facile praestare potuit.

Praecipua enim depravatae Religionis causa videtur in ingravescente rerum divinarum humanarumque ignorantia omnino quaerenda. Quo incultior vero est ingenii ratio, eo homines sunt procliviores ad id, quod

quod sensibus placeat et mulceat; ita tandem formae solae adhaerere, rei indolem prorsus negligere incipiunt. Hinc tot tantique errores; hinc superstitio; hinc tota Hierarchiae moles. Itaque, forte quis dicat, ut cuncta ad Christi institutum revocentur, homines modo melius sunt instituendi, neque adeo istiusmodi Reformatione opus est, quae vi et furore superstitiosa quaeque invadat ac corruat. Verum qui ita sentit, secum reputet velim, *et* Ecclesiae illius aevi conditionem nimis corruptam, ut levi remedio curari potuisset; *et* Hierarchiae indolem illiberalem (*intolerantem*), doctrinarumque studio minus faventem, *et* conditionem hodiernam Hispaniae, Austriae caeterarumque regionum, Pontifici Romano addictarum, *et* denique quid probabiliter futurum fuisset, nisi exstisset Emendatio illa Sacrorum, quae Lutherum, Zuinglium, Calvinum inprimis auctores habuit (1). Quid vero hanc in rem a Conciliis expectandum fuisset, vel Historia doceat Conciliorum Constantiensis, Basileënsis et Pisani.

§ II.

*Tempora valde fuerunt opportuna
ad procurandam in Helvetia Reformationem.*

Nemo igitur facile, haecce ingenue animadvertens, Reformationis in Helvetia instituendae necessitatem inficias ibit. At tali Emendatione iam diu ante opus fuisse Ecclesiae Christianae, luculenter apparet e variis istis conaminibus, hanc in rem publice priva-

(1) Verbo haecce tantum indicavimus, quod uberius ea exposuit Villers, II. p. 84. sqq. *ed. fter.*

vatimque institutis. Verum quod vix effectum fortirentur haecce conamina, ex eo etiam repetendum videtur, quod ipsius aevi conditio rei successum fere impediverit. Scilicet a puero non sunt expectanda, quae juvenili demum conveniant aetati.

Ut ante Christum Religio Mosáica quam maxime erat depravata, Deus tamen pro sua sapientia tempora elegit instituto suo novam inter omnes terrarum gentes societatem condendi commodissima (1). Neque aliter de aevo, quo existit Sacrorum Emendatio, iudicandum videtur. *Primum* enim universe observamus in gentibus Germanicis, ad quas Helvetii magnam partem pertinebant, his temporibus diu praeparata latuisse melioris rationis semina, quae Reformatorum *πρόδρομοις* sparsa atque a conaminibus, publice emendandae Ecclesiae causa institutis, fota, tandem per literarum incrempta, et varii argumenti scripta, typis expressa, ad maturitatem pervenerunt. Verum *praeterea* cuncta illa hoc aevo in Helvetia ita erant comparata, ut libertatis vindicandae desiderium promoverent. Liberam enim habebant Rempublicam neque pendentem eam vel a Germaniae Imperatore, vel a Franco-Gallorum Rege, utroque Principe longe potentissimo. Neque hoc levi momento est censendum. Carolus enim V. et Franciscus I. politicis inprimis studiis ducebantur, atque Emendationi Sacrorum universe magis obfuisse, quam profuisse dicendi sunt. Hierarchiae autem in Helvetiam vis non talis fuit, ut difficile ei sese subtrahere posse viderentur. *Deinde* cum vix cunctae

(1) Quae uti ab omnibus Historicis exponi solent, ita nuper accuratissime docuit Cl. Neander, *Gesch. der Christl. Rel. und Kirche*, T. I. Sect. I. S. 4-90.

tae civitates ad communem Rempublicam accessissent, illum libertatis ardorem, uti solent fere gentes, facile his temporibus ad Religionem transtulerunt, maxime illa in regione, quae aëris temperie et naturae deliciis eum sensus altiores, tum libertatis ardorem excitare solet, et propofiti tenaces reddit incolae. Porro variis, quae extra patriam gesferunt, bellis Helvetii de vitis certiores fiebant, quae magno numero in ipsa grasfabantur Pontificis aula: quod sane non potuit non valde obesce Religioni, quam etiam nunc erga ipsum sibi vindicare solebant. *Præterea* nisi morum corruptio in dies increceret, atque ita omnis Religionis sensus apud multos evanesceret, Helvetii bellis istis, argenti causa gerendis, finem imponere, et *pensiones* istas, quae dicebantur, prohibere debebant. Iam cum multae civitates de hisce abrogandis decreta tulissent, magnum ita de moribus lucrum facientes, viam sibi moniebant ad procurandam Reformationem, quae in iis emendandis inprimis versaretur. *Denique*, a curis hisce politicis vacui, iidem illi otium adepti sunt, quo ad sacra rite attenderent animos.

Iam vero si hasce causas et opportunitates adiungamus Reformationis necessitati, § præcedente descriptae, quam senserunt Helvetiorum bene multi, cuiusque adeo desiderio flagrarunt, quisque, nisi totus scellar, luce clarius animadvertit, tempora quam maxime fuisse ad præparandam et excitandam in Helvetia Reformationem opportuna.

Ne autem quis, haecce considerans, in animum sibi inducat, iam veri fore simillimum, ut omnes Helvetiorum civitates talem instituerent Reformationem. Nam quominus id fieret, aliae impediverunt causae. Religio scilicet Pontificia inter Suitenses, Urienses et Un-

tervallenses formam induerat, accommodatam illam ad indolem hominum, montes incolentium, et Reipublicae maxime studiis indulgentium. *Deinde* iidem illi homines vivida inprimis phantasia gaudebant, et rebus ducebantur in sensus incurrentibus, ac istiusmodi, pastoritiam puta, vivendi rationem agebant, quae ritibus solet et caerimoniis delectari. *Porro* cum istis caeremoniis, quibus Ecclesia Romana conspicua est, arctissime coniuncta erant festa illa in beatam virorum memoriam, qui patriae libertatem constituerant et vindicaverant, instituta, atque in hisce inprimis civitatibus, in quibus foederis Helvetici olim initia habebantur, maximo ardore celebranda. *Praeterea* pauperes illi montium incolae de Hierarchiae iugo et varii generis tributis non magnopere queri poterant. Quibus *denique* accedit, eos de ingenio excolendo omnium minime fuisse sollicitos, et sacerdotes inprimis, quippe qui caeteris doctiores habebantur, magnam exse-ruisse vim in eorum consilia et agendi rationem (1). Neque etiam negligendum videtur, nonnullas civitates, odio incitatas politico, vehementer alienas fuisse a Tigurinorum consiliis, quod monuimus c. 1. § 2. (2). Saepissime autem coniungi et confundi factiones civiles litesque de rebus sacris, cuique ex Historia notum est.

(1) Sunt fere verba Villerfii, II. p. 152. sq.

(2) Idem illud observavit Hamelaveldius, *Kerkel. Gesch.* T. XX. p. 377.

§ III.

*Gentis Helveticæ indoles et regiminis ratio
ad instituendam Reformationem
fuit idonea.*

Cum vero a gentis indole ac regiminis forma pendere varia eius instituta sæpissime vidimus, quænam esset utriusque huius apud Helvetios conditio, habita Sacrorum Emendationis ratione, observasse haud abs re videtur. Iam cuidam Helvetios animadvertenti, antea Romanæ Ecclesiæ addictos, nunc vero sese ad Reformationem ita propensos ostendentes, ut mox novam conderent fodalitatem, hæc forte succurrit quaestio, utrum iidem in hac agendi diversitate servaverint indolem, an vero mutaverint. Ex iis, quæ antea ex eorum Historia cum civili, tum Ecclesiastica notavimus, facile colligimus eos, ut ingenium sese sensim paulatimque explicuit, eandem tamen universè servasse indolem. Difficile autem gentem, etsi vel magnam subierit rerum commutationem, commutare indolem, Historia nobis testis est. Ita v. c. Hebraei, qui ante exilium Babylonicum se ad idolorum plurimumque Deorum cultum valde propensos, postea autem universè ab eo vehementer alienos ostenderunt, in hac agendi diversitate, eandem servarunt indolem (1). Idem testatur Arabum exemplum, qui, licet, Muhammede auctore, commutationem subierint unam in paucis gravissimam, indolem tamen eandem omnino manifestarunt. Verum ne nimis peregrina afferre videamur, ipsos attendere lubet populos Germanicos.

(1) Quod egregie docuit amicus J. Gerritzen, in Comment. de hac quaestione, obvia in *Annalibus Acad. Rheno-Trai.* 2°. 1823-1824.

cos. Quantopere enim Christianis laborandum erat, ut hosce populos, de proavorum consuetudinibus atque institutis admodum sollicitos, eo tandem ducerent ut Religionem profiterentur Christianam. Quam illi profitentes mox ad rudiores adeo suam indolem quodammodo componere studebant. Sanctos illos tanquam heroes suspicere atque venerari coeperunt: in Hierarchiam Romanam militaria sua transtulerunt studia, unde factum est, ut indulgerent quam maxime *expeditionibus sacris*, atque *equestris* illa ratio iis valde placeret. Hinc igitur probabile fit, Helvetios in eadem re Hebraeis, Arabibusque et Germanicis istis populis, e quibus et ipsi originem traxerunt, esse adnumerandos. Quae cum cuique hancce causam accuratius investiganti, satis luculenter apparent; hic sumere licet, Helvetios, quamvis Reformationis desiderio fere ducerentur, non propterea tamen indolem commutasse. Ab eadem autem hacce indole eorum quoque regiminis ratio suam acceperat formam, quae vicissim in cuncta, quae ad magnam in Religione commutationem ducere videbantur, suam vim non exferere non potuit. Ab hisce autem ulterius probandis abstinendum nobis est hoc loco, cum e supra allatis, satis patent: Hanc vero nos ad nonnullas ducunt observationes, quae ad secundam Disf. partem viam nobis parant.

Primo, Sacrorum si rite constituta foret Emendatio, liberalitate illa, vere Christiana, conspicua esse debebat, eamque ad suam veluti naturam referre. Quam igitur in gente istiusmodi ratio rectius potuisset procedere, quam in hac Helvetiorum gente, quorum libertatis sensus nec Regum, neque Imperatorum conaminibus, neque ipsius quidem Hierarchiae vi opprimi, nedum divelli potuit? *Deinde* ad procurandam hanc-

hancce Reformationem opus erat magna animi vi et propositi tenacitate, quae nec blanditijs, neque invidia ac furorè opprimi se pateretur. Nominè vero iisdem hisce virtutibus ornati erant Helvetii, ita ut vix ac ne vix quidem ab eo possent abdaci, quod semel magno animi ardore inceperant, in quo tamen peragendo, propter animi quandam agilitatem, forte nimis inconsiderate, procedere solebant? Porro eadem Reformatio cum inprimis quoque occupata esset in emendandis moribus: qua tandem in gente, nisi in Helvetiis, aptius potuisset accidere, qui, dummodo vires intenderint, tantae moralis perfectionis erant capaces? Denique hoc addendum, ne in hac rerum commutatione pro lubitu ageret Magistratus, prohibuit civium libertas: contra quominus aut seditio oriretur, aut nonnulli in fodalitate Christiana condenda novam Hierarchiam affectarent, impeditur bene constituta Reipublicae ratio. Sic politica et ecclesiastica causa arctissime fuit coniuncta. Quod quo magis pateat, attendamus discrimen vindicandae libertatis Religionis in Helvetia atque in Belgio, eadem illa aetate; quod sane discrimen ex utriusque gentis conditione profluxit. Belgae aequè ac Helvetii occupati erant inconstituenda libertate cum politica, tum Religionis. Utrique Rempublicam condiderunt, in Europa celebratam. Verum illi a vindicandis iuribus Religionis inceperunt, et his demum fuerunt inducti, ut politicam acquirerent libertatem. Sic Reformatio apud illos exstitit fundamentum Reipublicae. Contra Helvetii suam iam constituerant Rempublicam, suam sibi vindicaverant libertatem politicam, cum Reformationem instituerent. Hinc vinculum Religionem inter et Rempublicam apud utramque gentem erat diversum.

PARS

PARS SECUNDA.

DE ZUINGLIO, HELVETIAE REFORMATORE.

Hisce ita prae paratis, Zuinglius prodiit Helvetiae Reformator. Quae enim in caeteris regionibus locum habuerunt, eadem illa in Helvetia haud frustra quaerimus. Iamiam decrementa cernebantur Hierarchiae; iam eo pervenerant Helvetii, ut sacrum illud non diutius ferrent iugum. Quum igitur magna prope instare videretur rerum commutatio, viro tantum opus erat, qui ingenii animique facultatibus valeret, ad magnum illud negotium constituendum, et cuncta, vitam ipsam, pro Religionis causa profundero non abhorreret. Talis vir existit Zuinglius, Helvetiae Reformator.

CAPUT PRIMUM.

ZUINGLII VITA ET INDOLES.

§ I.*Adolescentia.*

Zuinglii hic copiose enarrandi fata neque nobis est propositum, neque nostrum fert consilium; sed illam

iam tantum attendamus, oportet, rerum temporisque rationem, quae ad eum instituendum informandumque Helvetiae Reformatorem omnino valuit.

Habetur haud procul ab Helvetiis, quibuscum etiam foedere coniunctus est, *Comitatus*, qui dicitur, quondam Doggiorum (*het Graafschap Toggenburg*), amoenis conspicuus locis fertilibusque propter montium, vallium, sylvarum, fluminum, qua gaudet, copiam. A libertatis ardore, a proficiendi cupidine, ab artis musicae studio incolae inprimis laudari solent. Hac in regione, et in pago quidem, quem vocant *ad Domum Sylvestrem* (*Wildhaus*), 2010 pedum numero supra lacum Tigurinum elato, Zuinglii fuerunt incunabula (1). Illic prima die anni 1484 natus fuit e parentibus Huldrico Zuinglio, id temporis pago praeposito (*Amman*), et Margaretha Meili, utroque morum probitate admodum conspicuo (2). Iohannem Meili, Abbatem Viscingenfem, avunculum habuit, qui de puero optime fuit meritis, quod ipse testatus est: „non equidem (inquit) animo meo excidit Abbatis Viscingenfis, cognati nostri fidelissimi, consilium, quo me non semel modestiae ad-

(1) J. F. Franz, *Zwingli's Geburtsort* (St. Gallen 1819).

(2) „Clarus fuit pater ob spectatam vitae sanctimoniam, et supremam, ut inter illam gentem, dignitatem: Amanus erat enim.” Myconius, in *vita et obitu H. Zuinglii*, qui libellus praemisus est *Epist. Joa. Oecolampadii et Huld. Zuinglii*. Idem autem Myconius, et Adamus, *Vitae Theolog.* etc. in *vita Zuinglii*, diem natalem fuisse aiunt primam anni 1487; at male. vid. *Usteri und Vögelin, Jahrtafel für die Lebensgesch. H. Zwingli's*, praem. Operi *M. Huld. Zwingli's sämtl. Schrift. im Auszuge*.

admonuit, ut nimirum huius in omni conatu hoc memor, si rem hanc aggrediar, ne forsan magni alicuius mali mihi author sim: cuius admonitioni amicae et salutiferae me gratias dignas debere fateor. Cum enim me paterno amore semper persecutus sit, non quicquam de illius candore dubitare possum, quin et hac admonitione sua animum suum nobis testari voluerit" (1). Bartholomaeum autem Zuinglium, Antistitem hoc tempore in vico *Wildhaus* (2), hominem non indoctum, patrum habuit, et vel magistrum amantissimum. Pater enim (ait Myconius) ominatus de filiolo non male, tencerrimum adhuc fratri sacrificio commendabat, si quid Literarum in eo comperiret. — Haecce autem de puerili Huldrici observasse aetate, haud indignum videbatur, inprimis cum et loci conditio, et civium indoles, et parentum exemplum, et magistri denique institutio, quibus quis puer usus fuerit, magnam in hominem habere solet efficacitatem.

Verum iam in eo fuit adolescentulus, ut alio indigeret praeceptore; quo factum, ut decennis curae commissus sit Gregorii Bintzlii, Basileae Literarum initia docentis, viri docti, probi, et mirum in modum mansueti. Hisce in scholis discendi ardore magnisque, quos fecit, progressibus summam meruit laudem (3). Tribus vero annis post, suadente Bintzlio, Bernam profectus, Henricum Lupulum

(1) Zuinglius in *Dedic. Sermonis de Casta, intemerata, semperque Virgine Maria*. Op. T. I. p. 340 b.

(2) Is deinceps Antistes et Decanus fuit in urbe Wessen prope lacum, qui dicitur Wallenstadtensis.

(3) Wirz, lib. T. IV. p. 131.

lum (Wölflin) audivit, virum doctrinae copia clarum atque inter illius aevi poëtas haud contemnendum. Iam ipsos auctores Latinos, qui dicuntur, classici adiit, iisque sedulo volvendis rerum sibi comparavit cognitionem, iudicium acuit, sensum veri pulcritque exercuit. At vero non multum hic abfuit, quin optimae spei juveni eidemque musicae artis perito persuaderent Dominicani, ut Ordini ipsorum Monachico se adscriberet (1). Quod cum cognovissent pater et patruus, de eo valde solliciti, ne perditis istorum moribus corrumpere, Viennam eum (1499) miserunt, quo ad illorum temporum rationem Philosophiae operam daret. Neque vero Philosophiae illius depravatae studium illi, qui Literarum humaniorum iam captus erat elegantia, omni prorsus destitutum fuit utilitate, quippe quo rite cogitandi et acute iudicandi facultate increvit, et tela cognovit, quibus deinceps eum petitori essent adversarii. Intimam interea coluit amicitiam cum Hendrico Glareano (Loritz) et Ioachimo Vadiano (von Wadt), utroque itidem ex Helvetia oriundo (2). Iuvenilis autem aetas ad amicitiam contrahendam est aptissima, e qua propter animorum, studiorumque similitudinem magna redundare solet mutua utilitas. Praeterea hic cognitos habuit Eckium, et Faberum, qui deinceps acerimi ei exstiterunt inimici.

Postquam igitur per triennium fere Viennae commoratus fuerat, nunc sibi ipsi prospiciendi, et simul Theologiae

(1) J. C. Hefs II. p. 11.

(2) Usteri et Vögelin, *Jahrb.* p. 6. hisce addunt *Conradum* et *Leopoldum Grebelium* fratres, de quibus tamen dubitat Schuler, II. notis n°. 16.

giae operam navandi tempus adesse videbatur. Quocirca Basileam reversus (1502), Literarum initia in schola Martiniana percipi provinciam in se suscepit. Privatas interea Literarum et Philosophiae exercitationes diligenter est persecutus, ut et ipsi honori et amicis utilitati, et Reipublicae emolumento esse posset. Nec vero seriis tantum delectari consuevit, verum iocum etiam et ludum sermonibus inferere amavit: nam magna fuit in adolescente iucunditas, et in iocando lepos. Musicis imprimis se dedit, quibus ad altum prae multis pervenit perfectionis gradum (1).

Tali igitur Zuinglius ingenio ad Theologiae studium transiit, in quo Leonem Iudam comitem habuit et amicum fidelissimum. De praeceptore autem, quousque sunt illi, audiamus Leonem ita disferentem: „E vobis [e Bielenensibus] prodiit nobis D. Thomas ille Vittenbachius, vir in omni disciplinarum genere exercitissimus, et qui propter multiuigam eruditionem omnibus istius saeculi doctissimis hominibus miraculo et stupori, et phoenix quaedam habitus sit. Quo praeceptore Zuinglius et ego, uno eodemque tempore circa annum Domini MDV Basileae Literis operam navantes, formati sumus. Nec solum in cultioribus disciplinis, quorum erat callentissimus, sed in scripturarum quoque veritate. Ut enim homo ille praeter singularem eloquentiam acuto erat ingenio, multa, quae posteris temporibus ab aliis

(1) — „Non solum Musicen ita coluit, sed omnibus Literarum studiosis, ut eandem pari secum ratione colerent, suavit diligentissime. Cum nihil sit enim, quod hominis animum, quacunque tristitia turbatum, honestius exhilaret, quacunque severitate obnubilatum iucundius serenet, quidni sic suavisset?” Myconius in vita.

aliis prodita sunt, praevidebat, ac praefagebat, ut de indulgentiis Papisticis, et aliis rebus, quibus Romanus Pontifex stultum mundum aliquot iam saeculis dementaverat. Ex hoc hausimus, quidquid nobis fuit solidae eruditionis, atque hoc totum ei debemus. Quum ergo a tanto viro semina quaedam verae Religionis Zuingliano pectori iniecta essent, et calcar additum, quo ad lectionem Sacrarum Literarum, reiectis nugis sophisticis, excitaretur, ad Graecanicarum Literarum studium statim accinctus Marte suo profecit" (1). Idem ille Vittenbachius in disputatione publica docuit, „indulgentiarum negotium nihil esse quam fucum et dolum" (2). Quamnam vero in iuvenilem animum vim habere solet carissimi cuiusdam praeceptoris institutio, nemo est, qui nesciat.

§ II.

Zuinglius sacro munere Glaronae fungitur.

Optime ita accinctus Zuinglius sacrum munus obiit. Postquam enim (1506) in Academia Basileensi Philosophiae Magister fuerat creatus, a Glaronensibus, invito licet Pontifice Romano, qui hocce, quod dicitur, *beneficium* iam alii cuidam, nomine Göldlin, concesserat, ad sacra ministranda vocatus est. Zuinglius autem, quantum sibi deesset, quo rite officio fungeretur, probe sibi conscius, summo denuo animi ardore in disciplinarum studium incubuit. E

La-

(1) *Ad Clar. Bienenfes L. Judae epist.*, praem. Zuinglii *Annot. in plerosque N. T. libros*. Op. T. IV.

(2) Zuinglii, *Explan. Artic.* Op. T. I. p. 37 b.

Latinis imprimis Valerius Maximus, e Graecis Lucianus ei placuerunt. Omnium maxime in Libros S. S. inquirere, ex iisque vere sapere conatus fuit. Descripsit ipse et memoriae mandavit Paulinas Epistolas. In interpretando loca parallela et contextam orationem ob oculos habenda esse sibi duxit; verum quaecunque bonae frugis ediderunt Patres Ecclesiastici, imprimis Origenes, Chrysostomus, Ambrosius et Hieronymus, maxime etiam, quae praeclare notaverat Erasmus, abhibuit suosque in usum sedulo convertit (1). In hisce exercitationibus, quibus verae sibi sapientiae laudes paravit, admodum fuit delectatus. Nec vero Haereticorum, qui habebantur, scripta propterea neglexit, sed quae reliquerunt Ratramnus Monachus, Wiclefus, Husus, Picus Mirandola, studiose perpendit, seque ex iis multum profecisse saepius est confessus (2).

Helvetiorum autem mores his temporibus valde corruptos maxime deploravit Zuinglius; sed quo melius huius rei causam perspiceret, mox propius intuendi opportunitatem nactus est. Est hoc enim Helvetiis in more positum, ut proeliis interessent Sacerdotes, qui Sacra ministrarent, qui morientibus ultimo, quod dicitur, *sacramento* occurrerent, qui admonitionibus et cohortationibus militum lasciviam cohiberent, et pectora imbuerent vincendi aut moriendi cupidine (3). Iam vero Zuinglius, Glareanorum castra in Italiam secutus, proeliis interfuit Paviensi, Navarrensi et Marignannensi (4). Quem tandem do-

(1) Wirz, T. IV. p. 133. J. C. Hess p. 19.

(2) Hottinger, T. VI. p. 485.

(3) Hottinger, T. VI. p. 709.

(4) Werner Steiner, *Chron.* apud Hottinger

lorem censeamus animum eius hoc tempore sustinuisse! Quantopere deplorasce Helvetiorum infaniam, qua abrepti sese ipsi ceu servos et pecudes vendebant Principibus! Huius, quem sentiebat, doloris testes sunt duo carmina, ab eo condita, quibus fabulae specie perditos Helvetiorum mores, huiusque rei causam ad vitam quasi depinxit imaginem (1).

Cuncta esse emendanda intime sibi persuasit. Ut igitur iam inceperat, ita nunc maxime pergebat, ad meliora alacri tendere animo, caeterosque in rectam adducere viam. Homo autem, istiusmodi ingenio et suavissimis moribus praeditus, non potuit non multos sibi conciliare amicos, multosque sibi parare inimicos. Tanta apud magistratum, plebem et nonnullos clericos valuit auctoritate, ut nulla fere alicuius pretii suscepta sit causa, nisi illius ante cognito consilio (2). Viros maxime nobiles, quales fuerunt e domo Tscudiana, Aebolina, caet., suos habuit familiares. Arc-tiora autem amicitiae vincula contraxit cum Bintzlio, Antistite in urbe Wesen, suo quondam praeceptore, cum Adamo, Antistite in pago Molli, cum Varschone, Antistite in oppido Kerenssen, quibuscum saepissime de rebus sacris haud sine fructu disputavit. Cum caeteris vero, inter quos inprimis Glareanus est censendus, amicitiam coluit literis vicissim datis (3).

Pro-

gerum T. VI. p. 709. Ipse Zuinglius expeditionem, 2^o. 1512 susceptam descripsit; qua de re vid. Schuler, p. 81. sqq.

(1) Horum carminum expositionem videas apud Schuler, p. 62. sqq.

(2) Hottinger T. VI. p. 371.

(3) De hisce vid. Wirz, T. VI. p. 136., qui plura haec in rem citavit e Joh. Jac. Simmleri, *Saturn.*

alter

Profecto non exiguam cuncta haec vim habuerunt ad informandum Zuinglii animum, eumque excitandum, ut eadem, quam instituerat, ratione laudabiliter ac mascole pergeret. Quod autem Erasmus ille susceptis eius faveret, illud ei stimulum addidisse, quis, quaeso, non videt? (1)

Verumenimvero quem summis rerum Moderator ad magni quid efficiendum destinavit, non ille prospera semper utitur fortuna; sed saepissime per multa magnaue rerum discrimina ad propositum sibi adducitur consilium et finem. Ita enim vires periclitando exercere, animum prae rebus caducis efferre, prudentiam constantiae coniungere discit. Quae sane

Zuin-

alter und neuer Urk. zur Beleucht. der Kirchengesch. des Schweizerl. V. VIII. Inprimis autem vid. Schuler p. 127. sqq.

(1) Operae pretium est Erasmi hic adducere epistolam, ad Zuinglium, *Philosophum ac Theologum cum primis eruditum*, hoc tempore misam. Sic sese habet: *Mnorem in modum me delectavit et tuus tam propensus in me animus, et litterarum tuarum festiva iuxta et erudita argutia. Quibus si parum respondero, non mihi debes imputare; sed hisce laboribus, nunquam opinor finiendis, per quas cum saepenumero cogor esse parum humanus in eos, in quos minime velim, in me ipsum tamen sum inhumanissimus, genti vim exhaustiens, quam ne quinta quidem sarciat essentia. Lucubrationes nostras Tibi probari, Viro tam probato, vehementer laetor, et hoc sane nomine minus mihi displicent. Gratulor Helvetiae Genti, cuius ingenio peculiariter etiam faveo, quam Tu Tuique similes optimis etiam studiis ac moribus, et excolitis et nobilitabitis. — — — Fac, mi Huldricce, ut obiter calanum exerceas, optimum dicendi Magistrum: video favere Minervam, si accesserit exercitatio. — Vid. apud Hottingerum T. VI. p. 626, 627.*

Zuinglii item exemplo probari possunt. Infesto eum animo persecuti sunt varii generis homines. Et omnes quidem illi, qui Principum munera (*pensiones*, de quibus supra diximus) accipiebant, queri semper solebant, se eo auctore multitudini in odium et invidiam venire. Dolebat autem, et exprobrabat Clericorum caterva, odiosum sane genus hominum, se ab eo, qui ne a Pontifice quidem Romano hoc in beneficio fuit collocatus, et ingenio, et moribus, et auctoritate superari. Hisce denique sese adiunxerunt caeteri, qui, cuiusvis generis vitiis indulgentes, hanc ob causam in eius incurrebant reprehensiones (1). Neque tamen publica eum laedendi conamina instituire ausi sunt: verum occulte eum petierunt. A morum maxime, qua gaudebat, suavitate eum calumniandi animum ceperunt. Zuinglius autem vivido praeditus ingenio, artis musicae peritus, pulcri sensu ductus, delectari solebat hominum consortio, atque amicitia uti foeminarum bene moratarum. Neque ipse Myconius eum in iuventute ab omni licentiae labe infontem iudicat. Namque inquit, „ ut hominem iuvenem non possum liberare ab omni peccati naevo, „ mox tamen addit, „ sic reverentia pudoris, imprimis autem officii divini, perpetuo cavit, ne malo exemplo coelestis imminueret auctoritatem doctrinae” (2). Eo

ve-

(1) Schuler, l. l. p. 135 sqq. et scriptt. ibi cit. Usterl et Vögelin, *Jahrt.* S. 14.

(2) Peccatorem equidem magnum me esse non inficior, rursus vero et flagitiose nunquam vixi, ne tunc quidem cum annis essem junior, adeo ut nemo unquam me alicujus criminis insimulare potuerit. Zuingl. ad Valent. Cuius par. Op. T. I. p. 227.

vero tandem inimicorum procescit impudentia, ut multa Zuinglio nefanda facinora imputarent, quin eum propterea ex coetu Glaronsi expulsum esse affirmarent (1). Quae tamen omnia Zuinglii apimum magis roborabant, quam debilitabant. Laetandi autem ei causa accidit, quum in alium migrandi locum opportunitas ei offerretur.

§ III.

Zuinglius

in loco Eremitano Sacrorum minister.

Est in civitate Suitensi in valle haud adeo fertili monasterium Divae Virginis Eremitanae (*Einsiedeln*), sylvis undique tectum, propterea imprimis celebratum, quod Angelorum hic colere solebant Christiani festum annuum, quo *plenariam* acciperent peccatorum *indulgentiam* (2). Ad hunc locum Zuinglius, dolentibus maxime Glareanis (3), transiit, ibique alios eosque egregios viros invenit, quibuscum propter morum similitudinem pariaque studia facile amicitiam contraxit. Qui quidem viri verbo hic videntur notandi. In hisce Conradus Reckenbergius, Abbas, senex fuit parum quidem doctus, verum liberali praeditus ingenio, Monachorum studiis quam maxime favens (4).

Re-

(1) Gerdes, *Introd.* II. p. 104. *nota b.*

(2) Ipsi enim feruntur Angeli sacram hanc aedem olim initiasse. Vid. J. C. Hefs, l. I. S. 51 sqq.

(3) Hottinger, l. I. T. VI. p. 359. T. VIII. p. 24 sqq. Wirz, l. I. S. 139. Schuler, l. I. in notis n^o. 140.

(4) Joh. Leu, *Lebensgesch. Leo Juds in Miscell. Tig.* 3. 28 sq. apud S. Hefs, *Urspr.* etc. S. 22. Schütte-
ti *Ann.* a. a. 1517. p. 19.

Hic vero rerum in monasterio administrationem Theohaldo tradiderat Geroldfeggio, viro generoso et vere nobili et legendi avido (1). Porro Franciscus Zinggus, Capellanus S. Sedis ipsiusque monasterii, doctrinae amantissimus, et artis musicae peritus. Praeter hosce Michaël Sanderus, Johannes Oechslipus, Erasmus Schmidius. Quos igitur Zuinglius omnes sibi amicos comparavit studiorumque comites. Amicorum autem ope, qui Basileae degabant, multos in Bibliothecae monasterii usum magni pretij libros emit. Iam omnes eodem animo eodemque discendi studio ducti libros sacros legerunt, Patrum scripta, Erasmi etiam, Reuchlini aliorumque (2).

Zuinglius vero in multis, quae egit, probatus ivit, et eximiorum virorum applausu incitatus ad magna quaeque procescit. De Romanae Ecclesiae erroribus magis magisque sibi persuasit, neque sententiam suam adeo operuit amplius, sed candide saepe professus est, alia prorsus docere Sacrum Codicem. Aliquando etiam cum ipso Matthaeo, Cardinali Sedunensi, de Traditionum humanarum erroribus, deque doctrina et S. Scriptura diserebat, qui, se Romanensium errores probe cognoscere, et cognitos improbare, ei dixit (3). Cuncta igitur haec effecerunt, ut tandem

(1) Zuingl, *Explan. Art.* Op. T. I. p. 37. b.

(2) Gerdes, L. I. p. 105. Zuinglius, ad Petrum Sebillam. *Epp. Qec. et Zuingl.* p. 191. a. Ep. Zuinglii ad Geroldfeggium praem. disc. de *Canone Missae.* Op. T. I. p. 176. b.

(3) Zuinglii, *Resp. ad Valent. Campor.* Op. T. I. p. 230.

dem sacra emendandi firmum constaret consilium : quod quo firmitus teneret, nihil magis valere poterat, quam Samsonis, indulgentias in Helvetia nundinantis, impudentia (1).

Itaque quietis et tranquillitatis plenissimus ille locus maxime opportunus fuit Zuinglio, qui vires colligeret ac roboraret, ut omni se vi et ardore opponeret ignorantiae, praeiudicatis opinionibus, moribusque depravatis, ut veri bonique sensu, qui Religioni divinae inest, Christianos imbueret, eosque adduceret ad venerandum Deum *ἐν πνεύματι καὶ ἀληθείᾳ*.

§ IV.

*Zuinglius Tigurina in urbe
variis opportunitatibus adducitur
ad consilium constanti animo
exsequendum.*

Hactenus historico ordine Zuinglii fata brevi per-
lustravimus; nunc vero, ne in rerum copia vagi erre-
mus, cuncta locis quibusdam distinguenda videntur, et
breviter adumbranda. Quapropter primum de iis videa-
mus, quae eum adhortandi imprimis habuerunt vim.

Tigurina urbs meditullium veluti erat totius Helve-
tiae. Ibi cum Nuntius Pontificis suam sedem habebat,
tum viri habitabant maxime nobiles atque eruditi.
Quamvis autem et hic quam plurimi in exterorum
Principum militiam proficiscendi studio essent abducti,
hocce tamen tempore omnes fere agriculturae caete-
risque artibus operam imponere ceperunt (2).

Huc

(1) Hottinger, l. l. T. VII. p. 161 sqq.

(2) J. C. Hefs, l. l. S. 71 sqq. cf. Schuler, l. l.
S. 214 sqq.

Huc ergo Zuinglius, qui sacris fungeretur in aede sacra maiori (*Groot Munster*), a Canonicis, penes quos vocandi erat ius, fuit vocatus (1519), quod ut fieret, maxime curavit Oswaldus Myconius (1). Perquam ei placuit hicce locus, propterea quod, cum in templo Divae Virginis Eremitanae non eadem semper esset, coram qua dicendi occasio erat, concio, hic contra eosdem semper habuit auditores, quorum igitur animos eo melius suis imbuere posset studiis. Licet autem ipsi Tigurini alii alio modo de Zuinglio sentirent; horum tamen plurimi magna quaeque ab eo expectabant (2).

Amici, ei gratulantes, simul ut eodem, quo inceperat, ardore in iis constituendis pergeret, quae vera essent atque utilia, fuere auctores (3). Ipse Hugo, Constantiensis Episcopus, quo tempore Samson in Tiguri viciniam iter suscipiebat, literas ad eum misit, *quibus hortabatur, ut quod coeptum erat (contra papisticas indulgentias) fortiter exsequi pergeret; se enim ei bona fide affuturum* (4). Animum etiam addidit proborum et eruditorum hominum applausus (5). Simul autem in-

(1) Vidd. literae hac de re vicissim datae, ex Simmleri *Samml.* depromptae, apud Wirz, l. l. S. 147 sqq. cf. Felix Nüscheler, *het leven van Zwingli*, p. 10.

(2) Bullingeri *Chron.* T. III. apud J. C. Hefs, l. l. S. 83.

(3) Cuius rei testes sunt eorum epistolae, quas e Simmleri *Samml.* citat Wirz, l. l. S. 154 sqq. cf. Hottinger, l. l. T. VI. p. 28. 217. 264. T. VIII. p. 216. alibi.

(4) Zuinglii, *Resp. ad Valent. Comp. Op.* T. I. p. 230. a.

(5) Gerdes, l. l. p. 266.

genū animique, quibus gaudebat, facultatibus factū est, ut sepiissime de variis et gravissimis quaestionibus confuleretur (1), illiusque auctoritas cresceret quam maximo, tam in aliis regionibus, quam in ipsa Helvetia (2). In eo praeterea laetandi etiam causam habuit, quod Oecolampadius, ei amicissimus, Basileae idem aggressus opus, tanto animi ardore et constantia procedebat, atque eodem, quo ipse, spiritu tangebatur (3). E publicis porro, quae habebantur, disputationibus Zuinglius semper superior decessit; atque omnes omnino eius conatus tam felicem habuerunt successum, ut non posset non Deo maximas agere gratias.

Hisce igitur omnibus quam maxime est incitatus, ut consilium fortiter perfequeretur. Qui autem suae sibi imbecillitatis conscius est, et nihil humani a se alienum putat, ille vires suas magis magisque explicare officium esse ducat, necesse est. Quocirca neque Zuinglius suas intermisit lucubrationes; sed sedulo evolvere perrexit Homerum, Theocritum, Hesiodum, Aristophanem, Demosthenem, Thucydidem, Platonem, Aristotelem. Sensit autem, quo melius in inter-

(1) Hottinger, l. l. T. VI. p. 316 sqq.

(2) Huius rei documenta affert quam plurima Hottingerus, l. l. T. VI. p. 323-636. Sic ipse Zuinglius ad B. Hallerum d. 4. Dec. 1521: *Scribunt ad nos Suevi, exigunt quotidie, quod ipse praestare nequeo, tamen pro virili ipsis satisfaciam. Scribunt ex Helvetiis ferme omnes, qui propter Christum premuntur. Epp. Zuingl. et Oecol.* p. 39. b.

(3) *Ep. Joh. Oecolampadii ad Huld. Zuinglium*, praem. suae *Respons. ad conf. Lutheri. Op. Zuingl.* T. II. p. 478. b.

interpretando Cod. S. versaretur, sibi opus esse Hebraicae linguae cognitione: quo factum, ut summam huiusce etiam literis navaret operam (1).

§ V.

De agendi ratione Romani Pontificis erga Zuinglium.

Ita Zuinglius Ecclesiae Reformationem instituit, vehementius acturus, siquidem vehementius sese opponeret Pontifex Romanus, placidius vero, siquidem is placidiore erga eum usus esset ratione. Operae igitur pretium videtur hanc in rem paucis inquirere.

Pontifex Romanus cum Luthero egit severius, mitius et liberalius cum Zuinglio. Hic enim quum Glaronae adhuc versaretur (1506-1516), et praeclara ubique eius divulgaretur fama, Leoni X dignus videbatur, qui suo favore uteretur, quocirca ille ei tradidit curavit annum f 50 subsidium, ut librorum sibi compararet suppellectilem (2). Postea vero, ubi sese Samsoni iam opposuerat (1518) Accolytus Capellanus Sanctae Sedis declaratus est, ut scilicet *vir eiusmodi ingenio praeditus aestimaretur, ipse vero, ut a bonis ad meliora procederet, excitaretur* (3):

De

* (1) Myconius in vita. Hottingerus, L. I. T. VI. p. 197.

(2) Subsidium hocce Zuinglius deinceps recusavit. Zuingl. *de casta et intem. Virg. Maria.* Op. T. I. p. 341. b. Cf. Usteri et Vögelin, *Jahrt. S. 24.* Nüscheler, L. I. p. 26.

(3) Hottingerus, L. I. T. VI. p. 274 sqq.

Deinde Tigurum profectus, *Breve*, ut vocant, Pontificis accepit, sic sese habens:

Adrianus Papa Sextus.

„ Dilecte fili, salutem, et Apostolicam benedictionem. Remittimus venerabilem fratrem Ennium, „ Episcopum Verulanum, Praelatum domesticum nostrum, et Apostolicae sedis Nuntium, hominem „ prudentia et fide praestantem, ad istam invictam, „ nobisque et huic Sanctae Sedì coniunctissimam nationem, ut se maximis rebus nos, et eandem „ Sedem, totamque Christianam Rempublicam, concernentibus cum illa agat. Licet autem ei dederimus in mandatis, ut ea communiter cum omnibus „ et publice tractet: tamen cum de tua egregia virtute „ specialiter nobis sit cognitum, nosque devotionem „ tuam arctius amemus ac diligamus, ac peculiarem „ quandam in te fidem habeamus, mandavimus eidem „ Episcopo, Nuntio nostro, ut tibi separatim nostras literas redderet, nostramque erga te optimam „ voluntatem declararet. Hortamur itaque devotionem tuam in Domino, ut et illi omnem fidem habeas; et quo nos animo ad honores tuos et commoda tendimus, eodem tu in nostris, et dictae Sedis Apostolicae rebus procedas. De quo gratiam „ apud nos invenies non mediocrem. Datum Romae „ apud S. Petrum sub annulo piscatoris, die 23 „ Ianuarii 1523, Pontif. nostri anno primo” (1).

Ne-

(1) „ Non ad ipsum solum tunc scripserat Pontifex; sed etiam ad Franciscum Zinggium, ut sibi et Sedì Apostolicae virum lucrificaret. Ex quo cum Myconius quaesisset: ecquid pollicitus pro illo Papa esset? serio respondit: omnia certe, praeter Sedem Papalem.” Hottinger, l.l. T.

VI.

Neque etiam Zuinglio instituenti, quae Pontificis auctoritati plane erant opposita, eandem Clerus Romanus intulit iniuriam, qua afficiebatur Lutherus. Cuius rei quo rectius causas intelligamus, observandum est, *primum* Zuinglium initio prudentiori via in singulis processisse, prouti seq. Cap. notabimus; — *deinde* eum, licet univérse Helvetiorum studium, bellis caeterarum gentium sese immiscendi, reprehenderet, imprimis tamen sese opposuisse Franco-Gallorum largitionibus, in Reipublicae perniciem ducentibus: Franco-Gallos autem eo tempore cum Imperatore et Pontifice bellum gessisse; — *porro* eum sibi fautores et amicos comparasse maxime nobiles, eumque ob eximiam doctrinae copiam summa ubique gavifum esse auctoritate; — *denique* Pontificem, ne Helvetios foederatos, quorum ope indigebat, offenderet, valde timuisse: Zuinglium autem, magnae illius in Helvetia commutationis auctorem, omnia egisse eorum auctoritate, qui Tigurinae praeebant civitati (1). Sic nulla contra Zuinglium publica specialiter instituerunt molimina.

§ VI.

Rebus adversis non succubuit Zuinglius.

Zuinglius, cum periculofam hancce fusciperet actionem, se de gloria et benivolentia civium, atque de vita ipsa in discrimen vocari expectavit. Licet autem

VI. p. 233. Myconius in vita. Bullinger, apud Wirz, l. l. T. V. S. 12 sqq.

(1) Cum hisce conferenda sunt, quae notant Schuler, l. l. S. 188 sq. et J. C. Hefs, l. l. S. 65.

tēmi honesta ratione tempestatī subvenire sapientis esse duceret: vel sic tamen nunquam omnino imbellis et periculi timidus in fugam se coniecit. „Quamquam hoc animi, illud etiam ingenii magni est, praecipere cogitatione futura, et aliquanto ante constituere, quid accidere possit in utramque partem, et quid agendum sit, cum quid evenerit; nec committere, ut aliquando dicendum sit, non putaram” (1). Talem sane sese praestitisse Zuinglium, rarum virum prudentia et constantia, documenta nobis sunt illustria datae ab eo ad amicos literae (2).

Scilicet Zuinglium iam antea multorum in se contraxisse inimicorum odium, § II. vidimus. Eorum autem numerus, qui magna saepe vi eum adorti sunt, deinceps magis magisque increvit. Qua de re nonnulla notare lubet. Calumniari eum et vexare pergebant *penſionarii* caeterique politicis rebus indulgentes. Quō tempore enim novus eligendus erat Germanōrum Imperator, Helvetiis, ut sese istis rebus immiscerent, dissuadebat. Quanta autem vi et furore procedere so-

lent

(1) Sunt verba Ciceronis, de Offic. l. i. c. 22.

(2) „Nolim vos ignorare, nullum esse calamitatis genus, nullam periculorum speciem, nullum denique incommodum aut infortuniū incidere posse, quod non ante diligenti et assidua animi consideratione perpenderim. Scio equidem, vires meas non esse alicuius momenti aut precii: similiter quantae illorum vires sint et potentia, cum quibus mihi pugna est, non ignoro. Sed omnia possum (quemadmodum et Paulus de se ipso asserit) in Christo, qui mihi vires roburque suppeditat.” Zuinglius, in Epist. ad fratres suos, praem. Serm. de casta, intemer., semperque Virg. Maria. Op. T. I. p. 340. b.

lent factiones civiles, et quam libenter sese cōtingere
 cum disidiis de Religione, vel patriae nostrae do-
 ceat saec. XVII. historia. Verum inter primarios,
 qui adversus Reformatorem se accingebant, omnium
 maxime censendi sunt illius in sacris ministrandis colle-
 gae. Mox eum *Capitulam*, quod dicitur, *Canonice-
 rum* de novis rebus, minimeque Ecclesiae auctoritati
 consulentibus, accusavit, inque iudicium vocavit.
 Discordiae auctorem eum dixerunt, et, ut plebis ipse
 captaret gratiam, cuncta haec peragere affirmarunt (1).
 Acerbe quoque in eum invecti sunt Monachi, quo-
 rum tres in Tigurina urbe aderant familiae, Augusti-
 niani, Franciscani, Dominicani. Hi autem eum co-
 ram Senatu accusarunt, quod eius sermonibus in con-
 tentum ipsi adducerentur, ac rogarunt, ut Senatus
 istiusmodi ei sermones interdicere, ne par pari redde-
 re cogerentur (2). Neque inferioris tantum ordinis
 Clerici de illo conquesti sunt, verum qui antea eius
 cum Samfone agendi laudaverat rationem, nunc
 eum culpavit Hugo, Episcopus Constantienfis,
 cuius iurisdictioni ecclesiasticae suberant Tiguri-
 ni. Senatum enim Tigurinum interpellavit, et cuius-
 modi querelas audivisset de Zuinglio, qui novum
 doctrinae genus invexerit, ostendit. Deinde literas
 ille dedit ad Collegium Canonorum, in quibus de
 novis doctoribus, qui Ecclesiam perturbarent, mul-
 ta locutus est, atque ut ab illis diligenter sibi cave-
 rent, hortatus (3). Innumeras porro calumnias in
 Zuing-

(1) Wirz, I. I. T. VI. S. 176 sqq. cf. S. 238-257.

(2) Bullinger, *Chron.* apud Scultetum 2. 2.
 1522. p. 101.

(3) Sleidanus, I. I. L. III. p. 65 sq. Wirz, I. I. S. 221
 sqq.

Zuinglium acervatim congeserunt quam plurimī. Fuerunt, qui dicerent, eum docuisse Iacobum pro nobis passum fuisse: alii, qui sacramentorum hostem et violatorem eum clamitarent (1). „ Cum veritatis auctoritate (ita ipse scribit Zuinglius) et testimoniis destituantur, ad mendaciorum commenta et calumnias sese convertunt, quas non in hac tantummodo re, verum etiam infinitis aliis obtrudere student. Olim enim me divae Virginis Mariae Deiparae blasphemum contemptorem esse praedicarunt. — Ad haec me census et decimas negare falso commenti sunt. Item mulieri gravidæ permisum esse, ut adultera facta cum alio viro, quem appetitus concupiscentia suadet, congregiatur, me docuisse tradiderunt. Quantam vero mihi in sacrosancti corporis et sanguinis Iesu Christi sacramenti doctrina calumniam impeerint, quam horrendam et atrocem blasphemiam obiecerint, publicis scriptis committere non aŭsum, ne forte simpliciorum rudēs animi ea offendantur. — Neque interim de vita et moribus loquentes modestiores sunt, quin non minus etiam hic, quam alibi, suae maledicentiae permittunt. Sunt enim, qui me hoc ipso anno quatuor liberos illegitimo thoro natos genuisse dicant. Sunt, qui

sqq. *Sed quibus de causis rerum vices mutatae sint, non novi. Qui enim primo currentem me crebris hortationibus incitabant, hi ipsi paulo post nulla responsione, et nullis literis me dignati sunt, nisi quod publice et in genere quaedam ab illis vulgata sunt et conscripta, quae tamen prioribus istis consiliis tam similia esse videbantur, quam musca elephanto est.* Zuingl. Valent. Comp. Op. T. I. p. 230.

(1) Zuinglius, ad Commun. Helvetiorum civit. Op. T. I. p. 153. b. 154. a.

qui noctu per plateas canentem et aliis musicis instrumentis ludentem discurrere asferant. Sunt, qui aleae plus nimio deditum, et publicum scortatorem una cum reliquis lenonum postibula frequentare tradunt. Sunt rursus, qui principum muneribus corruptam omnia turbare iactitent. — Indignum et turpissimum foret, si tanta urbs antiquitus ornata laudibus et vere Christiana fide insignis, vel scurram aliquam, nedum Verbi divini et Ecclesiae Antistitem, tot ac tantis infamem vitiis, diutius ferret? (1). Cui ipsius Zuinglii testimonio calculum item adiicit Myconius, qui refert, varias ei structas fuisse infidias, ut neque diu nec noctu corpus adversus pericula tutum esse videretur. Quam ob causam Senatus saepe noctu militum vigilia eum metu vacuum reddere cogebatur (2). Sic aliquando ab amico quodam, forte fortuna hac de re certior facto, ne panem a pistori- bus emeret, fuit admonitus: cum magna beneficii esset suspicio (3).

Haec quidem a privatis hominibus, nisi forte ab aliis excitatis, sunt instituta. Verum caeterae illae Civitates, quae Pontifici Romano quam maxime addic-
tae

(1) Zuinglius, in *Apol. Op. T. I. p. 148.* alibi. cf. *Epist. Myconii* (Wirz, l. l. S. 170.) Cervini (Id. S. 485. cf. Schuler, l. l. S. 169.), Stapferi (Id. S. 326 sqq.), Zuickii (Id. S. 332. *Epp. Oecolamp. et Zuingl.* p. 175), aliae. Sleidan. l. l. L. IV. p. 85.

(2) Myconius invita. Thomas Plater, in sui ipsius *vitae descriptione*, *Misc. Tig.* III. 262. apud J. Hefs, l. l. S. 59. Stäheli, apud Wirz, l. l. S. 334. Hottinger, l. l. T. VIII. p. 275 sqq.

(3) Ruchat, l. l. T. I. p. 137 sq. Hottinger, l. l. T. VI. p. 236.

tae erant, illud tentarunt, ut Zuinglius, quo facilius in eorum manus veniret, sese tandem aliquando extra civitatem Tigurinam conferret. Quod ut fieret, disputationem, quae dicitur, Badenae publice habendam indicarunt, eumque, ut cum Eckio de rebus sacris disputaret, invocarunt. At vero eorum consilia, licet dolose structa, civitatis Tigurinae Moderatoribus innotuerunt, quapropter prohibuerunt, Zuinglium eo proficisci (1).

Quae quidem omnes illi a Pontificiis illatae sunt iniuriae; nec vero minus ex ipsa, quae Protestantium iam prodiit, Societate nonnulli exstiterunt viri, e quorum agendi ratione dolorem percepit haud vulgarem. Quales fuerunt Anabaptistae, et summus ille, quem magnopere coluit, Lutherus. Quod vero ad *Anabaptistas* attinet, hi e Germania oriundi, ad Helvetiam quoque, ipsamque urbem Tigurinam transierunt. Grebelium ibi, Manzum, et Hubmeyerum auctores maxime nacti sunt. Clamitarunt autem: *Reformationem angustam nimis esse et exilem, non satis spiritualem, altam et perfectam; tempus nunc esse et Spiritum urgere, ut res maiori studio agantur, alioqui nullam spem salutis, eumque in finem separationem plenariam ab aliis civibus necessariam, ut colligatur pura Ecclesia genuinorum Dei filiorum, qui praediti sint Spiritu Dei et ab ipso regantur.* Adultos iterata sacra lavatione esse initiandos, praeterea Christianos magistratu non indigere, praedicarunt. Fanatico quodam furore ducti sunt, et per plateas Tiguri-

(1) Füsßlin, *Beytr. zur Kirchen - Reform. Gesch. T.* III. S. 133. Bullinger, T. III. B. apud J. C. Hefs, S. 224. sqq. Nüscheler, p. 102. sqq.

guri clamarunt ruentes: *vae Tiguro! vae Tiguro! Age poenitentiam, Tigurum! brevi interibis.* Hi igitur Zuinglium ad suas trahere conati sunt partes; quocum negante Senatus inducti auctoritate tres instituerunt disputationes. Neque victi destiterunt. Cuiusvis autem civitatis fundamenta illi prorsus subruere videbantur. Quo factum est, ut duo sectae duces iubente magistratu morti sint traditi, alii ex urbe expulsi. Ex hisce autem rebus Zuinglius magnum percepit dolorem, qui ipse ab istis hominibus calumniatus et male fuit habitus (1).

Accedimus ad Lutheri (pie dicam) in Zuinglium convitia; id quod valde dolemus. Hosce viros, laudibus nunquam satis cumulandos, in caeteris fere concordēs, variam de coena Domini protulisse sententiam, in vulgus notum est. Ut hoc ita esset, nihilo minus Zuinglius, se Lutherum tantī aestimasse, quanti mortalium nemo, saepe testatus est (2). Ille vero non eodem erga eum fuit animo, sed ira saepe abreptus eum dixit haeticum, profanum; certe post colloquium Marpurgense fratrem eum appellare negavit (3). Hinc ergo Zuinglii ad Lutherum verba: „te irae affectu correptum furere
et

(1) Bullingerus, *advers. Anabapt.* L. I. p. 10. Zuinglii *Epist. praem. Elencho contra Catabapt.* Op. T. II. p. 5. b. sqq. Eiusdem *de Baptismo* liber. Op. T. II. p. 57. a. Füsßlin, *Beitr.* T. I. S. 198 sqq.

(2) *Explan. Artic.* Op. T. I. p. 38. b. alibi.

(3) Scultet, L. I. a. a. 1526. p. 38. J. C. Hefs, L. I. S. 256. Praeterea Lutheri scripta, hac in causa imprimis legendus est liber, cui titulus: *Kurze Bekanntniß D. Martin Luthers vom heiligen Sakrament.*

et infanire, non equidem negare poteris, si modo librum tuum, quem tu ipse conscripisti, probe perlegeris. Tanta enim convitiis copia et perversarum opinionum multitudo ex charitatis fonte et diligenti animi consyderatione vel praemeditato studio proficisci non potest" (1).

In unum Zuinglium omnis generis mala concurrere videbantur, quorum illud, quod iam memorandum est, tandem ei mortem affecit. Scilicet Tigurum inter et caeteras civitates ab aliquot iam inde annis cum politicis ob causas, tum propter Religionem, disidia exstiterant. Mox autem quinque Civitates, Lucernensis, Uriensis, Suitensis, Untervallensis et Tugiana, foedus secum invicem inierunt, quo constituebant, vitam esse retinendam tuendamque Religionem. Formidinem hoc iniecit Tigurinibus et Bernatibus, qui, quo vim vi repellerent, foedus secum invicem itidem contraxerunt. Coeperant autem illae hic illic reformatos vexare, quos profugos, suadente Zuinglio, libens in tutelam recepit civitas Tigurina. Hinc lites abortae sunt gravissimae, quae tandem bellum excitarunt. Verum illarum, quae neutris favebant partibus, Civitatum ope pax continuo composita est d. 25 Iun. 1529. At vero non diu post animi iterum commoti sunt. Tigurini igitur et Bernates, Zuinglio licet quam maxime disuadente, locis omnibus occupatis atque claustris viarum, ne quid ad caeteras Civitates deveheretur alimenti, prohibuerunt. Interim quam plurimi in Zuinglium acriter inveci sunt, eumque belli auctorem, patriae

(1) Zuinglii *ad Lutheri librum*, de Sacramento, *responsio*. Op. T. II. p. 378.

triae pestem dixerunt. Itaque ille d. 26 Iulii ad Senatū venit, atque, ut eum honorifice dimitterent, petiit: monita enim sua negligi dixit: in Senatu esse, qui Evangelii hostes, quinque Civitatum optimi essent amici: nihil boni se sperare posse. Perturbatus est Senatus. Ne autem ille in hacce rerum conditione Ecclesiam sibi relinqueret, supplicavit. Hisce precibus inductus Zuinglius promisit, se vel cum vitae periculo mansurum, dummodo Reipublicam bene curarent (1).

Quodsi vero inquiramus in animi, quem inter adversas has res Zuinglius prodidit, conditionem, audiamus ipsum. „Ego quod ad me attinet, dudum devotus exspecto omne malum ab omnibus, Ecclesiasticis dico et laicis: hoc unum Christum obtestans, ut maseculo omnia pectore ferre donet, et me figulinum suum rumpat aut firmet, ut illi placidum sit” (2). — „Religiosus animus ac Dei observans, haec omnia postulat, quae mundus comminatur, certus consilium Dei non aliter promoveri ac usu venturum esse, quam cum auriga longum iter emensus, instrumenta quidem multa aut deterit aut amittit, ad metam tamen, quae recepit, evchit. Nos instrumenta Dei sumus, horum credo nullum est, quod non atteratur, frangatur, aut fatigetur. At tamen coelestis auriga consilium, quod praecepit, hisce mediis ad finem perducit, utcumque

nos

(1) Bullinger, l. l. T. III. IV. apud J. C. Hess, l. l. S. 139 sqq. Myconius, in vita. Gualtherus, in *Apologia pro Zuinglio*, praem. Zuingl. Op. T. I. Scultet, l. l. a. a. 1531. p. 346 sq.

(2) *Epist. ad Myconium* apud Scultet, l. l. a. a. 1530. p. 69.

nos frangimur et perimus mundo. Ne ergo nos laborum pigeat, efficiantur istis, quae Deus constituit. Quorum si non liceat spectatores fieri, consideremus non aliud nobis contingere, quam iis, qui acie decernunt: hi enim ferme pulcherrimam pariunt labore victoriam, qui aut occumbunt, aut fabulam ipsam agunt, non spectant. Negant enim cuiquam id spectaculum esse datum, ut configentes exercitus extra aleam viderit, quae uni Scipioni. Ne ergo pigeat, si laboribus et periculis obicimur, quibus Christiana res est restituenda, si restitutam nunquam visuri sumus his oculis. Est, qui nos videt et pugnantes censet. Sunt, qui rebus restitutis gaudeant in terra, cum nos coelo fruamur" (1).

Haec hactenus: redeamus ad historiam. Quinque igitur Civitates quum maxima rerum inopia premerentur, clam conductis copiis, Tigurinorum praesidium prorsus inopinato aggressi sunt. Fama illa ad urbem delata, Tigurini procedunt perturbati. Secutus est inter postremos Zuinglius, eques et armatus pro more gentis, ut bonus scilicet pastor, qui, a Senatu missus, suis in extremo periculo deesse nollet" (2). Postquam in loco Cappellenensi advenerant, proelium ortum est. Tigurini hostibus vix resistunt. Cadunt alii, alii terga vertunt. Zuinglius vulnere inflicto

oc-

(1) Zuinglius, in *Jeremiam*, C. XXXVIII. Op. T. II. p. 371. b. Cum praeclaro hoc loco cf. Zuinglii epistola in *Epp. Zuingl. et Oecolampad.* p. 76. in qua in Christum morientem et Apostolos, martyrio passos, respicit. — Non diu ante mortem pro concione verba faciens, *scio*, inquit, *scio*, quid rei sit: ut ego tollar.

(2) Seckendorf, l. l. L. III. § 7. n°. 3.

occumbit. Quae vero de ultimo eius fato accepimus, hæc habe. „ Prostratus prementium multitudine, tertium se in pedes evexit: tandem cuspide sub mento transfixus, et in genua prolapsus dixit: *ecquid hoc infortunii? age, corpus quidem occidere possunt, animam non possunt.* Iacuit vivens adhuc inter strata undique Tigurinorum cadavera, at manibus precantium more compositis ac in coelum fixis oculis, non clara quidem voce, sed leniter motis labiis oravit. Maxima autem hostilis exercitus parte Tigurinos persequente, quidam interea per prostratos grascentes, quoscunque semivivos invenissent, *de confessione papistica et divorum invocatione* compellarunt. Zuinglius itaque, ab iisdem interrogatus, moto capite abnuit, et, in coelum sublatis oculis, Dominum in coelis se invocare significavit. Tum quidam immani gladio irruit iugulumque penitus hausit. — Cadaver inventum, iudicio condemnatum, in quatuor partes dissectum et igni in cinerem fuit redactum” (1). Obijt Zuinglius d. 11 Oct. 1531, aet. 47.

§ VII.

Zuinglii indoles.

Ex hac igitur turba Zuinglius et colluvione discescit, atque ad divinum animorum concilium coetumque profectus est. Apud posteros autem magnam reliquit nominis celebritatem. De industria autem hic non possumus in eius inquirere indolem; non ferunt

(1) Haec e relatione Adami in vita. cf. Ruchat, l. I. T. III. p. 399 sqq.

vires, non flagitat consilium. Pauca vero hic notanda sunt.

Vitiis sane non immunis fuit, et multis se deliquisse modis saepe ipse professus est. Attamen talis fuit animi ingenique conditio, quali, qui Ecclesiae existeret Reformatior, erat opus. „ Ingenio aptissimo ad omnis disciplinas addiscendas, adiutus etiam bona corporis habitudine, ad exercendas maxime actuosas et ostendendas contemplatrices. Variis se linguis instruxerat, ac eruditione multiplici” (1). Ingenii valebat acumine. Veri pulcrique sensu erat praeditus. Animo gaudebat quamplurimum leni, ut inimici pariter atque amici eum saepe lacrymas viderint fundentem. Nonnunquam vero disputandi ardor bilem commovebat. In libera degens Republica libertatis studio ducebatur. Religionis erat et Patriae amantissimus. Amicitiae gloria excellens. Quanta prudentia et sapientia! Quae propositi tenacitas! Quae modestia, laboris assiduitas, fortitudo et constantia in mediis aerumnis et periculis! Quae munificentia et magnanimitas! Nec vero ille in luce modo atque in oculis civium magnus: sed intus domique praestantior (2). Totus se suosque Deo, Patri benignissimo, commisit. Christum, sanctissimum hominem, imitari conatus est. Quodsi quaeramus, quibusnam maxime causis ad emendanda Sacra inductus fuerit, nihil pravi et putidi eum incitasse, intime persu-

(1) Cardin. Pallavicini Hist. Concil. Trident. l. 19. 1. apud Rotermond. *Leben Zwinglis* S. 11.

(2) — — *Si quid mihi deesse doleat, non alius hic dolor est, quam quod egenis et pauperi multorum turbae minus, quam ipse cupiam, possum succurrere.* Zwinglius in *Eccles.* Op. T. II. p. 47. b.

suasum mihi est. „ Quodsi quis (ita ipse hac de re loquitur) me vel cibi vel potus intemperantia, carnis concupiscentia et libidine, superbia et animi elatione quicquam peccare dixerit, non veto, quominus sic se habere credatis. Scio enim et non sine summo animi dolore sentio, me his aliisque huius generis esse obnoxium. Quodsi vero avaritiae et perfidiae me infirmularint adversarii, et muneribus corruptum falsam doctrinam ferere dixerint: nolite credere, fratres, nec unquam credetis, etiamsi summis obtestationibus, adeoque iureiurando, vobis fidem facere voluerint. — Hic enim unicus est laborum et studiorum meorum scopus, hic unus finis, ad quem tendimus, ut omnes homines, quantum gratiae et omnis boni thesaurum Dei Filius, qui ex Maria virgine natus et homo factus est, nobis obtulerit, intelligant, ut ad unum Deum Patrem per mortem et passionem Christi, Filii illius, omnes confugiant, ut illius doctrina solida et sincera producat in medium, et humanis traditionibus sublatis, pura sit, inconfusa et integra” (1). Itaque veri imprimis studio incitatus, Dei Christi-que amore ductus, et misericordia erga homines commotus, Zuinglius videtur sensim sensimque eo processisse, ut Ecclesiae existeret Reformator. Istiusmodi enim vir, qui ab optimis educatus erat parentibus, qui doctis praeceptoribus erat institutus, qui vitam agebat inter liberos cives, atque rerum quibuscunque *περίστασις* ad agendum semper excitabatur, non potuit non una cum Luthero inter caeteros hu-
ius

(1) Zuinglius, in praef. praem. *Serm. de Maria Virgine*. Op. T. I. p. 341. b.


isæ ævi homines eminere, et, qui Sacra Christiana emendaret, dignus esse.

Henricus Lupulus, quondam eius magister, huiusce modi in eum confecit epitaphium:

HeLVetiae ZuIngLI DoCtor PastorqVe CeLebrIs,
VnDena oCtobrIs pasIVs In aethra VoLat.
Cum grege commisso pugnans cum fertur in hostem,
Pro Patria, Christo, Religione, Fide,
Sic sua Scripturis testatus consona Sacris,
Dogmata, cum fuso sanguine firma probat.
Dumque viri famam combusto corpore functi
Obscurare poterat, promovet hostis atrox.
Nam qui clarus erat vivens, iam mortuus amplo
Clarior æternum nomen in orbe tenet (1).

CAPUT SECUNDUM.

INSTITUTA A ZUINGLIO REFORMATIO.



Incidimus iam in operis, a Zuinglio instituti, mentionem; verum enim vero vix scimus, quomodo nos de tanta rerum copia optime expediamus. Utigitur in explicanda Reformatione, a Zuinglio instituta, ordine procedamus, hac incedendum esse via videtur, ut
pri-

(1) Ruchat, l. l. T. III. p. 417. Caeterum de indole Zuinglii cf. Schuler, l. l. S. 112. Planck, *Gesch. des Protest. Lehrbegr.* T. II. S. 255 sqq. Eandem indolem ex eius scriptis confecerunt Usteri et Vögelin, in libro *M. Huld. Zuinglis Schrift. in Aussage*, T. II. S. 551 sqq.

primum videamus de ratione, qua Zuinglius in emendandis Sacris procescit, *deinde* operis successum attendamus.

§ I.

Zuinglius

suis amicos imbuit studiis.

Est haecce ingenii humani ratio, ut sua libens cum aliis communicet consilia, et eorundem studiorum participes illos reddat. Sic autem omne verum, pulchrum, bonum inter mortales propagari solet. Zuinglius igitur Glaronae quum adhuc esset, id inprimis sibi proposuit, ut iuvenes sibi quaereret bonis ingenii dotibus praeditos, quos disciplina et exemplo suo institueret et formaret Literarum, Patriae ac Religionis amicos, et patronos futuros. In hisce maxime censendi sunt Ludovicus et Petrus e familia Tscudiana, et Aegidius, eorum frater, qui postea conscribendis rebus gestis nominis nactus est celebritatem; Valentinus, eorum consanguineus, Zuinglii deinceps in coetu Glaronensi successor; Jacobus Heertus; Fridolinus et Philippus Brunnerus; Franciscus Cervinus; Nicolaus Balingus, et Taureolus. Magna in efformandos horum discipulorum animos magistri fuit vis et efficacia, quem ad vitae usque finem quisque quam maxime coluit (1). Hi igitur ad Zuinglii sentiendi agendique rationem conformati, postquam munera in Republica obierant,

(1) Quod eorum testari possunt epistolae, quas vide in Simmleri *Samml.* VIII. III. Hottinger, l. l. T. VI. p. 379. cf. Wirz, l. l. T. IV. S. 136 sq.

sefe eius in expendendis Sacris praeberunt adiutores. Sed Tiguri, sacro munere fungens, instituire perrexit optimae spei iuvenes, in quibus recensetur Andreas frater (1).

Verum enim omnium societatum (uti recte dicit Cicero) nulla praestantior, nulla firmior, quam cum viri boni, moribus similes, sunt familiaritate coniuncti. In quibus enim eadem studia sunt, eadem voluntates, in his fit, ut aequè quisque altero delectetur, ac se ipso, efficiturque, ut unus fiat ex pluribus. Diximus iam de iis, quibuscum Zuinglius Glaronae et in Monasterio Eremitano arcte fuit coniunctus. Ut autem hic illis ingenii facultatibus et doctrinae copia praestabat, ita in omni re eorum fuit dux et antesignanus. Neque amicos absentes neglexit; sed literae, quas mutuo dederunt, in communem convertebantur utilitatem. Quanti autem omnes eum aestimarint, et quam vim in illos exseruerit, exemplis probari potest, quorum unum alterumve hic adducere lubet.

„ Zuinglius ad B. Hallerum, Bernensium Antistitem.

„ Petivisti iam aliquoties de fide et de cultu Sanctorum sermones ad te transmitti; quod ideo non praestamus, quia calamo nunquam excepiimus. — Tu interea quod a me requiris, ipse strenue exequere, ut urfi tui ferociusculi, audita Christi doctrina, mansuescere incipiant; quod negotium summa lenitate adgrediendum puto. Nec enim apud tuos sic agere convenit, ut apud nostros: tuorum enim aures etiamnum teneriores cum sint, non sunt protinus

„ (1) Hic vero non diu post morbo correptus periit. Uateri et Vögelin, *Jahrb.* S. 20.

„nus tam mordici vero rodendae, quod et Christum
 „sensisse puto, quum vetuit margaritas ante porcos
 „disipari” (1).

„Zuinglius ad Myconium suum.

„Angit animum tuum expectatio nostrorum tem-
 „porum, quibus omnia sursum deorsumque moven-
 „tur, omnia miscentur, ita ut nativam faciem nulli-
 „us sit agnoscere. — Quo igitur modo huic rei con-
 „sulendum erit, inquis? Christum audi: finite utra-
 „que crescere, inquentem, usque ad tempus mes-
 „sis, caet. — Et cum tanquam obiciens inquis: quid
 „doceamus nostrae fidei commissos, cum videmus
 „inaniter operam ludi, nullis aut paucissimis Evan-
 „gelio vel doctrinae apostolicae parentibus? Tan-
 „to inquam enixius tibi laborandum est, ut hoc pre-
 „ciosum margaritum — quam plurimis potest, os-
 „tendas, ut eius amore capti, divenditis omnibus,
 „illud comparent. — Docebis itaque tuos semper
 „Christum. — Vide, Frater, qua via possis sperare
 „ovem Christi te esse, ea nimirum, si tibi pro Chris-
 „ti gloria nihil non patienti, improba luporum gens
 „mortem intentet, si dentibus frendant, unguibus
 „lacerent” (2).

Et sic in caeteris, quibus saepenumero gravissima
 exposuit Religionis Christianae placita cum theoreti-
 ca, tum practica.

Quo magis autem coetus Tigurini commodis inter-
 viret, duos sibi Zuinglius adscivit in sacro mune-
 re socios, Capellanos vulgo dictos, Georgium
 scilicet Stähelin, dictum Chalybaeolum, et
 Hen-

(1) *Epp. Zuingl. et Oecolamp.* p. 190.

(2) *Epp. Zuingl. et Oecolamp.* p. 174.

Henricum Luthium, quos domo et mensae suae adhibuit, et ita instituit, ut Sacris emendandis quam maxime prodesse (1).

Sic ex uno hoc fonte quam plurimi hauserunt in communem hominum utilitatem.

§ II.

*Zuinglius sacro fungens munere effecit,
ut suas partes sequerentur laici.*

Nec vero unice inter amicos virosque doctos eo valuit Zuinglius, sed in eo imprimis suam navavit operam, ut laicos rectius, quam caeteri clerici consueverant, institueret. Nec frustra hac in re laboravit. Institutio enim popularis bene constituta ad pellendam ignorantiam et praepiudicatas opiniones, ad tollendam superstitionem, ad emendandos mores, etiam si initio fructus vix cernere liceat, magnopere valere solet.

Zuinglius, ubi doctrinae Christianae interpret erat Glareanus (sive Glaronensis), Christi exemplum secutus, adversus vitia quaecunque confligit, maxime adversus *personas*. Patriam enim ad pristinam simplicitatem et felicitatem adducere in votis habuit.

In-

(1) Myconius, in vita. *Misc. Tig.* T. II. p. 681. T. III. p. 344. Gerdes, l. l. p. 264. Quum disputatio Badensis haberetur, nec Zuinglius ibi adesset, is tamen magnas suis epistolis partes egit, quibus respondebat amicorum quaestionibus. Hi enim cuncta ei cognita reddiderunt. *Vid. Misc. Tig.* T. III. p. 261. Cf. S. Hefs, l. l. S. 72.

Interea placitum de *χάριτι ἐν Χριστῷ* ita semper proposuit, ut Ecclesiae Romanae de hocce errores vix achē vix quidem commemoraret. „Volebat enim veritatem cognitam in cordibus auditorum agere suum officium. Nam veris perceptis et intellectis, haud difficulter falsa cognoscimus. Quamvis nec per tempus tum licuerit aliter. Prius enim veritas in tanta hominum protervitate et malitia paenitus fuisset amissa, quam abusus Religionis sublatus” (1). Postea autem cum Tigurinus iam Antistes coram Glareanis aliquando oratione haberet sacram, antea se eos plura docuisse, quae deinceps errores esse deprehenderat, professus est, eosque admonuit, ut libris unice adhaerent sacris (2).

At Zuinglius ad Monasterium Eremitanum profectus, opportunum iam adesce tempus autumavit, diserte magis quaedam Ecclesiae Romanae placita reprehendendi, quippe in S. Cod. non fundata. Quo tempore igitur Christiani Angelorum festum celebrabant, in iis periclitanda esse sibi duxit, quae valerent, ut solennis diei institutionem, et rectam Deum Sanctosque colendi rationem melius intelligerent homines. Docuit, Deum ubique esse praesentem, nec proprium sibi vindicare locum, quo preces fusae ei magis essent gratae acceptaeque; Deum vero adorandum esse *ἐν πνεύματι καὶ ἀληθείᾳ*; neque hanc esse Religionis indolem, ut expeditiones quascunque sacras fusciperent; verum eam, ut pravis obfisterent libidinibus,

ut

(1) Sunt verba Myconii, in vita. *Fragmentum orationis sacrae, Glaronae habitae*, videas apud Schuler, l. l. S. 123 sq.

(2) Usteri et Vögelin, *Jahrt.* S. 32.

ut miseris succurrerent, ut quæ vel plura Christiis hominibus iniunxerat, praeferrent humanitatis officia; deinde Mariam, Iesu matrem, non pravorum esse patronam, sed pios placere Deo; Sanctos porro non precibus esse colendos votisque, sed virtutis, quod dederunt, imitando exemplo; denique Christum esse unicum hominum Conservatorem (1). Verumtamen imprimis postquam innotuerat, Samsonem in Helvetia indulgentias nundinare, placitum hocce de modo, quo homines cum Deo reconciliantur, uberius exposuit, et animo maxime commoto urfit (2). Quid autem primis quatuor annis Tigurinos docuit, ipse narrat. „Anno abhinc (1522) quarto solidum Euangelium secundum Matthaeum praedicavi, quo tempore illorum nomina ne nominari quidem audieram, quorum factionis me insimulatis. Adiunxi Euangelio protinus Apostolorum acta, ut Tigurina Ecclesia videret, quo pacto, quibusve authoribus Euangelium propagatum esset ac promulgatum. Succesit mox prior Pauli ad Timotheum epistola, quod mire videretur conducere optimo gregi. In ea enim veluti canones quidam morum Christiano dignorum continentur. Hic quum de fide quidam sciolī non recte sentirent, secundam epistolam ad Timotheum distuli, donec eam, quae Gallograecis scripta est, enarrassem, tum illam quoque adiunxi. Cumque iam dicti sciolī eo infaniae ac impietatis procesfissent, ut Pauli

no-

(1) *Huius sermonis fragmentum* ex Bullingerō, T. III. descripsit J. C. Hefs, l. l. S. 61.

(2) Ruchat, l. l. T. I. p. 44 sqq. Wirz, l. l. T. IV. S. 146.

nomen tantum non infame redderent, iactantes haec pia scilicet, quae neminem offendunt, quis tandem Paulus? nonne homo est? Apostolus est, sed suburbanus tantum, non ex duodecim viris, cum Christo non est conversatus, articulum fidei non composuit, ego tam cuius Thomae vel Scoto credo quam Paulo. Enarravi etiam Petri utramque epistolam Apostolorum antesignani, ut liquido viderent, an eodem imbuti spiritu eadem ambo locuti essent. His absolutis, epistolam ad Hebraeos orsus sum, ut Christi beneficium clarius agnoscerent ac gloriam. Hic discent Christum summum esse sacerdotem, ac iam ferme didicerunt. Nec est, ut me quorundam scriptorum infimuletis. Nam antequam ea ad manus nostras venerint, orsi eramus negotium, imo ante annum fere polliciti sumus id facturum. Discent item Christum una ac semel tantum oblata hostia in aeternum consummasse sanctificatos. Haec plantavimus, Matthaeus, Lucas, Paulus, Petrus rigaverunt, Deus autem incrementum dedit admirabile; quod ipse non ebuccinabo, ne videar meam, non Christi gloriam obire" (1).

Haec hactenus. Anno autem 1520 ad finem vergente, quovis die Veneris, Psalmos praelegere incipit eorum maxime in gratiam, qui rure in urbem mercatum venirent (2). In orationibus suis Zuinglius sese componere studuit ad Christi et Apostolorum exemplum. Temporum hominumque rationem habuit. Longam eamque aridam loci cuiusdam interpretationem non curavit; at id maxime sibi voluit, ut ip-

(1) Zuinglius, *Archet.* Op. T. I. p. 132. b.

(2) *Epp. Zuingl. et Oecolamp.* p. 174. b.

ipsam Religionis Christianae indolem auditores haberent cognitam, eamque verbis factisque palam facerent. Sacrum Codicem unicam credendi posuit ac vivendi normam. Magistratum admonuit maxime, ut sentiendi agendique libertatem tuerentur, ut iustum cōlerent atque aequum, ut viduarum orborumque curam gererent, ut Patriae commodis inservirent. Mira pollebat dicendi vi, summa utebatur in dicendo gravitate. Pectus erat, quod disertum eum fecit (1).

Hoc fere pacto omnes intendit vires, ut homines institueret, moresque emendaret: neque in publica tantum institutione id egit, verum in vitae etiam consuetudine idem semper sibi proposuit. Ad unius cuiusque sese accommodavit ingenium; quorumcumque fiducia gavissus est; magna quadam comitate docuit; afflictos humaniter consolatus est; opem tulit omnibus nullo habito discrimine (2). Sic persuadendo, e Religionis Christianae indole, hominum animos ad Sacrorum Emendationem praeparavit.

§ III.

Zuinglius, ut sacra emendarent, superioris ordinis Clericos adiit.

Reformator ille non suam quaesivit gloriam, nec propria sua auctoritate opus est aggressus; sed quatenus ius ferret et aequum, se superioribus sibi modestè submisit; qui ut manus ipsi tandem rei admo-

ve-

(1) S. H e f s, l. l. S. 68, ubi fragmentum videas orationis, quam coram Tigurinis habuit.

(2) J. C. H e f s, l. l. S. 260 sq.

verent, enixe preceatus est; quin etiam ab ipso Pontifice Romano Reformationem expectavit. Ita enim in Sacris emendandis processit, ut non tantum laicos docere et rectius instituere coeperit, simul vero iis usus sit subsidiis, quibus suam, quam ageret, causam efficacius promoveret. Quid mirum cum superioris ordinis Clericos adiisse, ut eorum imploraret opem?

Qualem cum Geroldseggio contraxerit amicitiam, antea vidimus, ut adeo facilius sit intellectus, hunc sponte sua reformandi conamina instituisse. Scilicet lapidem amovere iussit, quae supra porta erat posita, et cui haec inerat inscriptio: *plenaria indulgentia*. Praeterea Sanctorum ossa sepeliri curavit. Zuinglium vero et Oechslinum ad monasterium misit Virginum, Fahr dictum, qui a consueto cantu sibi abstinendum, et S. Codicem Germanica lingua legendum esse, virgines admonerent, et cuicumque volenti concederent nubendi potestatem (1). Deinde vero Cardinalem Sedunensem, Episcopum Constantiensem, et Legatum Pontificis supplex Zuinglius adiit, quod ipse his verbis memoravit. „ Priusquam aliquod in fidei et Religionis negotio dissidium exortum est, ipse iam ante non semel cum praecipuis aliquot Ecclesiae proceribus, Cardinalibus, et Episcopis conferre coepi, et de traditionum humanarum erroribus disputare, simulque monui, ut abusuum, errorumque copiam paulatim tollere aggrediantur: hoc enim nisi fiat, illos aliquando nimio pondere nutantes maiori cum tumultu et fragore casuros esse. Cum enim ante annos octo adhuc in Mariae Helvetiorum Ere-

(1) Hottingerus, L. L. T. VI. p. 368.

Eremo verſarer, de his cum Matthæo, Cardinali Sedunenſi, collocutus ſum; cumque iam Tiguri habitare coepiſſem, ſæpenumero apertis clariſque verbis teſtatus ſum, Paparum omnem frivolo et brevi ruituro fundamento inniti; idque ſolidiſſimis Scripturarum locis ſemper comprobavi. — — Post hæc publice (1) ſimul et privatim ſupplicationibus debita reverentia et modestia conſcriptis Episcopi [Hugonis] animum ſollicitare coepi, quibus hoc unum ſemper monui, et vehementiſſime hortatus ſum, ut Euangelicæ veritati conſentire dignaretur, quam tanto cum ſucceſſu emergere videret, ut nullis conſiliis et viribus impediri poſſet: ſimul et hoc monens, ut nobiliſſimæ Landenbergiorum familie hanc laudē et gloriā ceu propriam vendicet, ut ex ſe primum Episcopum prodiſſe gloriari poſſit, qui Euangelii prædicationem liberam in ſua dioceſi permiſerat. — Antonius Puccius Romani Pontificis Legatus quater de hæc rebus non ſine ſplendidiſ pollicitationibus mecum contulit, cui libere hoc ipſum, quod omnino faciendum erat, expoſui, ſimul et hoc addens me poſt hac divina favente gratia Euangelii prædicationem aggreſſurum, qua Papatus non parva ex parte concutiendus et debilitandus ſit etc. Quibus tamen admonitionibus non quicquam effectum" (2).

§ IV.

(1) Ita exſtat *Supplicatio quorundam apud Helvetios Evangelistarum ad v. d. Hugonem, Episcopum Conſtantiensem*, „ ne ſe induci patiatur, ut quicquam in præiudicium Evangelii promulget, neve ſcortationis ſcandalum ultra ferat, ſed præſbyteris uxores ducere permittat, aut ſaltem ad eorum nuptias conniveat." Op. T. I. p. 120 ſqq.

(2) Zuinglii, *Resp. ad Valent. Comp.* p. 230.

§ IV.

*Disputationes publicae
Reformationem promoyerunt.*

Ita tandem omnia erant comparata, ut non posset non magna existere rerum commutatio. Itaque ne quid privata videretur institui auctoritate, ii vero, qui Pontifici Romano etiamnunc addicti erant, sententiam suam tuendi et vindicandi opportunitatem haberent, publicam Senatus Tigurinus decrevit de praecipuis Religionis placitis disputationem, in urbe habendam; sin autem quis in arenam descenderet, ne, praeter effata S. Codicis, aliis uteretur argumentis, constituit (1).

Zuinglius, ut in disputando rite procederet, 67 theses five articulos publice exhibuit, et omnes, qui d. 29 Ian. 1523 ingenti numero Tiguri aderant, inter quos Faber, Episcopi Constantiensis Vicarius, invitavit, ut cum eo de hisce disputarent. Faber autem non esse illius loci hocce certamen, sed ad concilium, quod brevi instabat, referendum, affirmavit. Urgente tamen Zuinglio, si quid haberet, ut ne dissimularet, ille scripto eius articulos se refutaturum promisit. Postquam deinceps quaedam inter se verba commutaverant, cum ex omnibus nemo amplius in aciem prodiret, dimisso conventu, Senatus mandatum dedit, ut *traditionibus hominum omisfis, Euangelium pure doceretur e V. ac N. T. libris* (2).

In-

(1) *Epp. Zuinglii et Oecolampadii*, p. 188. b. 209. a. Hottinger, l. l. T. VII. p. 627. Bullinger, in *prima ad Joh. Cochlaeum resp.* c. 29.

(2) *Acta Disput. I. Op. Zuingl. T. I.* p. 607. b. fqq.

Quisque enim novarum rerum cupidine ductus, sponte illa sibi legenda fumebat. Cui vero Religionis causa curae erat, is illis pervolvendis libens indulgebat. Quod eo magis promovebatur, cum artis typographicae ope ubique spargerentur. Quamvis vero omnia festinanter sint conscripta, vel sic tamen cum argumentorum, quae continent, gravitate, tum scribendi ratione simplici, dilucida, eleganti (1), ita sunt comparata, ut quicumque in ea inciderit, non posset non hisce suum adicere calculum.

Varii argumenti libros Zuinglius confecit. Sunt enim (praeter *epistolas*) *didascalica* et *paraenetica*, *polemica*, *exegetica*. Quos omnes recensere non possumus; e prioribus autem, quae diximus, quaeque nostram potissimum in causam valent, imprimis notandi videntur:

De delectu et libero ciborum esu, de offendiculo item et scandalo liber.

Pia et amica paraenesis ad vetustissimam Suitensium rempublicam, ut principum amicitias et insidiosa alienigenarum munera caveat.

Amica et pia paraenesis, ad communem Helvetiorum civitatem scripta: ne euangelicae doctrinae cursum impedian, nec licitis sacerdotum connubiis sese offendi patiantur.

De certitudine et claritate verbi Dei liber unus.

De Providentia Dei.

De

(1) Observandum est, plurima Zuinglii scripta sive a Leone Juda, sive a Gualthero in *linguam Latinam esse conversa*.

De casta, intemerata, semperque virgine Maria, Matre I. C. Redemptoris nostri, sermo.

Opus Articulorum sive Conclussionum.

De duplici iustitia divina et humana.

De canone Missae epichiresis.

Brevis et christiana in evangelicam doctrinam Isagogae, scripta per H. Zuinglium, et a prudent. Tig. civit. Senatu cunctis Ecclesiarum tam in agro, quam in urbe ministris exhibita, ut ea instructi evangelicam veritatem pure et synceriter praedicare possint.

Pastor, quo docetur, quibus notis veri pastores a falsis discerni possint, et quid de utrisque sit statuendum.

Christiana et orthodoxa prudentiss. Tigurinorum Cos. totiusque Senatus responsio ad Rever. Dom. Hugonem, Const. Episc., de Idolis et Missa, e qua videre est, quid Christianos de his sentire deceat.

Responsio ad Valentinum Comparum, Archigrammaticum Uramensem, de Euangelio, Doctoribus vel Patrum autoritate, Imaginibus, et Purgatorio.

De coena Domini brevis institutio, in plebeiorum hominum usum conscripta.

Haec iam hactenus. Quod autem ad secundam librorum classem attinet, sunt hi adversus Catabaptistas, Lutherum, Eccium, Faberum, a Zuinglio conscripti, in quibus multa occurrunt ad Religionis Christianae indolem pertinentia, ac propterea minime negligenda. De interpretatione etiam tam V., quam N. Foederis optime Zuinglius fuit meritus, quemadmodum eius in plurimos S. Cod. libros testari possunt commentarii. Curavit autem, ut S. Codex in linguam verteretur Germanicam opera imprimis Leonis Iudae et Caspari Megandri. (Gros-
mann);

mann); quae versio plane absoluta A°. 1529 iam exstabat (1).

Intelligimus iam ex hacce librorum serie Zuinglium non uno modo, sed variis illis argumentis tractandis, Sacrorum Emendationi non potuisse non prodesse. Quibuscunque enim Ecclesiae Romanae erroribus sese opposuit, et quae docet S. Codex, hominibus proposuit et commendavit. Namque non tantum univérse quoscunque Ecclesiae Romanae errores adortus est, neque varia tantum Religionis divinae placita, in Cod. S. obvia, in systematis ordinem redegit, veluti in *Commentario de vera et falsa Religione*, in *Isagoge in euang. doctrinam*, aliisque in libris, sed in eo maxime suam collocavit operam, ut nonnulla placita, imprimis vitiata, pure et dilucide exponeret, et ab hominum commentis vindicaret. Ita v. c. peculiariter egit de vera Christiana libertate, de legendo S. Cod., de S. S. Librorum perspicuitate, de coena sacra, de discrimine virtutem inter et legalitatem, etc. Perquam autem esse necessarium, ut contra iniurias et calumnias suam tueretur causam, recte vidit: quam in rem valuerunt eius *Apologia*, *Responsio ad Valentinum Comparem*, aliaeque eius scripta. Praeterea quorumvis hominum rationem habuit cum Clericorum et nobilium, tum imprimis etiam plebeiorum et incultorum. Ita enim in Clericorum conscripsit commodum *Isagogen* suam et *Pastorem*, quibus quid docere, et quae officia praestare deberent, probe possent cognoscere. Ita suae ad Civitatum Moderatores datae *paraeneses* eo tendunt, ut veram iis viam monstraret, qua cives ad

(1) Vid. Johann Leu apud S. Hefs, l. 1. S. 41. Ruchat, l. 1. T. I. p. 297 sq.

ad pietatem et felicitatem adducerent. Populari autem sermone usus est in plebeiorum maxime gratiam. Illud vero imprimis conatus est, ut quisque de vulgo S. S. Libros adiret, unicum scilicet sanae doctrinae veraeque pietatis fontem. A quo inde tempore Reformatio suis fundamentis nixa et inconcussa stetisse censenda est (1).

§ VI.

Emendationis Sacrorum, a Zuinglio institutae, successus.

Vidimus, quomodo ad reformandam Ecclesiam accesserit Zuinglius, qua ratione in his sensum fuerit progressus; iam quid valuerint illi conatus, investigemus. Quod quo rectius fiat, *primum* contemplari lubet coetus Tigurini conditionem, *deinde* vero caeteras, postea memorandas, attendere ecclesias.

Tigurinorum autem civitas non perturbata nec praemature, sed provido admodum consilio Reformationem hancce suscepit. Laetum rei successum iam sub finem anni 1519 augurabatur eorum, qui meliora sibi quaerebant, numerus, quem eo tempore ad bis mille increvisse docemur e quadam Zuinglii epistola; pridie Calendas Ianuarii data (2). Mire quidem his-

(1) Series scriptorum, a Zuinglio editorum vid. apud Rotermond, l. l. S. 237 sqq. In ordinem ea redegerunt Usteri et Vögelin in opere saepe laud. *Zwingli's sämtl. Schrift. im Auszuge*, T. I. S. 93 sqq. E praecipuis argumenta dedit Usteri in *litt. hist. Anhang* ad J. C. Hef's, *Lebens. M. U. Zwingli's*; quae ita repetere non lubet.

(2) Gerdes, l. l. p. 263.

ce initiis favebat Magistratus: ex archivis enim Tigurinae Ecclesiae nos docet Scultetus, *Senatum de consilio Zuinglii A^o. 1520. omnibus dititionis suae concionatoribus mandasse: ut, misiss hominum commentis, libere doceant, quidquid auctoritate Prophetarum et Apostolicarum literarum adstrui possit* (1). Hisce igitur constitutis, Tigurini sensim processerunt. Civitatis autem Moderatores antiquam rerum conditionem non commutandam esse rati sunt, nisi ipsius ante plebis cognovissent desiderium (2). Postquam autem plurimi iam promiscuum sibi fecerant carnis esum diebus prohibitis (3), et nonnulli iam Antistites, inter quos ipse Zuinglius, uxores duxerant: res eo iam videbatur pervenisse, ut coetus Tigurinus a Pontificiorum

fo-

(1) Scultetus, l. l. a. a. 1520. p. 68. cf. Ruchat, l. l. T. I. p. 72. Füsßlin, *Beytr.* T. II. S. 27. Quod cum ita sit, et Bullingerus quoque sua confirmaverit auctoritate, nescio, cur illud in dubium vocarint Usteri et Vögelin, *Jahrt.* S. 23.

(2) Zuinglius — homo liber, et in libero populo vivens et docens, neque Papam, neque Caesarem, neque Episcopum, neque alium quemquam exhorruit, sed suas sententias Ecclesiae Tigurinae libere proposuit, sique animadverterat, illam sibi assensisse, Senatum adiit, et, ut suam auctoritatem interponeret, rogavit. Is plerumque concilio Ecclesiasticorum habito, res probe pensitari, et Ecclesiam de utriusque partis argumentis satius informari iussit. Hoc facto veritati triumphanti obsecundatum, et quicquid in Religione vel noxium, vel superfluum, vel humanum fuit, abrogatum est. Fueslin, in *Praefat.* p. XIII. ad *Epp. ab Ecclesiae Helvet. Reformatorib. vel ad eos scriptt.*

(3) Zuingl. *de delectu et libero cibor. esu.* Op. T. I. p. 324.

focietate prorsus divelleretur. Quod imprimis obtinuit post disputationes illas, publice habitas.

Scilicet Canonici a suis ipsi iuribus destiterunt. Doc-
tiores ad munera civilia obeunda sunt vocati. Senio-
ribus vero suis *beneficiis* ad mortem usque uti con-
cessum fuit. Caeremoniae, quarum magna copia la-
borabat Ecclesia Romana, sunt abrogatae, et omnis
cultus sacer ad pristinam simplicitatem redactus (1).
De imaginibus autem, ex aedibus sacris remotis,
Zuinglius ipse haec notavit. „ Cum iam eo de-
ventum esset, ut idola pasim a quibusdam deiiceren-
tur importunius, totius maioris Senatus, quem Dia-
cosios dicimus, autoritas intercescit, publico interdi-
cens, ne quis privatus idola qualiacunque subverteret
(nisi si quis domi suae privata haberet, vel quae ipse
suis impensis fieri curavisset, quae in sua, non alteri-
us potestate essent sita) usque dum quid hic fieri de-
beat, Senatus posset statuere. — Post haec rursus a Se-
natu Diacosiorum decretum est, ut singulis Ecclesiis
liberum sit, idola e templo suo deiicere, praescripto
tamen certo, quem observarent, ordine. Iubebantur
enim omnes, qui ad Ecclesiam aliquam pertinebant,
una cum Episcopo vel Pastore suo in unum collecti
convenire, et simul, quid de idolis sentirent, conferre.
Ut si vel omnes simul, vel maior illorum pars, tol-
lenda esse pronuntiarent, iam id commode, sine tur-
bis et tumultu importuno exequerentur. Quodsi vero
maiori ex parte adhuc imperiti rerum et rudes esse
conspicerentur, negotium hoc eousque differre iube-
bat

(1) Hottingerus, l. l. T. VIII. p. 89 sqq. Ru-
chat, l. l. T. L. p. 381. Wörz, l. l. S. 108 sqq.
J. C. Hefs, l. l. S. 189. sqq.

bat magistratus, donec, per Pastorem de hac et aliis rebus vere instituti, unanimi consensu eadem quoque demolirentur. — Dum vero haec in agro geruntur, in urbe quoque (quae tres Ecclesias particulares habet) idem illud negotium hoc modo transactum est. Primum idolorum patronis certum aliquem temporis terminum constituerunt, intra quem singulis sua idola, si quae illis propria essent, domum asportare liceret. Unde factum est, ut rursus magna ex parte idolorum numerus imminueretur. Constituto autem illis tempore iam elapso, ex omnium tam Clericorum, quam laicorum numero tres illos trium Ecclesiarum ministros, Heinrichum Engelhardum, Leonem Judae, et me, una cum duodecim senatoribus e singulis tribubus desumptis delegerunt, addito simul aedili publico una cum fabris lignariis, ferrariis, et alia fervorum manu ad illud opus idonea: qui omnes templa ingressi, clausis post se ianuis, magno cum labore et studio non vulgari idola omnia demoliti sunt, quae deinde e templis exportata opportuno tempore vel flammis exusta conflagrarunt, vel in alios usus consumpta sunt. Pleraque vero in agro Ecclesiae magna alacritate nos, qui in urbe sumus, praevenientes, confestim ea exusserunt” (1). Sublatis igitur imaginibus ipsum quoque *Collegium Abbatisarum* (dictum *Frauen-Münster*), quod et antiquitate et peculiari- bus privilegiis erat nobilitatum, se Magistratui Tigurino submitit, cuius in potestatem tradidit omnes suos redditus opimos longeque maximos, additis precibus, ut eos sacrum in usum pauperumque solatium dirigere be-

(1) Zuinglius, in *Resp. ad Valent. Compar.* Op. T. I. p. 261. b.

benigniter vellent proceres (1). Deinde Senatus Monachos trium ordinum mendicantium collegit, eosque in Minoritarum aedes contrufit (2).

Praeterea Dominicanorum conventum in deverforium, ipsas vero eorum aedes sacras in quartam *ecclesiam parochialem* commutarunt. Nam et reliqui conventus ad pios usus relati sunt (3). *Misae* interea celebratio a laicis magis magisque negligebatur, et vilis fere habebatur. Tandem vero ubi opportunum iam adesse videbatur tempus, Antistites Zuinglius, Leo Iuda, Engelhardus, Megander et Myconius d. 11 Apr. Senatum ducentorum adierunt, si iis concedere vellet, ut *Misam* una cum panis et vini adoratione, similibusque caerimoniis, nullo modo Iesu institutioni congruentibus, abolerent. Deliberatione inita decreverunt P. C. *Misam* esse abolendam (4). Iam ad Christi institutum coena Domini celebrabatur summa hominum laetitia. Quocirca Reformatio Tigurina, hisce constitutis, ad *exap* fuit perducta (5).

Quae

(1) Ruchat, L. I. T. I. p. 263. Gerdes, L. I. p. 309.

(2) *Epp. Zuing. et Oecolamp.* p. 35. a.

(3) Ruchat, L. I. T. I. p. 273.

(4) Fusius illud exposuit ipse Zuinglius, in *Subf. de Euchar.* Op. T. II. p. 247. Tigurini Senatus de *Misae et Imaginum abolitione* decretum vid. apud Füsslin *Beitr.* T. I. S. 24 sqq. 142 sqq.

(5) Modum autem, quo sacer hic ritus celebrabatur, idem describit Zuinglius in *Fidei Christ. Expos.* Op. T. II. p. 563. b. sqq. cf. Scultet, L. I. a. 2. 1525. p. 314.

Quae vero ita a *Tigurina Urbe*, Zuinglio auctore, incepit Helvetiae Reformatio, ea sensim per varias Helvetiae Civitates fuit propagata. Quae cum a communi illo fonte sint repetenda, ad Zuinglianæ Reformationis fata pertinere haud dubie videntur. Dum enim haec Tiguri molirentur, in caeteris etiam Civitatibus idem hominum conspiciebatur desiderium, verbis factisque patefactum; indigebat tantum opportunitate, qua sese exfereret; hanc vero accepit Zuinglii exorta Reformatione. In aliis autem Reformatio prospera usæ est fortuna; in aliis ei sese magnopere opposuit Magistratus, eiusque vexavit sectatores. Eas igitur Civitates breviter attendamus, in quibus rerum sensim exstitit commutatio.

Omnium priores *Mullhusiani* Tigurinorum vestigiis institerunt, ipsamque Reformationem susceperunt; (1524) abrogata, post alia multa, *Missa*, auctore maxime Ulricho Hutteno (1).

Sequebantur *Scaphusiani*, in quibus cum vicinia Tiguri, ipsiusque Reformatoris, tum scripta Erasmi, Lutheri, Zuinglii potissimum meliorem fuscitarunt rationem. Dein vero Wagnerus s. Hoffmeister, Zuinglii amicus, ab anno 1522, Sacra illic emendavit. Qualis autem illic processerit Reformatio, si quaeramus, ex illius ecclesiae archivis haec accepimus. „Scaphusiani, qui anno superiori (1523) disputationi Tigurinae interfuerunt, cum domum reverfi Abbati et reliquis Canonicis indicassent, ex omnibus praesentibus neminem unum fuisse, qui Sacrae Scripturae locis, et idoneis argumentis, themata

Zuin-

(1) M. Kirchhofer, *Fortf. von Witz*, T. V. S. 403 sqq.

Zuinglii refellere posset: et Abbatem et Erasmus Ritterum, ad oppugnandum Euangelium e Bavaria vocatum, ita immutarunt, ut, quod antea oderant Euangelium, amarent, et de Ecclesiae Reformatione serio deliberarent. Oecolampadius de Reformationis modo consulitur: Senatus, ut auctoritatem suam interponat, rogatur: Abbas et reliqui Monachi monasterio egrediuntur, abiiciunt cucullos, ducunt uxores, privatas instituunt familias, decimas et omnes Ecclesiae redditus Magistratus potestati et administrationi committunt hac conditione, ut vitae necessaria ad vitae dies suppeditentur. Idem facit Abbatissa cum sororibus suis, ordinem relinquunt, Magistratui omnia tradunt, ducunt viros, fiunt vere matres, quae ante sic dicebantur" (1). Anno vero demum 1529 *Misja* abrogata est, et sublatae Sanctorum imagines (2).

Eadem autem via proteserunt *Appencellenses*, qui A^o. 1524. habitis comitiis, Codicem Sacrum unicam habendam esse credendi et vitam agendi normam censuerunt. Non diu autem postea, invitis licet quam plurimis, qui Romanae Ecclesiae addictos se praestiterunt, cultum sacrum emendare coeperunt (3).

Maxime vero *Basileae* ea promovebatur. Floruit illic Academia. Illic ab anno 1514 Erasmus puriorem doctrinam excitabat. Capito porro, in Germania institutus, fundamenta posuit Reformationis Basileensis. — At vero maxime, licet magna hic oborta sint dissi-

(1) Scultet, l. l. a. a. 1524. p. 223.

(2) Scultet, l. l. a. a. 1529. p. 190.

(3) Simmleri, *Samml.* T. I. P. III. S. 803 sqq. cf. Rotermond, l. l. S. 110 sq.

fidia, neque Magistratus facile favere videretur rerum commutationi, Oecolampadius, item in Germania institutus, A^o. 1521 omnem operam dedit, ut sensu vere Christiano imbueret cuiusvis generis homines, omnesque admonuit, ne quid agerent perturbate et praemature. At spes eum fefellit. Plebs enim magna vires sacras emendandas esse poposcit, inque ipsas imagines irruit: Verum prudentissimorum virorum ope factum est, ut caetera, consentiente (1528) Senatu, ordine tandem procederent (1).

Quod ad *Bernates* attinet, initio eorum animi vacillare videbantur, et, quorumnam s. Tigurinorum s. caeterarum Civitatum partibus sese potissimum adiungerent, nescire. Hinc factum est, ut, quo magis de hisce rebus constaret, disputationem publicam (1528) decerneret Senatus, cui ipse intererat Zuinglius, de qua supra verbo monuimus. Qua habita Reformatio mox publica auctoritate inducta est. Nam derogatae sunt e templis imagines, et abrogatae caerimoniae ipsaque *Missa* (2).

Bernatium autem exemplum mox secuti sunt *San-Gallenses*, *Glaronenses*, *Comitatus Toggenburgici incolae*, *Constantienses*, *Argentineses*, *Gevenenses*, aliique (3). Nec vero hoc ita est intelligendum, ut omnes ubivis Reformatione laetati sunt. In nonnullis enim

(1) Ruchat, l. l. T. II. p. 348 sqq. Wirz, l. l. T. IV. S. 486 sqq. Id. *Fortgef. von Melch. Kirchner*, T. V. S. 333 sqq.

(2) Wirz, l. l. T. IV. S. 377 sqq. Kirchner, l. l. S. 277 sqq. Schroeckh., l. l. T. II. S. 146 sqq.

(3) Scultet, l. l. a. a. 1528. p. 142 sqq.

enim Civitatibus Pontificiorum aequè magnus ac Reformatorum superfuit numerus.

Magnam autem Zuinglius in nonnullas etiam alias Europae regiones exseruit vim et efficacitatem. Verum ab iis exponendis nobis est abstinendum. Intelligimus iam ex hisce, breviter memoratis, eum de prospero operis successu idoneam laetandi habuisse rationem.

§ VII.

Variarum rerum instituta ad stabiliendam Sacrorum Emendationem.

Quae iam in Helvetia iuvenili forma prodiit Reformatio, deinceps Zuinglio aliisque auctoribus ad maiorem pervenit maturitatem. Variarum huc conduxerunt rerum instituta, quae digito nobis notanda supersunt.

Primum igitur hic illa in censum venit institutio, qua in Aede Sacra maiori quotidie libri V. ac N. F. praelegerentur, atque explicarentur in plurimorum Antistitum et Theologiae studioforum commodum. Hac in re ipse Zuinglius et Johannes Ceporinus imprimis suas partes egerunt (1). *Deinde*, ut in fungendo sacro munere arctius iungerentur omnes in civitate Tigurina Antistites, *formulae* edebantur in usum ecclesiasticum; tum vero etiam *Synodi*, certis temporibus habendae, constituebantur, in quibus de Clericorum moribus deque caeteris age-

re-

(1) Scultet, l. l. a. a. 1525. p. 310. cf. Wirz, l. l. T. V. S. 110.

retur rebus communibus (1). *Praeterea* Zuinglius intelligens, quanti pretii esset statuendum, ut iuventus bene institueretur, *scholarum* curam egit, easque idoneis ornavit praeceptoribus, inter quos eminuit Oswaldus Myconius (2). Quin etiam ne adolescentes in alias migrare cogerentur urbes, studia promovendi gratia, Magistratus Tigurinus, Zuinglio suafore, doctos arcesivit viros, quibus Literas Humaniores docendi provinciam dedit. In hisce disciplinis nominis celebritatem nacti sunt Conradus Pellicanus, Rudolphus Colinus, et postea Theodorus Bibliander, Petrus Martyr, alii (3). Nec hoc loco negligenda sunt caetera illa instituta, quibus pauperum et aegrotorum commodis inserviretur, neque illa, quibus boni proveherentur mores. Quibus rebus instituendis summam operam dedit Senatus Tigurinus, ita ut brevi temporis spatio monasteria in hospitia commutata, collegia, quae rerum curam gererent, constituta, et reliqua, quae necessaria viderentur, ad communem utilitatem composita essent (4).

(1) S. Hefs, l. l. S. 44. Rotermond, l. l. S. 169. 206.

(2) Ruchat, l. l. T. I. p. 135 sq.

(3) Scultet, l. l. p. 311. S. Hefs, l. l. S. 46 sqq.

(4) Sleidanus, l. l. L. IV. p. 108. S. Hefs, l. l. S. 50 sqq.

CAPUT TERTIUM.

DE ZUINGLII DOCTRINA.

Diximus iam de ratione, qua Reformationem instituit Zuinglius. Haec autem nitebatur ipsa, quam proposuit, doctrina. Quapropter huius cognitio omnium maxime conducit ad iudicium de illius Reformatione rite regundum. Simul vero observandum est, eo consilio suam Zuinglium protulisse doctrinam, ut emendaretur Religio Pontificiorum. Hinc illa spectanda est opposita horum placitis. Zuinglium igitur hic non adeo *Dogmaticum*, sed vero *Reformatorem* attendere debemus. Quod ut rite fiat, prudenter acturi nobis videmur, siquidem *Commentarium* illum *de vera et falsa Religione*, fontem imprimis adhibeamus, tum quia eo in libro sua placita in ordinem redegit, opposita Romanae Ecclesiae erroribus; tum quia quam plurima fusiùs in hocce, quam in caeteris, exposuit; tum denique quia hicce liber inter ultimos, quos confecit, censetur. In iis autem, quae maiore illustratione indigere videantur, caetera etiam adhibebimus Zuinglii scripta.

Quod autem ipse ad lectorem est praefatus, in antecessum ferme tenendum videtur. „Promiseram, candidissime lector, ante annum ferme, multis trans Alpes doctis piisque hominibus, quorum nonnulli multa mecum de plerisque fidei rebus coram contulerant, meam de Religione Christiana sententiam Latine scripturum. Obliterunt aliquamdiu variae occupationes, quo minus promissa praestaremus. Attamen, ut spon-

de noxa praesto est, coëgit me fides data, ut noctes et dies sic per menses tres et dimidium fudaverim, ut non minus potuisssem ad Gellii exemplum *Noctes* vocare (id quod nimirum hostes libenter facturi sunt, sed alia ratione), quam Commentarium. Sed Commentarium hac ratione libuit adpellare, quod Commentarii fere sunt, si modo vocem recte intelligimus, qui haud aliter quam epistola cum amico commentantur, nisi quod Commentarii fusiores sunt et liberiores. Cum ergo liberet de Religione Christiana cum doctissimis Galliarum viris commentari, nec tamen daretur, Commentarium mittere statutum est: sic ubique festinatum, ut saepe relegendi vix fuerit data facultas, tam abest, ut ulla castigandi aut ornandi adfuerit. Sed recte habet. Commentarius est, non oratio, aut liber nonum depressus in annum. Quae vero offendere videbuntur, optime Lector, ne tu velis incognita causa damnare, sed vide, an quae dicimus, sint fidei simplicitati conformia, nec ne. Vale, et sicubi videas, nos errare, Christum precare, ut et ipse idem aliquando videam: si vero senties prisci erroris nebulas et reliquias, iterum precare, ut omnem simul caliginem auferat is, qui lux est, ut omnes simul possimus, quod verum est, intueri. Amen."

Nos autem ordinem, quem sibi in Commentario proposuit Zuinglius, sequentes, varia hacce capita ad quasdam sectiones revocanda esse censuimus, quo aptior sit legendi et totam hanc rem perspicendi facultas. Quum vero hoc in libro data opera non agit de Cod. S., unica credendi et vivendi norma, aliunde illud hic adducere operae pretium est; quod quidem caeteris eius placitis, quippe in eo fundatis, praemittendum est.

§ I.

De Codice Sacro.

„ Verbum Dei summo honore et digna reverentia a nobis excipiendum est, (verbum Dei autem illud esse intelligo, quod ex ore Dei dictante Spiritu illius procedit) nec ullius verbo, quisquis is sit, ea fides, quam illi debemus, tribuenda est. Hoc enim certum est, infallibile, purum et clarum, nec patitur nos, luce sua illuminatos, in tenebris aberrare; exponit se ipsum; aperit sese et hominum animas iucundissimis gratiae et aeternae salutis radiis illuminat; spem et fiduciam in Deum fulcit; superbos animorum spiritus humiliat et deprimit, ut homo se ipsum abnegans totus ad Deum recipiatur, in hoc uno vivit, in hunc solum tendit, de omnium creaturarum viribus et salute desperans soli Deo innititur, sine quo non quiescit, in quo sola tranquilla redditur illius anima: quod et *Pf. 77* testatur his verbis: *re-
ruit consolari animam meam, memor fui Dei, et delectatus sum.* Sic enim fieri solet, ut et in hoc saeculo piorum faelicitas et beatitudo inchoetur, non quidem re ipsa, sed fidei et spei certitudine: quam ut suo Spiritu in nobis confirmet Dominus, nec nos ab ea unquam abduci patiatur, suppliciter praecamur” (1).

„ Si veritatis sumus cupidi, hanc nusquam certius, quam in Christo, discimus. qui veritas, via est et vita. *Ioan. 14.* Apud homines veritatem reperire haud licet, utcunque hanc quidem venditent. *Omnis enim homo mendax. Pf. 115. Rom. 3.* — Quum perspectum

(1) Zuinglius, in libro *de certis. et claris. verbis Dei.* Op. T. I. p. 174. b.

habeam solum Deum esse veracem, cur non ab eo totus pendeam? Cur non illius verbo nitar? Cur non ab hoc uno magistro discam? Verax est et fidelis, pollicitus est, se daturum nobis, quidquid ab eo postulaverimus. — Iacobus a Deo docet petendum, si cui defuit sapientia. — Me sacrae scripturae iudicio libenter submitto, quae vera est et fallere non potest. — In summa, nihil verum est, quam quod Deus prodit. Quaecunque vero in verbo Dei fundata et firmata non sunt, vera esse non possunt” (1).

„ Haec unica et sola Dei voluntas est, ut unico ipsius verbo attendamus, et secundum unicam illius regulam vitae nostrae cursum dirigamus” (2).

§ H.

De Religione.

Quandoquidem totam Zuinglii doctrinam rite perfpicere non possumus, nisi ante ipsum *Religionis* vocabulum intelligamus, primum, quid de illo sentiret, constare oportet, imprimis cum perversas hac de re Ecclesiae sententias emendare studuerit Zuinglius.

1. *De vocabulo Religionis.*

„ *Religionis* vocabulum a *relegendo* Cicero de Nat. Deor. l. II. derivatum esse putat, quod, qui religiosi essent, solliciti cuncta retractarent ac veluti *relegerent*, quae

(1) *Explanat. Art. xv. Op. T. I. p. 17.*

(2) *Epist. Zuinglii ad Toggiorum Senatum. Op. T. I. p. 150. a.*

quae ad Deorum cultum pertinerent: quae quidem vocabuli ratio nobis quoque accommodata erit. Nos enim *Religionem* hic accipimus pro ea ratione, quae pietatem totam Christianorum, puta fidem, vitam, leges, ritus, sacramenta complectitur. Dum autem additione *veri* et *falsi* Religionem a *superstitione* distinguimus, in eum usum fit, ut cum Religionem ex veris verbi Dei fontibus propinaverimus, altero veluti poculo superstitionem quoque praebeamus: non ut quisquam de ipso bibat, sed ut effundat et confringat."

2. *Inter quos consistat Religio.*

Religio autem duos fines complectitur, alterum in quem tendit Religio (sc. in Deum), alterum qui Religionem tendit in alterum (sc. homo).

Duo igitur haecce Religionis obiecta singulatim spectanda sunt. Quapropter primum videamus *de Deo*.

3. *De Deo.*

"Quid sit Deus fortasse supra humanum captum, verum quod sit, haud supra eum est." Id quod docet Historia, et Paulus *Rom. I.* confirmat. Notitia autem Dei non e nobis est, sed ex Deo. In agnoscendo Numine communem observamus gentium consensum, „ sed ratione longe diversissima."

„ Fideles (sic enim credulos vel pios, vel Dei veri cultores adpellari vulgo receptum est) hoc uno fideles sunt, quod unum verum Deum solum omnipotentem Deum esse credunt, eoque solo fidunt." At solius tamen Dei est, et ut credas eum esse, et eo fidas.

— „ Sin

— „ Sin vero iuxta Salomonis verbum, *Eccel.* *h* cunctae res adeo sunt difficiles, ut nequeat eas homo explicare, et *Isaias* 45. commonens dicat: vere tu es *Deus absconditus*: constat, quod a solo Deo discernendum, quid ipse sit.” conf. *1 Cor.* 2. „ Fucus ergo est, et falsa Religio, quicquid a Theologis ex Philosophia, quid sit Deus, allatum sit. Quod si quidam de hoc quaedam vere dixerint, ex ore Dei fuit; qui cognitionis suae semina quaedam etiam in Gentes sparsit, quamvis parcius et obscurius, alioqui verum non esset.”

Ad cognoscendum Deum omnium prius requiritur, „ ut sciamus eum esse, qui naturā est, qui ipse est, et a nullo accipit, ut sit, — qui omnibus esse tribuit, atque ita tribuit, ut esse nulla ratione, nulloque momento posset, nisi Deus esset; qui omnibus tum *Esse*, tum vita est, omnia sustinet, omnia regit.” *Exod.* 3. *Isaias* 40.

Deinde, „ sicut Deus solum est, et se ipso est, ita et solum bonum, verum, rectum; iustum, sanctum est, nam se ipso bonum est, verum, rectum etc.” *Gen.* 1. *Luc.* 18. „ Si nunc omnia, quae fecit, vehementer bona sunt etiam se iudice (*Gen.* 1.), et nihilominus nemo bonus est, nisi solus Deus (*Luc.* 18.), sequitur, quod omnia, quae sunt, in ipso et per ipsum sunt: — ideo sunt, quod Deus est, et ipsorum essentia est.” *Rbm.* 11.

Porro, „ cum omnia, quae vel moventur aut vivunt, ideo vivunt et moventur, quod sunt: nisi enim essent, moveri nequirent, aut vivere; quod autem sunt, in Deo et per Deum sunt: inde colligi clarissime potest, Deum, ut est *Esse* omnibus et *Consistere* (חיה), ita et vitam motumque esse omnium, quae vivunt, et moventur.” *Gen.* 1. *Act.* 17. *Deut.* 30. „ Neque rursum sic est

vi-

vita motusque rerum omnium, ut aut ipse temere inspiraret aut moveat, aut quae spirat, vel moventur, temere ex ipso petant, quo vivant et moveantur: quomodo ex ipso peterent, quae ne esse quidem possent, nisi ex ipso essent, aut quomodo peterent, antequam essent? Constat ergo Deum non modo tanquam materiam aliquam id esse, a quo omnia sunt, a quo omnia moventur et vivunt, sed simul esse sapientiam, scientiam, prudentiam talem, cui nihil sit absconditum, nihil ignotum, nihil nimis remotum, nihil inobediens. Quibus sit, ut ne culex quidem lanceam adeo acutam, et tubam adeo canoram habeat citra Dei sapientiam, scientiam et prudentiam. Eius ergo sapientia cuncta agnoscuntur, etiam priusquam sint: eius scientia cuncta intelliguntur, eius prudentia cuncta disponuntur. Nam istud, quod Deus est, summum bonum non esset, si simul sapientia et prudentia esset. Si enim quicquam esset, quod Deum latere posset, illic nimirum sapientia et scientia eius frigeret: si vero quicquam alia providentia, quam ipsius, disponderetur, iam divina torperet, et hac parte manca esset, et perinde nec summa esset nec absolutissima: quacunque enim parte cessaret, ea et imperfecta esset. Quod tam abest a Deo, ut nihil aequae cum ipsius ratione ingenioque pugnet, quam imperfectum esse? Quae autem in Deo abscondita sunt, ne quaeramus per ingenii nostri tenuitatem et imbecillitatem.

Ut hasce Dei proprietates credamus, inducitur S. Cod. testimonio. *Prov. 3. Hier. 51. Ps. 103. Matth. 6. 5. Luc. 12. Matth. 10. Ioan. 9.*

„Iam frustra esset, infructuosum ac inutile mortalibus, si hoc summum bonum Deus, sibi soli, quod dicitur, saperet. Necesse est igitur, ut benignum

num natura sua sit, ac liberale, ea (scilicet) liberalitate —, qua iis, quibus donavit, prodesse vult, et hoc unum ac solum spectat, ut eorum sit, quae a se facta sunt.” — „ Testatur hanc sententiam tota creaturarum omnium corona”, et S. etiam Cod. *Gen. 15. Isaias 45. 55. 43, Ps. 32. Joël 2.* „ N. Testamenti quae alia testimonia proferemus, quam eum ipsum, qui Testamentum est, *Iesum Christum* Dei virginisque Filium? *Rom. 3. 1 Ioh. 2. Hebr. 10. Ephes. 2. Rom. 8.*

Caeterum „ sancti Dei homines ab usque mundo condito Deum variis nominibus adpellaverunt, ut videre licet pasim per utrumque instrumentum, nunc *Dominum*, nunc *Deum*, *vitam*, *consistentiam*, *patrem*, *fortem*, *lucem*, *omnipotentem*, *omnisufficientem* vocantes, quae tamen omnia nomina illi ex interna fide imposuerunt.”

4. De homine.

Alterum, quod sequitur, Religionis obiectum, *homo* est.

Hominem plane cognoscere, res est perquam difficilima. *1 Cor. 2. Hierem. 17.* A Deo igitur, hominis conditore, hominis cognitio est petenda.

Adam et Eva laeta primum versantes conditione peccarunt, et propterea poenas luunt, id est, mortem pasfi sunt.

De hacce autem morte observandum est, hominem „ fatali morte non extemplo concidisse, ubi hunc cibum comederat: multis enim postea saeculis vixit;” deinde, „ fatalem diem suo tempore non alia ex causa supervenisse, quam quod legem olim transgressus fuerat.

rat: *Per peccatum enim mors. Rom. 5;*” praeterea, „Adamum aliqua morte occubuisse, ut primum audacem manum, fatali fructu oneratam, ori admovit. Sic enim habet verbum Dei: *in quocunque die ederis, morte morieris.* Mors ergo eodem momento, quo edit, sequuta est, at corporea confestim sequuta non est, animae ergo mors est, quae subito sequuta est,” (*Rom. 5.*) id est *peccatum.*

„Videndum nunc est, quid tandem sit mors peccati, aut quale sit eius ingenium. Coniectamus autem ingenia omnium, quae videmus ab adpetitu, quo impelluntur ad sequendum parandumque, quod cupiunt: sic avarum pronunciamus, qui opum gratia pavidus fecat mare. Diligenter igitur et nobis spectandum est, quid maxime sequutus Adam, ingenium prodiderit suum. Diis aequalis erat futurus: quod si processisset, iam suoapte Marte cogniturus erat, quid bonum aut malum esset. Haec est ergo esca, quam adpetiivit, quaque captus est, Deum esse, ipsummet scire, quid bonum, quid malum. Verumtamen hic adpetitus unde originem habere potuit, quam ex amore sui? Omnes nobis malumus bene esse, quam aliis: *Philautia* ergo, id est *amor sui*, causa fuit, cur malefuadae obtemperaret uxori Adam. Natura ergo est homo sui amans, non ea natura, qua institutus fuerat praeditusque a Deo, sed qua forte, quam Deus dederat, non contentus, domi suae voluit boni malique peritus, imo Deo aequalis fieri. Amoris ergo sui ipsius cum sit reus factus homo, eiusque criminis damnatus, manifestum fit, quod peccati mors, quod ad ingenium attinet, ea sit, qua se homo perpetuo amat, sibi placeat, se fidit, sibi omnia fert accepta, videre putat, quid rectum, quid curvum sit: ac quod ipsi probatur, om-

omnibus probari debere opinatur, etiam creatori suo. In hoc enim *δυνασάμενος*, id est ipso furto deprehensus est, quod Deus boni mali que sciens, clam creatore suo fieri parabat: negari ergo malitia, negari ingenium, negari naturae vitium (quae quid aliud est, quam mors?) non potest."

De homine autem corrupto haec S. Cod. exstant testimonia. *Gen. 6. 8. Ies. 9. Ioann. 8. Rom. 6. Ioann. 3. Rom. 7.*

Errant igitur, qui homini tribuunt saluum integrumque iudicium.

5. De ipsa Religione et pietate.

"Redeundum nunc est ad *Religionem*, quam tantisper omisimus, donec de iis, inter quos constat Religio, diceremus, quantum Dominus dedit. De voce autem dictum est satis, iam ad rem ipsam accedimus."

Adamum peccato et comminata poena miserum futurum, neque suapte motu a Deo gratiam petere ausum, ipse Deus ad se revocavit. Unde pater, Theologos male discere de fide adquisita et arbitrii libertate. „Nemo enim venit ad Christum, *Ioann. 6.* nisi Pater traxerit eum: neque est volentis, neque currentis, sed miserentis Dei."

"Hic ergo Religionem originem sumpsisse lucet clarius videmus, ubi Deus hominem fugitivum ad se revocavit, qui alioqui perpetuus defector futurus erat: videbat enim nuditatem, hoc est culpam suam, talem ac tantam, ut rediitionem in gratiam desperaret: sed clementior Deus fugae obstinationem, attonitumque animum miseratus, non aliter quam pius Pater, qui filii sive stultitiam, sive audaciam odio quidem habet,

bet, sed odio filium habere nequit; perditum ac desperatum blande vocat, quoque in statu res sint, interrogat: *Adam, ubi es?*” Admiramur igitur Patris coelestis erga filium pietatem. „Oritur ergo pietas a Deo usque ad hodiernum diem, sed in nostrum usum: quid enim defuturum Deo fuisse putabimus, etiamsi Adam subito fatali morte concidisset? Est autem tunc absoluta pietas, quum nos ad vocantem a nobis nostrisque consiliis convertimur.”

„*Pietas ergo sive religio* haec est: Exponit Deus hominem sibi, ut inobedientiam, proditorem, ac miseriam suam non minus agnoscat, quam Adam: quibus fit, ut de se penitus desperet; sed simul exponit liberalitatis suae sinus et amplitudinem, ut qui iam apud se desperaverat, videat sibi superesse gratiam apud creatorem parentemque suum tam certam ac paratam, ut ab eo, in cuius gratiam nititur, avelli nulla ratione possit. Ea igitur adhaesio, qua Deo, utpote, solo bono, quod solum aerumnas nostras sarcire, mala omnia avertere, aut in gloriam suam, suorumque usum convertere scit et potest, incontusque fedit, eoque parentis loco utitur, pietas est; Religio est.” „*Pietas ergo* illic certo esse cognoscitur, ubi studium est iuxta voluntatem Dei vivendi: nam istud absoluta quoque pietas inter parentes ac liberos requirit, ut filius aeque studeat patri obsequi, ac pater prodesse. Iterum germana pietas istic solummodo nascitur, ubi homo non modo deesse sibi multa putat, sed adesse penitus nihil videt, quo placere Deo possit; contra vero creatori patrique suo sic omnia exuberare, ut nemo quicquam apud illum desiderare possit: liberalitatem vero ac erga hominum genus amorem tantum, ut nihil cuiquam negari possit.”

„ Re-

„Requirat fide fides five pietas primum, ut a Deo discamus, quonam pacto ei placere possimus: deinde requirit, ut iis, quae ab ipso didicimus, nihil addamus, nihil adimamus.” *Deut. 4. 12. Iſaias 40. Luc. 16. Deut. 6. Matth. 4. 15. Ioan. 8. etc.*

„Falsa Religio five pietas est, ubi alio fiditur, quam Deo. Qui ergo quacunq; tandem creatura fi-
dunt, vere pii non sunt. Impii sunt, qui hominis
verbum tanquam Dei amplectuntur. Furor igitur est
et extrema impietas, quorundam five hominum five
Conciliorum placita et decreta verbo Dei aequare.”

§ III.

De Religione Christiana.

Hisce igitur expositis Zuinglius transiit ad ea, quae Religioni Christianae imprimis propria sunt pri-
vaeque, quibusque, qua ratione homo ad veram felici-
tatem, quae virtute nititur, percipiendam possit
pervenire, docetur. Pauca praemisit.

1. *De Patre, Filio et Spiritu S.*

„Nos Deum sic agnoscendum amplectendumque
docemus, ut live Patrem eum nomines, five Filium,
five Spiritum S., perpetuo tamen eum intelligas,
qui solus bonus, justus, sanctus, benignus, reliqua-
que omnia est. Contra cum Filio omnia tribuimus,
ei tribuimus, qui est, quod Pater, quod Spiritus S.,
cuius regnum est, cuius potentia eodem iure, quo
Patris et Spiritus S.: ipse enim hoc ipsum est, quod Pa-

Pater, quod Spiritus S., servato nihilominus notio-
num, ut vocant, discrimine" (1).

2. *Deus Filium suum hominibus dedit*

Conservatorem.

„Christus est certitudo et pignus gratiae Dei.”
— Deus, humani generis miseritus, consilium coepit,
quo eos a peccato poenisque liberaret. „Cumque
ipsum iustitiam, utpote sacro-sanctam, non minus il-
libatam inconcusamque manere oporteat, quam mi-
sericordiam, essetque homo misericordiae quidem in-
dignus, sed iustitiae Dei totus obnoxius, invenit di-
vina bonitas, quo iustitiae quidem satisfaceret, miseri-
cordiae vero sinus absque iustitiae detrimento liberali-
ter

(1) Cum hacce Zuinglii de hoc placito sententia,
quam hic *ἐκ τῆς ἀποδείξεως* affert, cf. eius *Fidei Christ. brevis et
clara Expositio*, non diu ante mortem conscripta, Op. T.
II. p. 551 b. *Posteaquam Deum fontem rerum omnium et
creatorem esse scimus, fieri nequit, ut quicquam aut ante il-
lum, aut cum illo esse intelligamus, quod non ex illo sit.
Nam si quicquam esse-posset, quod non esset ex illo, iam
ille non esset infinitus; non enim extenderetur isthuc, ubi il-
lud aliud esset, cum esset extra illum: quibus fit, ut cum
Patrem, Filium et Spiritum S. videamus in scripturis Deum
appellari, ut non sint aut creaturae, aut dii diversi. Sed
quod hi tres unum sunt, una essentia, una ~~vera~~ id est ex-
istentia, una virtus et potentia, una scientia, et providen-
tia, una bonitas et propensio, nomina sive personae tres, sed
omnes ac singuli Deus idem et unus.* Cf. *De Prov.* Op. T.
I. p. 353. b. *Sermo primus Bernae hab.* Op. T. II. p.
523 b. et 525 a. Ipso autem *Trinitatis* vocabulo usus est
in *Annot.* in *Genes.* c. XVIII. Op. T. III. p. 34 b.

ter pandere liceret. Non quo sibi hac ratione ab adversario caveret, aut figulo non liceat e consperso luto facere vel refingere qualemcumque velit testam: sed quo per hoc iustitiae exemplum, oscitantiam et torporem a nobis tolleret, ac se qualisnam esset, iustus, bonus, misericors, nobis exponeret: aut, ne nimium de eius consiliis loqui praesumamus, quia sic illi placuit." Infinitae autem in S. Cod. sunt iustitiae et benignitatis divinae laudes *Psf. 144. 100. Exod. 20. Matth. 19.* alibi.

Homo, quippe qui peccatis est deditus, divinae iustitiae satisfacere nequit, ut bona quidem, quae dicuntur, opera divina magis reprobatione, quam approbatione digna sunt, si nimirum ad legis divinae postulata exacte aestimentur. *Rom. 7.*

„Huic ergo tam desertae causae nostrae tandem volens succurrere creator noster, misit, qui suae iustitiae sese nobis litando satisfaceret: non angelum, non hominem, sed Filium suum, eumque carne indutum, ne aut maiestas a congressu deterreret, aut humilitas a spe deliceret." — „Ut enim Deus per Filium hominem creavit, ita per eundem in mortem prolapsum reparare statuit, quo eiusdem esset creatio et reparatio." *Ioan. 1. Colosf. 1. Eph. 2. Promisso Gen. 3.* (cf. *Gen. 15. Hier. 23. Gal. 3.*) quae Christum spectat. „Consideranda sunt postea omnia, quae per utrumque Adam gesta sunt, hoc est per carnalem parentem et Christum." *Rom. 5. 1 Cor. 15.* Quod breviter huc referri potest: „obstruit primi parentis audacia paradysum, reservavit Christi humilitas coelum."

„Sunt et alia innumera in V. T. vaticinia, quae ipsius adventum, conservationem, mortem, ac omnem

nem prorsus et actionem et vitam sic explicant, ut nemo negare possit; sic eum scripturis adumbratum esse, cum tota eius actio ac doctrina respondeant." *Isaias* 11. *Hier.* 23. *Typi Christi in V. T. obvi.* *Gal.* 3 et 4. *1 Cor.* 10.

Iesus Christus ex virgine nasci oportuit, tum propter divinam eius naturam, tum propter hostiae naturam. Ab omni enim macula alienum esse oportuit. Testes sunt Matthaeus, Lucas, Isaias etiam 7., et Ezechiel 44. Mariae virginitas probatur. Exponitur paucis Iesu historia. „ Quae omnia eo libentius perstrinximus, ut cuius intuitu iustitia Christi, qui vulnere Adae remedium attulit, apertior fiat. Stamus enim adhuc in hoc argumento, quod Christus sit iustitia nostra, innocentia nostra, et redemptionis precium. Ad hoc enim mortuus est pro nobis et surrexit, ut declaret liberationis mysterium, spesque firmet, quae dum eum vident mortuum esse, ac mox suo pte Marte revixisse, de aeterna vita, post istam, non possunt reddi certae." *Rom.* 6.

3. *Euangelium.*

„ Christus haec omnia perpesus est pro nobis. Quodsi nostris operibus, aut nostra innocentia mereri salutem potuissemus, frustra fuisset mortuus. *Gal.* 2. Potest idcirco Euangelii ratio nunc breviter sic capi. Quod ad nomen attinet, ut id praemittamus, omnibus notum iam est, nihil quam *bonum nuncium* significare. Veruntamen, quod sit istud nuncium, ex eius verbis discendum est, qui nunciatur. Hic isto mandato misit discipulos suos: *Profecti in universum orbem praedicare* etc. *Maro.* 16. Audimus hic primum Euan-

gelium eam rem esse, quae credentem saluum reddat. Habemus ergo, quid efficiat. — Lucas 24, sic inquit: *tunc aperuit illis mentem, ut etc.* Hic aperte habemus, quid sit, quaque ratione praedicari oporteat Euangelium. Est enim Euangelium, quod in nomine Christi, remittuntur peccata, quo nuncio laetiozem nunquam intellexit ulla mens."

Intelligimus igitur ex hisce Euangelium hominem in cognitionem sui ceu peccatorem adducere; deinde etiam docere, „ nisi nos nostri poeniteat, taedeat, pudeat, Christum nobis, qui iam scimus, quid lex, quid peccatum sit, non fieri salutarem, neque preciosum;” denique, „ annunciare cumprimis vitam et mores immutandos esse;” quod vel inde patet, quod Iohannes Baptista praedicatione sua et baptismo tanquam symbolo homines, ut sibi poeniteat, admonuerit; tum vero etiam promiserit, Christum homines baptizaturum esse Spiritu S., i. e. cum Spiritum S. daturum esse, „ qui corda nostra sic illuminat ac trahit, ut eo fidamus; eo nitamur, qui Filius Dei est, qui nobis misus est, cuius nos fratres, eius misericordia, non nostris meritis facti sumus.” — Unde et discipulos primo ad praedicandum mittens Christus, idem praedicare iussit, quod Ioannes, quod ipse praedicaverat, *Matth. 4 et 10. Marc. 6. Luc. 9.*

Sunt, qui dicant: „ si hoc pacto Christum volumus intelligere hostiam, quae semel oblata pro omnium peccatis satisfecit, omnes erimus ad libidinandum propensiores, quippe quod impune haec omnia fieri possint; Christus enim pignus est, quo peccata omnia dissolvuntur.” Primum quidem Christum tum *salutis omnium gratia* misum esse, tum *solum* esse, per quem salus donatur, credimus, S. Cod. auctoritate in-

inducti. *Ioh.* 3. 6. 8. *Isaia* 5. 11. 43. *Matth.* 8. *Pf.* 17. 1 *Tim.* 2. *Rom.* 10. *Ioann.* 10. 15. 14. *Act.* 4. At vero ex hocce minime id sequitur, quod isti sibi praefumunt. „Fides enim Christiana res est, quae in animo credentium sentitur, sicut valetudo in corpore. Hac quisque facile sentit, iniqua sit, an aequa: sic qui Christianus est, sentit, ut mens propter peccatorum onus male habeat: et contra sentit quam bene habeat, quum remedii in Christo certa est. Evenit etiam plerumque, ut dexteram valetudinem non tanti faciant, qui perpetuo valent, quanti faciunt ii, qui aut diuturnis aut gravibus morbis premuntur. Sic Christus iis, qui mentis aegritudinem nullam sentiunt, non tam est preciosus, quantum eis, qui et sentiunt et dolent.” Qui autem ad pristinam venit valetudinem, is medicum magni pretii habet, et cavet, quantum potest, ne iterum in morbum incidat.

§ IV.

De iis, quae homini Christiano praestanda sunt.

Postquam iam ostenderat Zuinglius, homines a peccatis eorumque poenis, interveniente Christo, liberari, deinde docet, quaenam iis, ut grato Deum Christumque prosequi possint animo, praestanda sint officia. In hisce enim dogmatibus misera corrupta erat Ecclesiae illis temporibus doctrina, atque Christianos ad saniores doctrinam reducere studet. — Agit igitur

1. *De Poenitentia,*

cum hanc praecipue urgerent Pontifici, at vero longe alieni a Codicis S. doctrina; sed audiamus ipsum.

„Poenitentiam hactenus putavimus coactum istum simulatumque dolorem de admisis peccatis esse, ac precii, quanti peccatum aestimatum erat a iudice, id est confesore, dissolutionem. Tum enim poenitebat nos malorum, quum Pontifex iussisset, quum adpeteret paschatis celebritas, aut quum valetudo imperaret: quod quid erat, quam hypocrisis? aut aliunde prodit, quam ex ignoratione sui! — Est ergo Evangelii pars altera poenitentia, non ea quae aliquanto tempore fiebat, sed qua homo, sibi ipsi cognitus, erubescit, pudetque eum veteris vitae duplici nomine, tum quod sibi ipsi tantopere displiceat ac doleat, tum quod videat alienissimum a Christiano homine oportere, ut iis in vitiis contabescat, ex quibus se ereptum credat et gaudeat.” Iohannes baptista et ipse Christus eiusque Apostoli de ista poenitentia loquuti sunt, qua se homo in se recipit, ac omnia diligenter explorat, qua quaeque ratione faciat, qua celet, simulet, dissimulet: quod ubi citra fraudem fecerit, huc adigitur, ut praec morbi magnitudine de iustitia saluteque sua desperet. Tum „sefe ad misericordiam implorandam convertit, ac mox viso Christo omnia speranda esse intelligit. Iam resurgit, qui prostratus erat, vivit, qui mortuum se difficulter et didicerat et senserat. Sed neque Christus, Ioannes, Apostoli de hac poenitentiae parte sic tantum locuti sunt, ut aliquousque durare debeat, post vero poni possit: sed ut perpetuo duret, quam diu frivolum istam corporis molem circumferi-

rimus.” — „ Quocirca — nihil aliud, quam ad novam vitam vocant, priori dissimillimam, ad quam inchoandam qui sese dedidissent, sacramento notabantur initiali, baptismo videlicet, quo palam testarentur, se novam vitam ingresuros.” *Luc. 9. 14. Matth. 22. Ioann. 8. 14. Rom. 6. Gal. 6. Rom. 13. 1 Petr. 4.*

2. De Lege.

Non sufficit, ut quem anteactae vitae poeniteat pigeatque. Legem etiam moralem noscat, eique cognitae obtemperet, oportet.

„ Lex nihil aliud est, quam aeterna Dei voluntas, *Rom. 2. 7. 4.* per quam scilicet intelligimus, quid ille velit, quid nolit, quid exigat, quid vetet, *Matth. 7. Rom. 13.* — Omnem igitur actionem, omne consilium, et quicquid ad proximum spectat, sub hac lege contineri, necesse est.” „ Finis autem legis Christus est, *Rom. 10.* et finis legis charitas, *1 Tim. 1.* Christum ergo et charitatem eandem rem esse oportet. Deus charitas est, *1 Ioann. 4.* Qui ergo iam sub Christo merent, ad ea adstringuntur, quae charitas iubet: quod illa non iubet, aut quae ex ea non profiscuntur, aut praecepta non sunt, aut inutilia sunt.” *1 Cor. 13 (1).*

3. De Peccato.

A peccatis autem abhorrrere, eaque fugere debet homo Christianus.

„ Pec-

(1) Uberius suam de Lege sententiam exposuit in libro de Prov. c. IV. Op. T. I. p. 361. b. sqq.

„ *Peccatum* autem bifariam in Euangelica doctrina accipitur. Primum pro morbo isto, quem ex generis authore contrahimus, quo amoris nostri addicti sumus. Eum morbum intelligit Paulus, *Rom. 7: iam non ego operor* etc. *Peccatum* ergo hoc, id est vitium, morbus est cognatus nobis, quo fugimus aspera et gravia, sectamur iucunda et voluptuosa (1). Secundo loco accipitur peccatum pro eo, quod contra legem fit, ut per legem cognitio peccati, *Rom. 7*. Actio ergo quaecunque tandem, quae contra legem fit, *peccatum* adpellatur.”

— „ Liberati sumus a lege, cum *legis timori* charitas surrogata est. Qui amat, libere omnia facit, etiam gravissima, *Rom. 7*. — Liberati sumus iterum a *vindicta legis*, nam Christus eam multam, quae nobis pro peccatis nostris debebatur, sua calamitate solvit: a peccato vero quatenus morbus est: sic liberati sumus, ut nocere amplius nequeat, si Christo fidimus.”

Qui fiat, ut ii, qui in Christo sunt, etiam si peccent, non tamen damnentur, docet Apostolus, *Rom. 6-8*. „ Qui Christo fidunt, novi homines facti sunt: — manet quidem, quamdiu hocce corpore induti sumus, haereditarius simul morbus;” at mens est inflaurata. — „ Haec est ergo Christiana vita, cum spes in Deum per Christum nunquam labascit, etiam si homo per infirmitatem carnis absque peccato non sit, tamen hac una ratione superet, quod se ei non dedit, sed quotiescunque tandem cadat, semper resurgit.”

4.

(1) Alibi illud *peccatum* vocat contagionem, propensionem ad peccatum, fontem peccati, non peccatum ipsum, quod cum culpa coniunctum est. Cf. *brevis et pia Isag.* Op. T. I. p. 265. Liber de Peccato Orig. Op. T. II. p. 116.

4. *De Peccato in Spiritum S.*

Sunt quidam, qui timeant, ne aliquando peccatum committerent in Spiritum S. At vero ne timeant Fideles. Concedimus „ Ubi fides est, tametsi nunquam non sis peccator, nunquam tamen definitis infaelicitatem propensionis ad peccandum deplorare, semper te denuo formare coeptus. Contra vero, ubi fides non est, illic nec peccati ratio habetur, nec timoris Dei. — „ Sola autem incredulitas (ex qua deinde manifestae contumeliae procedunt *Matth. 12.*) nunquam remittitur.” Hoc est illud peccatum in Spiritum S., de quo Christus loquitur *Matth. 12.* Neque aliud est peccatum ad mortem, de quo Iohannes Apostolus, 1 Ep. c. 5. „ Quod propius intrinsece facili patet.”

„ Vera ergo Christi Religio haec est, qua miser homo de se ipso desperat, et omnem cogitationem fiduciamque in Deum iactat, certus, quod is nihil negare possit, qui Filium suum pro nobis impendit: et quod Filius, qui aequae Deus ac Pater est, nihil negare potest, quum noster sit. Falsa vero Religio inane Christi nomen circumfert, quum spes suas, ubi habeat: alius enim peccata sua ut abluat, ebrios cantores, alius Monachos ad ieiune psallendum conducit, alius ambitiosas aedes excitando, alius preciosam vestem concinnando divorum alicui mercari se putat foelicitatem, alius propriis, alius alienis nititur operibus: et breviter quotquot civitates sunt, tot et dii sunt: quaelibet enim habet peculiarem aliquem divum, cui tutelam suam acceptam fert.”

§ V.

De Ecclesia.

Itaque qui Deo Christoque fidem habeant, et ad Dei voluntatem Christique exemplum vitam instituunt, sese in societatem recipiunt, quae *Ecclesia* dicitur *Christiana*. — Quum vero Pontifici in Petro Apostolo fundatam esse affirmant Ecclesiam, operae pretium est hanc in causam inquirere.

I. *De Clavibus.*

„Non constat sibi falsa Religio in explicatione Clavium, neque quid sint, neque ubi datae sint.”

„Clavium vocabulum hac ratione a clave referentia ad animi libertatem transumptum est, quod quae abstrusa sunt et vincula clave patefunt ac reteguntur: nam conscientiae eodem modo clausae ignotaeque sunt omnibus, quam sibi ipsis. Sicut ergo, quae obserata sunt, sine propria clavi prodi nequeunt: sic et conscientiae solvi liberaeque reddi nequeunt, nisi germana clave id fiat.” Quod autem Pontificii de Petri auctoritate affirmant ex *Matth.* 16, non recte sese habet. Observandum enim, non solum de Petro tale quid Iesum magistrum professum esse, *Matth.* 16, sed de caeteris etiam discipulis, *Ioh.* 6, atque ergo Christum omnibus eandem promississe facultatem. Observandum porro, *Petri* nomen non hic primum Simoni impositum esse, cf. *Ioh.* 1. *Marc.* 3, atque ita *Matth.* 16. causae veluti esse expositionem, cur Christus ei iam olim id nominis dederit, sc. quod constanter Petrus id professurus esset, quo superstruenda esset Ecclesia,

sis, i. e. Iesum esse Christum; quo sensu ipse Petrus hocce intellexit, 1 *Petr.* 2. Deinde tenendum, Petrum ipsum sese caeterorum presbyterorum collegam nominasse: 1 *Petr.* 5. Observandum etiam ipsum Petrum non sua potestate vel auctoritate egisse, sed potius ab aliis apostolis esse misum, *Act.* 8, neque eius sententiam prae caeteris valuisse, *Act.* 15. Animadvertendum denique Christum, *Matth.* 16. claves istas tantum promisisse, easque post suum in vitam reditum cunctis discipulis dedisse, i. e. *eos iussisse praedicare euangelium*, *Ioh.* 20. *Marc.* 16. *Luc.* 24. Cf. *Act.* 13. 18. (1) Quae cum ita sint „facerant ac ocysu facerant impostrices Pontificum claviculae ex fidei huius Ecclesia. Eis enim nihil quaesitum est, quam conscientiarum imperium.”

2. De Ecclesia. (2).

„*Ecclesiae* nomen Graecis a convocando derivatum

ca-

(1) „*Claves ergo metaphorice appellavit Christus animarum liberationem et consolationem: quae tunc fit, quum Spiritu S. illustrante, mysterium Christi intelligimus, ei que fidemur. Solvere ergo nihil est aliud, quam desperantem soluti mentem ad certam spem erigere. Ligare vero est obstinatam mentem deferere.*”

(2) Zuinglius haecce ex alio libro, cui titulum dederat: *Adversus Hieronymum Emserum Canonis Misae adfertorem Antibolum* (Op. T. I. p. 192.), hic in eruit: cuius rei, postquam quaedam de iis, qui male de Ecclesia sentiebant, praemisit, hancce reddit rationem: „Quoniam superiore anno mense Augusto de eadem re contra Hieronymum Emserum, impium plane ac impurum ho-

unde et Latinis re-
 ... coetu, nunc pro concio-
 ... pro populo, tum fe-
 ... spiritum Israëlito in
 ... accipitur." Cf. *Exod. 12.*
 ... est Ecclesiam sic non
 ... et fidelibus, sed etiam pro im-
 ... dummodo ex femine A-
 ... cumque piis mixti essent, ac-
 ... in N. quoque T. videmus
 ... accipi, qui Christo nomen de-
 ... Christianorum versantur
 ... sint parum fideles." 1 *Cor.*
 ...

Sequitur alterum Ecclesiae genus, quod Paulus,
 ... inquit: *viri, diligite uxores,*
 ... etc. — Sequitur ergo, quod
 ... Christum ita nos dilexisse, ut se ipsum
 ... traderet, Christi Ecclesia sint,
 ... ruga et macula alieni: nam Christus eos
 ... mundavit, ut sibi copularet. Porro
 ... liberavit, vere liberi sunt et quod Deus
 ... mundavit ne Petro quidem permittitur, ut immundum
 ... dicat. Una igitur ista formosa columba, ab omni la-
 ... libera, non aliquot Pontifices sunt, etiam sancti,
 ... pil, immaculati, sed quotquot sese Christi sanguine
 ... redemptos, ac ei velut speciosam sponfam copulatos,
 ... credunt."

„ Chris-

hominem scripsimus, et tantae occupationum procellae sic
 nos indique adobruunt, ut quicquid tempusculi subtrahe-
 re non admodum necessariis rebus possumus, huc adfar-
 cimus."

„Christus (autem) tradidit se ipsum, ut Ecclesiam sanctificaret.” — „Hi ergo sine ruga sunt et macula, qui in Christo sunt.” „Is enim agnus est, qui tollit peccata mundi: is propiciatio pro peccatis nostris.” — „Cum igitur Dei Filius nos a peccati morte liberavit, ac nos id firmiter credimus, fieri non potest, ut non admirabili metamorphosi in alios homines transfiguremur. — Omne studium, (qui Christi Ecclesia sunt) huc vocant, ne in peccatum, in quo prius mortui erant, relabantur.” *Rom. 6.*

„Haec est illa Ecclesia, quae errare non potest, quod sibi Pontifices tam falso, quam impudenter arrogant. Nam haec Ecclesia Christi uno verbo Dei ninitur: quod tam firmum et immobile est, ut coelum et terram citius ruere oporteat, quam ipsius unum apicem.” —

„Hominum oculis obscurum est, quinam aut quot intra Christi Ecclesiam sint. — Ecclesia illa hominibus est ignota, et nunquam coibit: usque ad ultimum istum diem, quo Dei Filius ad se vocabit omnes gentes, et iudicio cum eis contendet: illic videbitur, quisque fide fuerit.”

„Ecclesia Christi, quandoquidem hic nunquam coire potest, attamen verbo semper opus habet, fit ut per partes et membra sua, hoc est peculiares ecclesias, cum pastorem tum verbum exterius iudicet: sed per verbum Dei, quod in mentibus fidelium scriptum est.” (1)

„Ecclesia peculiaris impudentem item reicit, ac poenitentem rursus in gratiam accipit: sed non alia vi, quam quod membrum Ecclesiae Christi est.”

3.

(1) *Non unus quisque verum Dei verbi sensum comprehendit, sed sola mens pia intelligit, quae Dei sunt.*

3. *De Ecclesiae disciplina.*

„ Ea Ecclesia, quae visibilis est, cum habeat contumaces ac perduellos multos, qui ut fidem non habent, ita nullius faciunt, si contes extra Ecclesiam eiiciantur, opus habet magistratu, sive is sit princeps, aut optimates, qui impudenter peccantes coerceat. Nec enim frustra gladium gestat. Cum ergo in Ecclesia sint pastores, qui, ut est apud Ieremiam videre, pro principibus quoque capiuntur, constat Ecclesiam sine magistratu mancā esse ac mutilā.” (1).

„ Iurisdictio aut iuris administratio, quam sibi Papa et Episcopi, caeterique, quos spirituales vocant, arrogant, tota magistratus secularis est, si modo velit esse Christianus.” (2).

„ Magistratibus publicis omnes Christiani obedire debent, nemine excepto. Modo contra Deum nihil praecipiant. Hoc ergo omnibus piis observandum, si principes aut magistratus lectione, auditione, aut praedicatione verbi Dei interdiciunt, ne pareant. Sed interficiunt, inquit. Hoc Dei nomine tibi ferendum, quandoquidem ipsi Iudaeis Christum et Apostolos trucidantibus similes esse volunt. Tu constans esto, nec dubita, quin Evangelii negotium tuo sanguine augeat plurimum.” (3).

Quod autem ad *excommunicationem* attinet, „ in Christi verbis, *Matth.* 18. tota ratio et vis *excommu-*
ni-

(1) *Fidei Christ. Exposit.* Op. II. p. 556. b.

(2) Art. XXXIV. et XXXVI. Op. T. I. p. 75. b. et 77. a.

(3) Art. XXXVIII. l. I. p. 79. a. Quid vero de Synodis constituerit Zuinglius supra exposuimus, Part. II. C. II. § 7.

anathematis comprehenditur. — Mox ante hæc verba de offensione loquutus erat, neminem debere esse tantæ charum, etiam si oculus fuerit, manus aut pes, quin si offendant, excindi debeat, veluti morbida et putrida membra amputantur, ne totum corpus periant. Christus ergo sic loquitur: *si peccaveris in te frater unus.* In te, Ecclesia, id est, adversum te. Sic enim solet Christus singulari numero multitudinem, id est, Ecclesiam, alloqui. — Secundo loco dicit: *si peccavi.* Ex quibus verbis sequitur, eos dumtaxat excommunicandos esse, qui peccant. Ob quæ peccata autem excommunicatio sit ferenda, *ea sunt*, quæ veluti contagio quædam offendant et totum corpus inficiunt. — Tertio, admonendus est is, quem Ecclesia vult excommunicare, idque clam absque arbitris subito ante quam eliciatur. Ut si quis adulter sit publicus et adulterio suo offendant Ecclesiam, ab Episcopo amice et clam admoneri debet. — Quarto, si peccans occulta admonitione moveri non potest, adhibendi sunt testes, ut de priori admonitione vincatur. — Postremo, offendens Ecclesie notari debet, nec tamen adhuc excommunicatus est, donec Ecclesia decrevit eum eiiciendum. — Iam de Ecclesia, cui talis sit indicandus, pugnant Pontificii. Nam ipsi Episcopos — Ecclesiam vocant. Deinde tradunt excommunicationem ab Episcopo latam, Ecclesie esse excommunicationem. Sed observandum — Ecclesiam in Scripturis accipi aut pro omnibus Christianis, qui in istis terris visibiliter nunquam conveniunt soli Deo noti, atque in hac Ecclesia omnes sunt, qui Deo Patri per Christum fident eoque nituntur, et hæc est Ecclesia, quam in Articulis Fidei, profiteamur: aut pro singulis quibusque Ecclesiis, quas parochias vocant. — Cui

er-

ergo Ecclesiae offendens peccator indicari debet? Ad Ecclesiam universalem Christus nimirum nos ire non mandat; nam haec nusquam hic coit corporaliter. Quis enim omnes pios congregare posset? Restat ergo, ut Ecclesiae iubeat Christus indicandum peccatorem, quam parochiam vocamus. Voluit enim Christus hoc praecepto cavere, ne morbida ovis caeteras inficeret et contaminaret; nihil enim humanis moribus tenerius, posteaquam semel vitari coeperint, serpit morbus latius. Ut hoc caveatur, nemo magis aptus, quam Episcopus, quam Ecclesia: nam hi offendentis scelus optime cognoscere, mentem iudicare, et quomodo poeniteat animadvertere possunt. Non quod solus Episcopus haec facere debeat, quisque hoc potest, si Episcopus fuerit negligens." (1).

§ VI.

De Sacramentis.

Christus in perpetuum Fidelium usum quosdam ritus instituit, quos numero auxerant Romano Pontifici, et Sacramentorum nomine insigniverant.

1. De Sacramenti vocabulo.

„Vocem istam *Sacramentum* magnopere cupiam Germanis nunquam fuisse receptam, nisi Germane esset accepta. Cum enim hanc vocem *Sacramentum* audiunt, iam aliquid magnum, sanctumque intelligunt, quod vi sua conscientiam a peccato liberet.”

„Sa-

(1) Art. XXXI. l. 1. p. 71 sqq.

„ *Sacramentum* Varroni pignus est, quod litigantes nescio ad quam aram deponebant: et qui vicisset, pignus aut pecuniam suam repetebat. Rursum *sacramentum* iusiurandum est, qui usus vocabuli etiamnum apud vulgum Galliarum et Italiae durat. Postremo dicitur et *sacramentum* militare, quò milites duci adstringuntur ad imperium eius, iuxta belli ius aut leges. — Nam pro re sacra et arcana apud veteres accipi, non constat. Unde huic acceptioni locum non dedimus. Neque ei, ubi antiqua N. T. translatio pro mysterio *sacramentum* habet: nam haec vox istam non exprimit, neque scio, ut Latina ulla vox *μυστήριον* probe exprimat: nam arcanum ad plura extenditur, quam *μυστήριον*, et sacrum paulo angustius est. Unde adducimur, ut *sacramentum* nihil aliud esse videamus, quam initiationem aut oppignorationem. Sicut enim, qui ligaturi erant, certum pecuniae pondus deponebant, quod auferri non licebat, nisi vincenti: sic qui sacramentis initiantur, sese adstringunt, oppignorant, ac velut arrabonem accipiunt, ut referre pedem non liceat. — *Sacramentum* ergo — vim nullam habere potest ad conscientiam liberandam.”

„ Duo vero sacramenta omnino reliquit nobis Christus, *Baptismum* et *Coenam Dominicam*. Quibus sic initiamur, ut altero nomen demus, altero victoriae Christi memores, nos eius Ecclesiae membra esse probemus. Accipimus in Baptismo symbolum, quod vitam simus ad regulam Christi formaturi: Coenam Dominicam experimentum, quod morti Christi fidamus, quum gratulantes et laeti adsumus in eo coetu, qui Domino gratias agit pro beneficio redemptionis, quod moriendo pro nobis liberaliter dedit. Reliqua sacramenta ceremoniae potius sunt, nihil enim initiant in

in Ecclesia Dei. Unde non immerito loco moventur: non enim a Deo institutae sunt, ut aliquid eis in Ecclesia iniiciamus."

2. De Baptismo (1).

„Ioannes, qui baptizando Baptistae nomen invenit, propriis verbis aperuit, quid baptismus sit: nempe initium, qua se signabant, qui vitam erant emendaturi. Loquimur autem nunc de elementalī baptismo, quo tinguntur, qui vitam novam ingresuri sunt, non de baptismo, qui totam causam tam praedicationis, quam tinctionis complectitur." *Matth. 3. Marc. 1. Ioann. 1.*

„Sed antequam ultrō progrediamur, dicendum est de Spiritu S. baptismo, de quo quum quidam non recte sunt docti, minus deinde recte de baptismo disserunt. Est ergo et Spiritus S. baptismus duplex. Alter, quo omnes irrigantur interne, qui Christo fidunt." *Ioann. 6. Isaia 54.* „Alter — exterior. — Quo compluti aliquando pii, linguis coeperunt protinus loqui peregrinis. Quae res signum fuit aliis potius, quam iis, qui loquebantur." — Superior sic est necessarius, ut nisi detur, nemo salvus fiat: nemo enim nisi fide salvus redditur: at fides non nascitur, nisi Spiritu S. docente." — Praecessit ergo baptismus Ioannis utrumque baptismum Spiritus S.,
quan-

(1) Zuinglius iam hic quaedam de *Matrimonio* monet, et deinde ad *Baptismum* pergit. Sed quandoquidem postea ad idem de *Matrimonio* argumentum redit, „quod (qui ipse dicit) superius, id, quod imprimis tractare debueramus exciderat," utrumque illud potius coniungendum esse censuimus.

quantum ad Christum attinet." *Luc. 3. Ioann. 1.* "Tinxit autem Ioannes aqua, „ et ideo tinxit, ut ad Christum mitteret."

Nullum vero discrimen est inter Ioannis et Christi baptismum, „ quod ad causam et finem attinet, quamvis, quod ad usum sive formam attinet non nihil discrimini sit." — „ Uterque tendebat in Christum, hoc est novam vitam requirebat, quae ad exemplum Christi formaretur." —

„ *In nomen* baptizari, est in fidem in Deum inferi: nomen autem potentiam, maiestatem, gratiam hoc loco significare, non est novum." (*Matth. 16. Act. 4.*) Germanus horum verborum sensus est (*Matth. 28.*), ut qui Christum sint induituri, Patri, Filio, Spirituique S. initiarentur, hoc est, iungantur, adstringantur. Externa vero res est, quum tinguntur concurrentibus sacris verbis: *in nomine Patris* etc. (1), ac verae rei signum et ceremonia. Ut cum aliquid per manus traditur, ipsa manuum copulatio non est rei traditio, sed visibile signum, quo testamur contractum esse, ex utraque parte perfectum. Sic sunt ceremoniae exteriora signa, quae accipientem aliis probant eum se ad novam vitam obligavisse, aut Christum confesurum esse usque ad mortem."

„ Quod autem ad infantium baptismum attinet, quem quidam eis hodie negant. — Nunc quum rogas, an infantes tincti baptismo damnentur nec ne, ipsique respondeant non dampnari: et contra si roges, an damnentur, si non tingantur, respondeant, non dampnari: tuque inferas, non ergo contineri infantes hac lege: *qui crediderit* (praedicato sc. auditoque Evangelio)

et

(1) Latina versio habet *in nomine*.

et baptizatus fueris, saluus eris: qui vero non crediderit, damnabitur: nam hoc adultis dici, non eis, qui audire nequeunt, non ergo posse infantes a communi salute reici, eos praefertim, qui a fidelibus prognati sunt: nam alioqui conditionem eorum deterioram futuram, quam carnalis Israël. Si ergo Christianorum liberi haud minus Dei sint, quam Israelitarum, quis eos vetet baptizari iuxta Petri verbum? *Act. 10.* nihil de pertinacia mutant.” (1).

3. De Eucharistia.

„Εὐχαριστίας nomen Graeci dederunt coenae dominicae indubie hac causa, quod tam ex fide quam verborum Christi Apostolique vi intelligerent, Christum hac coena voluisse iucundam sui commemorationem fieri, gratiasque publice haberi pro beneficio, quod in nos liberaliter expendit: est enim *Eucharistia* gratiarum actio. Qui ergo, in hac publica gratiarum actione interesset, toti se Ecclesiae probaret, ex eorum esse numero, qui Christo pro nobis expósito fiderent: e quo se numero eximere, subducere, aut alienare, sive desertione, sive impuritate vitae, summa esset perfidia. Unde et communio vel communicatio apud Paulum *1 Cor. 10.* vocatur. Hinc etiam excommunicatio, quum scilicet alicui negabatur ad hanc fidelium communicationem accessus, propter vitae spurciciam. Tenemus ergo hanc vocis significationem.” Ad locum *Ioann. 6.* rite intelligendum, observandum est,

(1) Zuinglius data opera infantium baptismum variis argumentis vindicavit in libro: *de baptismo, anabaptismo et infantum baptismo.* Op. T. II. p. 36. b.

est 1.) cibum, quem quaerere iubet Christus; his esse fidem in ipsum; 2.) Christum per *panem* et *edere* nihil aliud intelligere, quam *Euangelium* et *credere*; docere, *illum*, qui *credit cum pro nobis immolatum*, *coquens nititur*, *habere vitam aeternam*, neque igitur loqui de *sacramentali esu*; 3.) Christum hactenus nobis esse salutarem, quatenus pro nobis mactatus est: „at secundum carnem mactari tantum potuit, et secundum divinitatem tantum salutaris esse” (1); itaque Christum hic non loqui de sacramentali esu; 4.) Christum hoc posuisse notam, qua cognosceretur is, qui carnem eius edit et bibit eius sanguinem, i. d. qui pio animo in Christum fidem habet, cuius morte liberati sumus, eum sc. in Christo manere, ipsumque in eo; 5.) carnem Christi comedam non prodesse.

Maxime autem „durae sententiae de corporali sensibilibus Christi carne occasionem dedit ignorantia verborum Christi: *Hoc est corpus meum* etc.”

Particula *hoc* non est in Christum referenda; „tunc enim omnis frigeat actio; infirmum (autem) est argumentum, quod ab imitatione generis captum fuit; neque haec interpretatio apte congruit cum sqq.: *hoc facite in meam commemorationem*.”

„Difficultas universa — fita est in verbo *est*. Nam ea in sacris literis non uno loco pro *significat* ponitur.” *Gen.* 41. *septem boves pulchrae — septem ubertatis anni sunt.* *Luc.* 8. *semen est verbum Dei* etc. *Matth.* 13. *ager est mundus*, alibi. Scriptoribus autem sacris

(1) *Nisi Deus simul fuisset, qui moriebatur, non posset toti mundo salutaris esse.*

cris consuetudine sunt μεταφάσαι et μεταλήψεις. *Luo.* 13. alibi (1).

Iam si *est* accipiatur. h. l. pro *significat*, vide, quam optime omnia quadrant: „*hoc significat corpus meum, quod pro vobis datur: hoc facite in meam commemorationem*: hoc quod ad edendum praeheo, symbolum est corporis mei pro vobis traditi: atque hoc, quod nunc facio, in meam commemorationem postea facietis.” *Luoas*; et *Paulus*, 1 *Cor.* 11.

„Nunc ad *poculi* verba veniamus, quibus haec sententia clarius deprehenditur. Sed prius hoc admonemus, *poculum* pro *potu* accipi: continens pro eo, quod continetur. Sic ergo habet: *hoc poculum illud novum testamentum* (sive h. p. est novum t.) *in meo sanguine, qui etc.*”

„Quod hoc poculum pro symbolo veri Testamenti accipiatur, ipsa verba indicant; quum ait: hoc poculum, novum Testamentum, id est, Testamenti signum ac instrumentum est in meo sanguine: non dicit: hoc poculum, quod novum T. est, est sanguis meus: sed, hoc poculum N. T. est in meo sanguine. Ea autem, quorum unum in altero est, inter se distinguuntur, ut res et res, quod isti dicunt realiter. Porro, quae realiter distinguuntur, nulla ratione sic convenire possunt, ut eadem res sint. Quod enim in alio est, non est hoc ipsum, in quo est.” „Cum ergo poculi verba sic habent: hoc poculum N. T. est in meo

(1) Ueberius omnem hanc rem de Eucharistia Zuin-
glius exposuit in libro, cui titulus: *Substitutum sive coro-
nis de Eucharistia*, in quo argumentum maxime urget de-
sumtum ex *Exod.* 12. Op. T. II. p. 244.

meo sanguine: ubi *in meo sanguine* alium sensum habere nequit, quam, quod Testamentum vim habet in *meo sanguine*, sit manifestum, quod panis verba confirmilem ad modum sic accipienda sunt: hoc, quod sc. edere imbec, symbolum est corporis mei." Matthaeus et Marcus, Lucas et Paulus varie quidem rem enunciant, qua in re observandum, hosce illorum verba consulto explicasse.

Quod ad locum 1 Cor. 10. attinet, sufficiat annotasse, corpus Christi, cui participes fieri dicuntur Christiani celebranda coena dominica, hic ex contexta oratione aperte significare ecclesiam, morte Christi violenta tanquam fundamento nixam, quem, qui taliratione celebrat, testatur coniungere sese cum Christo tanquam capite, et cum fratribus tanquam membris.

Prouti autem „Pascha celebratio erat et festivitas, qua ex aegyptiaca servitute se liberatos esse Domino gratulabantur (Israelitae), — sic Eucharistia — nobis est redemptionis commemoratio, festivitas, aut celebritas.”

„Falsa ergo Religio est, quae docuit huius symbolici panis usum peccata delere: nam Christus solus dellet peccata, quum moritur: mortuus est autem semel tantum, ut tota *Ep. ad Hebr.* et *Rom. 6.* habetur. Semel ergo mortuus, perpetuo valet ad omnia omnium exhaurienda peccata. Falsa est Religio, quae docuit, hunc panem opus aut oblationem esse, quae quotidie oblata peccata nostra expiet.” (1)

4. De

(1) Quod iam Zuinglius argumentis probat, desumptis iterum ex *Antipolo adversus Emferum*. Notat autem simul, Pontificiorum interpretationem esse oppositam Patrum

4. De Confessione.

De confessione haec tenenda sunt. „ Satis confite-
tur, qui Deo fidit. *Pf.* 104. 1 *Ioann.* 4: qui cum
laudat et gratias agit pro impensis beneficiis, ut *confi-*
temini Domino, quoniam bonus, quemadmodum ceci-
nerunt filii Israël Pharaone merse: qui peccata sua ag-
noscit ac coram Domino deplorat, sic, qui praedica-
tione Ioannis compungebantur, agnoscebant, sic habe-
re, quemadmodum ille docebat: qui assidue veniam
fociis fratribus orat” *Iac.* 5.

Male igitur Pontificii confessionem laudant *auricu-*
larem.

5. De Matrimonio.

Matrimonium esse sacramentum non probari potest
loco Paulino *Ephes.* 5. „ Peccatum enim est ab in-
terprete, qui, quoties *arcanum* pro *mysterio* traducere
debuisset, *sacramentum* transtulit.” — „ Quod si sacra-
mentum esse contendas matrimonium ea causa, quod
Christum et Ecclesiam figuret, nihil morabimur. At
non est initiatio, sed foedus vitae fortunarumque con-
iunctio, et communis aëlea. Cum ergo Christi et Ec-
clesiae coniunctio matrimonii comparatione dicitur,
quid opus est inter sacramenta numerare?”

Caeterum cum honorifica res sit connubium, *Hebr.*
13: „ cur rem Dei etiam testimonio sanctam, piam
ac bonam quibusdam interdiciamus? puta Sacerdotibus,
Monachis et Monachais, Episcopis, hoc est, verbū
mi-
trum Ecclesiasticorum hac de re sententiis, videlicet
Tertulliani, Augustini, Origenis, Hilarii, Hieronymi.

ministris.” — „ Sed cum videamus infirmum esse, non huius cum totius Ecclesiae offensione et ignominia scortatorem ferre, quam legitimum maritum, — quum tamen ante omnia coniugatum quaerat Paulus in delectu suo” 1 *Tim.* 3. *Tit.* 1.

6. De reliquis Sacramentis.

„ *Confirmatio* tunc sumpsit exordium, quum vulgo coeptum est infantes tingi, quum apud priscos ii modo tingerentur, qui in vitae demicatione constituti essent: quanquam quid hoc erat? num mortis discrimen doctiores rerum Christianarum faciebat? Sed inibitus erat error, qui baptismum existimabat post fidem peccata ablueret: qui deinde, ut adfolet, atrocius grassatus, ausus fuit infantibus etiam salutem negare, quasi vero crudelior sit Christus, quam Moyses: sub quo inter filios Israël censebantur, qui circumcisi essent, aut oblationibus initiati: etiam si Abraham fide nondum imitarentur, nec enim poterant.”

„ *Extrema unctio*, sic enim vocant, humanum ac civile officium est. Ungebant Apostoli nonnunquam aegrotos, et bene coeperunt habere, qui finistrius paulo ante valebant. *Marc.* 10. Hoc perpetuo servandum esse monet *Iacobus* 5. Invisere videlicet aegrotos, ubi si usus postulet, aut aegritudo ferat, qui profectiore iam sunt aetate, malum debeant attrahere, ungere, ac Deum, ut liberet, orare.”

„ *Ordo sacer*, quem perhibent animae characterem quendam, velut ungue, infligere, humanum figmentum est. Quod autem de impositione manuum ex *Actis* et 1 *Tim.* 4. adducunt, frivolum est. Exterior haec consignatio fuit, qua eos notabant, in quos lingua-

guarum domum erat venturum, aut quos ad verbi ministerium erant emisuri. Quid hoc ad characteris signum facit? functio est, non dignitas, episcopus, hoc est, verbi ministerium. Qui ergo administrat verbum, episcopus est: qui minus, tam non est episcopus, quam non est consul vel magistratus, qui non fungitur."

§ VII.

*De cunctis nonnullis Latinae Ecclesiae erroribus,
imprimis in cultu sacro.*

Zuinglius, Reformatoris partes agens, non potuit non caeteros etiam Latinae Ecclesiae errores perstringere, iisque simplicem opponere S. Cod. doctrinam.

1. De Votis.

Castitatis voto opponimus Pauli auctoritatem, 1 Cor. 7. *si se non continent, nubant: praestat enim nubere, quam uri.*

„*Paupertatem* quid attinet vovere? Christiana mens Christiana non est, nisi sit pauper. — Si dives es,” pauperum curam geras! „si pauper, quid voves, quod velis, nolis, ferre cogaris?”

„Quid opus est, ut *obedientiam* promittas, quam sic debes, ut, nisi praestes, ingratum sis iudicem habiturus?”

2. De divorum Invocatione.

„Solut Deus bonus est, Luc. 18. Ab hoc ergo fonte uno et solum bono derivare oportet, quicquid eo indigum est. Luc. 1. Fideles ab uno et solo isto
bo-

bono pendent, ei unice adhaerent, ad ipsum solum recurrunt, ex solo hauriunt. *Deut.* 32. *Hier.* 2. — Fideles ergo soli sunt, qui se sic Dei esse sciunt, ut alium Patrem ne nominent quidem, quam omnipotentem Patrem: tantum abest, ut in alium spem habeant. *Matth.* 23. *Pf.* 4. 39. *Hier.* 17. — Porro quod citra cunctationem ad eum confugere tuto liceat, apertissimis ubique verbis ipse declaravit. *Gen.* 15. *Lev.* 20. *Num.* 35. *Pf.* 34. *Isaiah* 43. *Ezech.* 18. Totum autem N. T. quid aliud est, quam solida eestque gratiae Dei confirmatio? Nam qui Filio suo non pepercit, sed pro nobis omnibus tradidit illum, quomodo nobis non omnia cum illo donabit? — Itaque patrónis nostri opus est. Quisque se summo Deo commendare potest et debet. Unus est mediator Dei et hominum; homo Christus Iesus, per quem unum ad Patrem venimus." 1 *Tim.* 2. *Ioann.* 16. *Act.* 4.

„ Quae vulgo in contrarium adducuntur, aut frivola sunt, aut carnis sapientiae."

Si de divorum cultu quaeramus, in eo unice consistit, „ quum omnes firmiter ei Deo adhaeremus, cui, et ipsi dum viverent, et adhaerebant et adhaerendum esse alios quoque docebant."

3. De Statuis et Imaginibus (1).

Quod quidam dicunt, „ imaginibus hominem doceri, ac ad pietatem moveri, de suo faciunt. Nusquam enim Christus hunc docendi modum docuit, neuiquam

(1) Hoc quidem caput, quod L u i n g l i o ultimum est, praecedenti subiungendum videtur propter argumentorum similitudinem.

quam omisurus, si profiturum esse praevidisset: quin contra non ignarus omnium, quae ventura sunt, vidit crebro fieri, ut ad illa, quae sensibus patent, convertamur, noluitque, ut doctrinae occasione imagines redderentur nobis angustiores." — „Sed obiicit contentio. Imagines non esse cultas, sed eos, quorum sunt. Respondemus. Neque Gentes ullas unquam fuisse tam stolidas, ut lapideas, aereas ac ligneas statuas propter se ipsas coluerint, sed in his venerantur Iovès et Apollines suos. — Cum ergo dicitur, nos imagines non colere, quod tamen falsum est, nam angustius colimus, quam ullae Gentes idola coluerint: sed donemus hoc, non tamen sequitur, licet ergo imagines habere, duplici nomine. Primum, quod tam diferte habemus, tam in N. quam in V. T. idolorum cultum esse vetitum. Secundo sic patet, imagines non licere habere, etiam si non colantur, quod ratio ista exempli, propter quam perhibent, haberi posse, immensum frigus nostrum produnt: 1.) quod nullus amor Dei sit in nobis, is enim satis extimulat ad recte vivendum; 2.) quod non tutum est omnia sequi exempla, quam eius, qui exprimi non vult. Cf. *Exod.* 20. 34. *Lev.* 19. 26. *Deuter.* 4. 5. 7. 11. 13. 27. *Num.* 25. *Ios.* 24. *Iud.* 10. 1 *Reg.* 7. *Pf.* 69. 114. *Isaia* 42. 44. *Hierem.* 10. 13. *Ezech.* 14. 6. *Mich.* 1. *Abak.* 2. 4 *Reg.* 18. 10. 23. 31. 1 *Cor.* 5. *Act.* 15. 1 *Cor.* 8. 10. 12. *Gal.* 5. 1 *Thesf.* 1. 1 *Petr.* 4. 1 *Ioann.* 5.

4. De Merito.

„Diximus in superioribus, ista quatuor cognata esse, Providentiam, Praedestinationem, liberum arbitrium et meritum: non quod posteriora duo prioribus
cog-

cognata sint, sed quod, qui priora recte cognoverit, posteriora quidnam sint, ignorare non possit.”

„ Prouti omnes res per Deum constant: ita servantur ac disponuntur per ipsum omnia: quod autem mentes nostrae huc non perveniunt, causa est ipsarum angustia et circumscriptio. — Est veluti Deus in mundo, quod ratio in homine. — Nec illi turpe est, quod nobis, quae enim nobis turpia sunt, ex eo provenit, quod lex nobis imposita est. Lex autem hac causa est posita, quod adfectus nostri modum excedebant. Hi autem in Deo quum non sint, legi non est obnoxius, sed hoc ipsum est, quod a nobis per legem exigit.”

„ Nascitur autem praedestinatio, quae nihil aliud est, quam si tu dicas praedeterminatio, ex providentia, imo est ipsa providentia, nam et Theologi providentiam a sapientia sic discriminant, quod illa progrediatur ad agendum et disponendum, haec autem videat, quid, quomodo agendum sit. A summo enim bono alienum esset, omnia nosse priusquam fierent, nec omnia disponere et ordinare posse: rursus omnia ordinare, scire, et posse, nec tamen facere, illiberale, imo invidiosum esset: quod de numine supremo suspicari nefas est. Providentia ergo Dei simul tolluntur et liberum arbitrium et meritum: nam illa omnia disponente, quae sunt partes nostrae, ut quicquam ex nobis ipsis fieri possimus arbitrari? Cum autem omnia ipsius opera fiant, quomodo nos quicquam merebimur?”

Nitimur autem maxime S. Cod. auctoritate (1), „ Nostris meritis non venit ad Deum, sed soli Christi. *Ioann.* 14. Nostris viribus nihil possumus, sed

(1) *Ex Ambrosio adv. Eusebium.*

sed solis viribus Christi. *Ioann.* 15. Quid igitur meremur? Merita nostra non tollunt peccata: nam si tollerent, Christus frustra e coelo esset missus. *Ioann.* 1." Cf. praeterea *Matth.* 19. *Luc.* 17. *Ioann.* 9. *Röm.* 11. 3. *Gal.* 3. 1 *Cor.* 15. *Gal.* 5. *Phil.* 2. „ Quod autem in contrarium multi loci, quibus meritum adferi videatur, adduci possint, non inficiamur: sed ad eam semper confugiendum est regulam, quod sicubi eadem res et Deo et nobis accepta feratur, eam semper sententiam sequamur, quae ad gloriam Dei spectat, et, nomen eius sanctificans, illi omnia refert: non contra istam, quae nobis aliquid tribuit, tamen Deus per benignitatem, qua nos nunquam destituit, nonnunquam nobis tribuat, ut ministris et filiis suis, quae eius solius sunt."

„ Quid vero de iis operibus dicturi sumus, quae iuxta hominum traditionem et doctrinam inventa sunt? Fucus fuerunt, aucupia et ad emungendam pecuniam retia. Omnia opera pietatis aut carnis fructus sunt: nam si pius es, ex fide iis rebus studes, quas fides dicat. Qui enim fidem habet, Deus in eo est et ipse in Deo. At ne quisquam dicat: Hoc charitatis est, quod tu fidei tribuis. Considerandum est, quod *fides* in Scripturis sacris varie accipitur: primum pro *credulitate*: deinde pro *firmitudine*: mox pro *fiducia* in Deum: et de ista sola debet intelligi, quod fides salvum faciat. Qui vero iam non intelligunt fidem, spem et charitatem eandem rem esse, nempe hanc in Deum fiduciam, multos nodos in scriptura coguntur inexplicitos praeterire. *Röm.* 4. 8. *Iac.* 1." — „ Habet ergo humanum pectus Deo coniunctum, hoc est pietas, alia atque alia nomina ab incremento. — Nec quicquam aliud est, quam in Deum pietas, sive ames, speres, aut

aut fides. — Quam ergo bona opera fidei fructus sunt, nimirum Dei sunt, non nostra; quid ergo pro eis repetemus, quae nostra non sunt?”

In ea autem omnis pietas confertur, quod ad Christi institutum duo illa primaria praecepta observemus, e quibus tota lex pendet et prophetae. *Matth. 23.* Opera danda est, ut Christi simus discipuli. 1 *Ioann. 2.* „Christus autem omnibus benefaciendo, ac se ipsum tandem pro omnibus expendendo Patrem honoravit. Sic nimirum nostrae caeremoniae non aliae erunt, quam quibus Christus est usus: iis enim clarificatur Deus, hoc est, ut simus veritatis ac innocentiae studiosissimi, paratioresque, ut nos pro fratribus exponamus, quam, ut illos pro nobis conculcemus. Hoc est Patrem in spiritu et veritate adorare.”

5. De Oratione.

„Oratio est elevatio mentis in Deum.” — „Adorare Hebraeis idem est, quod colere (*Exod. 20.*); — est deinde, mentem Deo, h. e. domino, qui omnia poscit, et Patri, qui velit, devovere. *Ioann. 4.* — non iureiurando —, sed assiduo charitatis incremento, ut in ea nihil subdolum remaneat, nihil ex ea prodire possit, quam quod sit verissimum, ac Deo simillimum.” Oramus, quando cum fiducia Dei operam imploramus; at „cur hoc pro meritorio opere imputamus? Quis enim unquam tibi pro bono opere imputare queat, quod crebro ad te veniat, nunc pecuniam, nunc vestem, cibum, consilium, opem oratum?” Pro fratribus oremus, oportet, sed amore ducitur, cor pro precibus, quas fundit, pecuniam accipiat? „Potes quidem ex fide in Deum pro alio orare, sed fidei tuae

tuae partem non cuiquam impartiri: fides enim eius solummodo est, qui fidit, neque opus est meritorium."

6. De Purgatorio.

"Nescit Scriptura S. istum purgatorium." „Etenim (1), qui in Christum credit, non damnatur, sed salvus fiet, et duo tantum sunt loca, quo mortui transeunt, alterum beatorum, damnatorum alterum." *Marc.* 16. *Ioann.* 3. 5. *Rom.* 8. *Matth.* 24. 1 *Thesf.* 4. *Luc.* 16.

Quae autem pro vindicando hocce placito adducuntur loca S. Cod., nullam prorsus probandi vim habent. Sunt autem *Matth.* 5. (sect. 25). *Matth.* 18. (sect. 34. 35.) *Matth.* 12. (sect. 31. quacum cf. *Marc.* 3. *Luc.* 12.) 1 *Cor.* 3. (sect. 12-15.) alia.

§ VIII.

De Magistratu.

Quod Zuinglius singulatim etiam de *magistratu* ageret, ansam dederunt disfidia, quorum auctores fuere Anabaptistae.

Bonus civis esse quis potest, nec tamen bonus christianus. „Nulla (autem) civitas beatorum erit, quam in qua vera Religio simul degit. — Quodsi membra sic habere convenit, multo magis caput istum (*id est magistratus*). — Aequus ac iustus magistratus ne esse quidem potest, nisi christianus sit." Opus esse civitati, qui rem bene gerant, iisdemque obtemperandum

es-

(1) Haec ex *Antiboh adv. E m f e r u m*.

esse docet S. Cod. *Deut.* 1. *Rom.* 12. 13. *1 Petr.* 2. *1 Tim.* 2. Id, quod exemplis etiam docetur Abrahami, Moſis, Iofuae, Davidis, Salomonis, Aſae etc. cf. *Rom.* 16. *Act.* 13. Laudandi ſunt reges et imperatores Theodotius, Carolus Magnus, Ludovicus Pius. Errant igitur Anabaptiſtae, magistratum omnem reiicientes.

„Iam videbimus, qualis ſit christianorum magistratus. Invenimus autem, non ut iſti dicunt, ſacerdotalem et laicalem eſſe magistratum, ſed unum tantum: nam Eccleſiae poteſtas, qua impudentem a communicatione abſtinet, magistratus non eſt, ſicut hactenus uſi ſunt Episcopi: nam totius Eccleſiae eſt, non quorundam, qui per tyrannidem ſibi rerum ſummam vindicarunt.” *Matth.* 18.

Magistratus autem officium in eo eſt, ut ſemper memor ſit, non eſſe poteſtatem, niſi a Deo; oportere, ut id quod verum eſt vindicet, et pios magno honore habeant; oportere, ut miniſtri Dei ſint „ad communem iuſtitiam, tranquillitatemque custodiendam.” *Micha* 3. *Rom.* 13.

§ IX.

De Scandalo.

„*Scandalum* eſt cum contemptu coniuncta offeſſio. Fuit autem hactenus non modo in doctrina, ſed etiam in ceremoniis.”

„Doctrinae parcendum non eſt: protinus enim, ut miſus es, doctrinam debes vulgare, neque carni, neque ſanguini acquieſcere. *Gal.* 1. Attamen in docendo tempeſtivitas maxime ſpectanda eſt.” *1 Cor.* 3.

De externis autem ceremoniis obſervandum eſt, eorum

„1-

„ alia esca, quae ad victum pertinent, alia quae ad institutum vitae, alia vero quae ad salutem videntur pertinere, cum nihil sit. Quae ad victum pertinent, offensionem sunt obnoxia facta, Romani Antistitis cauponatione. Quomodo enim aliter adpellem vafriem istam, quae a quibusdam cibis interdixit, hoc tantummodo sine, ut magno redimere cogeremur, quibus carere non potuimus? *Marc. 7. Tit. 1. 1 Tim. 4. Matth. 15. Rom. 14.* — Hic ergo scandali ratio sic est habenda. — Non debemus propter ciborum libertatem committere, ut Euangelium reddatur odiosius (*infirmis enim parcendum est*). Si vero citra turbam et offensionem post sufficientem doctrinam potes edere, licet. *Rom. 14. 1 Cor. 8. Act. 16. Gal. 2.* — Contumacibus vero parcere non possumus. — Si autem pii sunt fratres, nulla est offensio, quicquid edas, modo servaveris modum.”

„ In his, quae ad vitae institutum pertinent, debemus omnes innocentissime ambulare, ut bona conversatione nostra, qui increduli sunt, accendantur ad sequendum eum, cuius discipuli tam candide vivunt.” *1 Petr. 4. Rom. 13.*

„ In his autem externis (*ceremoniis*), quae ad salutem pertinere videntur, sic est scandali ratio servanda. Debent quae ad salutem videntur quid facere, prodi, quomodo nihil possint, nec sint, haud alia ratione, quam doctrina: sed ita ut eum ante omnia conciliemus, in quo solo conscientiae conquiescunt.” —

„ Duae vero potissimum viae sunt, quibus indubie docentis animum potes deprehendere. Una —, quae ex fructibus cognoscitur doctor: sive quos ipse producit, sive quos quaerit *Matth. 7.* Alteram notat Paulus, dicens: non est enim regnum Dei esca et potus,

tus, sed iustitia et pax et gaudium in Spiritu S. Rom. 14. — Cuius ergo labor huc tendit, ut publica iustitia vigeat, ut quisque domi suae ante omnia innocentiae studeat, qui totus in hoc est, ut, quoad per nos stet, pax cum omnibus hominibus seruetur, ut conscientiae in tranquillum fidei amorisque Dei partum fistantur, ne omni vento circumagantur: cui hoc tantum cordi est, ut omnis tristitudo, quae ex mundanis cupiditatibus orta, mortales divexat, quam longissime exterminetur, quo Christiana hilaritas et gratia inter omnes constet."

§ X.

De Vita futura.

„ Postremo credimus, post hanc vitam, quae captivitas et mors potius est, quam vita, foelicem ac iucundam sanctis sive credentibus, miseram autem ac tristem impiis sive perfidis usque venturam, et utramque perpetuam." *Ioann. 5. 11. 17.*

„ Credimus ergo animos fidelium, protinus, ut ex corporibus evaserint, subvolare coelo, Numini coniungi, aeternaque gaudere. Hic tibi sperandum est, o piissime (Gallorum) Rex, si modo instas Davidis, Ezechiae et Iosiae rerum summam, a Deo tibi creditam, moderatus fueris, visurum esse primum, Numen ipsum in sua substantia, in sua specie, cumque universis dotibus, opibusque illius: fruiturumque his omnibus, non parce, sed ad satietatem, non ad fastidium, quod ferme comitatur saturitatem, sed ad iucundam impletionem, quae perinde non adficitur taedio, atque flumina dum perpetuo in mare defluunt, et per

ter-

terrae abyssum refluunt, nullum afferunt rebus humanis taedium, sed commodum potius ac gaudium semper rigando, lactificando, ac nova germina fovendo. Bonum, quo fruemur, infinitum est; infinitum hauriri nequit, ergo fastium eius neminem potest capere, semper enim et novum et idem est. Deinde sperandum est tibi, visurum esse sanctorum, prudentium, fidelium, constantium, fortium, virtuosorum omnium, quicumque a condito mundo fuerunt, sodalitatem, coetum et contubernium. Hic duos Adam, redemptum ac redemptorem: hic Abelum, Enochum, Noam, Abrahamum, Isaïcum, Iacobum, Iudam, Mosëm, Iosüam, Gideonem, Samuelem, Pinhen, Heñam, Heliseum, Isaïam, ac deiparam virginem, de qua ille praecinuit, Davidem, Ezekiam, Iosiam, Baptistam, Petrum, Paulum: hic Herculem, Theseum, Socratem, Aristidem, Antigonom, Numam, Camillum, Catones, Scipiones: hic antecessores tuos, et quotquot in fide hinc migrarunt, maiores tuos videbis. Et summam, non fuit vir bonus, non erit mens sancta, non fidelis anima, ab ipso mundi exordio usque ad eius consummationem, quem non sis isthic cum Deo visurus. Quo spectaculo quid lactius, quid amenius, quid denique honorificentius vel cogitari poterit? Aut quo iustius omnes animi vires intendimus, quam ad huiusmodi vitae lucrum?"

Male ergo Catábaptistae animas contendunt cum corporibus dormire usque ad universale iudicium. Qui error hinc venit, „quod nesciunt, apud Hebraeos *dormiendi* verbum poni pro verbo moriendi" (1).

§ XI.

(1) *Fidei Christi, Expos.* Op. T. II. p. 559.

§ XL.

De Resurrectione mortuorum (1).

„ Resurrectio mortuorum Hebraeis non semper accipitur pro carnis ista suprema resurrectione —; sed interim pro hac, interim vero pro constantia aut perduratio-
 ne animae, qua corpore soluta in vita constat ac durat, non somno aut morte depressa; neque enim potest deprimi. *Iehosue 7.* sic loquitur Dominus: *non potuerunt filii Israël surgere coram hostibus suis.* Et paulo post: *non poteris surgere ante hostes tuos.* Hic utrobique ponitur *surgere* pro *consistere* ac *perdurare*. — *Matth. 22.* sic loquitur Christus: *de resurrectione mortuorum non legistis, quod dictum est a Deo dicente vobis: Ego sum Deus Abrahaam, et Deus Isaac et Deus Iacob? Non est Deus mortuorum, sed viventium.* Qua responsione nihil aliud docet, quam vivos esse Abraham, Isaac et Iacob, etiamsi essent mortui: quos Sadducaei aut prorsus negabant resurgere, hoc est, vivere. — Non enim quadrat responsio Christi ad resurrectionem carnis, sed ad hoc, quod Abrahaam, Isaac et Iacob, etiamsi mortui essent, viverent. *Hebr. 11.* sic loquitur Paulus: *alii vero dissentienti aut crucifixi sunt, nullam recipientes redemptionem,*

(1) Neque hocce placitum, quatenus de eo senserit Zuinglius, prorsus negligendum videtur, quamquam miramur, de eo nihil reperiri in libro, saepe laudato: *M. Huldreich Zwingli, sämtliche Schriften im Auszuge*, auctoribus Leont. Usteri et Salom. Vögelin, qui liber caeteroquin de toto hoc capite conferendus est.

nem, ut meliorem invenirent resurrectionem. Ecce ut hic resurrectio pro vita animae, quam soluta corpore habitura est, accipitur ad hunc sensum: sic vitam istam, quae hanc sequitur amplexi sunt, ut praesentem nollent, etiam cum offerretur, recipere. Tam constans enim erat fides, ut certi essent, eam, quae sequeretur, meliorem esse. Unde et Christi verbum, quod *Ioann. 6.* habetur: *Ego resuscitabo eum in novissimo die:* non debet in alium sensum detorqueri, quam: ego, dum is moritur, qui me fidit, in vitam servabo. Ut vel insinuet, nunquam intermorturos, qui se fidant: vel nunquam non iucundissime pervicturos. Novissimus autem dies isthic non tam est ultimus ille omnium rerum praesentis mundi, quam postremus cuiusque, dum ex hoc mundo demigrat. Id quod *Ioann. 5.* facile deprehenditur: *in iudicium non venit, sed transit a morte in vitam."*

„Ad hunc ergo modum Apostolus, *1 Cor. 15.* occurrit sciolis istis, qui nunc perinde atque illius tempestate prorepunt, ac dicunt, somno quodam animas sepeliri ac teneri, usque ad ultimum iudicium, quod quid aliud sit, quam animae immortalitatem negare, non video. Mos ergo erat gentibus quoque (nam et omnis ferme cura, quam nos pro mortuis gesimus, a priscis gentibus ad nos est translata,) non aliter pro mortuis tingi, atque nos eorum monumenta lustrali liquore humectamus. Probat igitur ex eorum ritu, animas esse immortales. Nam si minus hoc permittant, iam contradicere publicae consuetudini, qua quidam pro mortuis sese tingant, quod si mortuorum animas crederent simul cum corpore extinctas, non baptizarentur pro eis. Non quod Paulo probetur ista baptizandi consuetudo: sed ut adversarium suo iugulet gladio,

dio, cum se ritum observare inficiari nequit, quo se putat mortuis prodesse. Unde colligitur: ergo mortuorum animae vivunt: estis enim pro eis solliciti. Si vero nunc dicas, videri tibi Paulum eo loci de publicæ resurrectione loqui; Respondeo: me non inficiari, propter omnium doctorum huius loci expositionem, Apostolum de utraque resurrectione promiscue loqui: sicut et Christus, *Matth. 24.* promiscue et de ultimo adventu suo, et de iis, quae per eam aetatem, quae est inter priorem eius adventum ac secundum, evenitura sunt, pleraque disferit. Ut interim non dicam, quae Paulus in hoc loco de corpore spiritali dicit, posse de anima potius, quam corpore sensibili intelligi: sicut et alio loco dicit: *in Christo habitare omnem plenitudinem divinitatis corporaliter*, non quod Deus sit corpus, sed quod corpus Apostolo accipiatur pro essentia, velitque dicere, per essentiam Christum esse Deum. Sicut Germanice quoque dicimus: *er istis hyp-lich*, id est, ipse vel ipsissimus est Deus. Consimilique hic modo dicat, moritur corpus animale sive terrenum, et resurgit, hoc est *vivit*, mortuo scilicet terreno corpore, corpus spirituale, hoc est ipsa animae substantia. Sed quoniam multa videntur ob stare, quae isthic loci habentur, nihil temere adfero: simul etiam ne videar Manichaeis adhaerescere, qui mortuorum, hoc est carnis, resurrectionem negant. Quae tamen ex aliis probari locis posset, etiamsi iste locus de immortalitate animae tantum intelligeretur.” (1)

Iam

(1) Vid. *Elenchus*, in *Catabaptistarum Strophas. Epp. Zuingli. et Oecolamp.* p. 112. Zuinglii, *Op. T. H.* p. 38. a. Cf. *Epp. l. l.* p. 19. *Apologia Compl. Ija.* *Op. T. III.* p. 247. b. *Proem. in 1 Cor. XV.* *Op. T. IV.*

Iam ex ipsius Zuinglii ore eius cognovimus doctrinam. Fufius forte in eo fuimus, quam ferant fines Difertationis; ast propter rei momentum in illius doctrinae expofitione accurate et dilucide verſandum eſſe putavimus. Quae vero hiſce deſſe videantur, facile mente concipi poſſunt.

C A P U T Q U A R T U M.

THEOLOGI HELVETII, QUI IN EMENDANDIS SACRIS
OPEM TULERUNT ZUINGLIO.

Hactenus ipſum Zuinglium Reformatorem nobis propoſuimus, ipſamque, quam inſtituit, Reformationem. Verum, dicat forte aliquis, plura eorum, quae memorasti, non uni Zuinglio, ſed aliis item Theologis ſunt tribuenda: quae ſane negare non auſim. Neque tamen illa ad imminuendam Zuinglianae Reformationis vim aliquid valent. Omnes enim iisdem imbuti fuerunt ſtudiis, eandemque univerſe indolem expreſſerunt; Zuinglius vero caeterorum Theologorum dux fuit et anteſignanus. Quo rectius igitur deinceps iudicium inſtituamus de indole ipſius Reformationis, a Zuinglio inſtitutae, videamus oportet, quatenus, qui opem ei tulerunt, eadem

p. 483. *Sermo primus Bernae habitus.* Op. T. II. p. 527.
a. 534. b. alibi.

dem essent sentiendi agendique ratione ceteratenus in eos vim habuerit Zuingli vero breves esse licebit. Non possumus enim, qui in emendandis sacris ei favorem opem tulerunt, peculiariter agere. Nomina sufficiat Bintzlium, qui in urbe Weze, ~~maioris~~ rei praeclaram navavit operam; Vittenbachium, qui Bilensium exstitit Reformator; Tscudium, qui Glaronae idem opus aggressus fuit; Vadianum, qui de S. Gallensibus optime fuit meritus; Lûthium et Chalybeolum (Stäheli), quos supra (p. 89.) iam verbo memoravimus; porro Huttenum, Myconium, Ceporinum, Pellicanum, Caroloistadium, Bibliandrum, Gualtherum, quorum conamina summis omnino digna sunt laudibus. Prae hisce autem Leonis Iudae, Oecolampadii, Halleri, Capitonis, Bucerii, Farelli, Bullingeri merita celebranda esse videntur, de quibus nonnulla breviter notabimus.

§ I.

Leo Iuda.

Amicus hic Zuinglio iuveni fuit studiorumque comes fidelissimus (1), et vero etiam eius in sacro

mu-

(1) Leo Iuda, e Rappolsvillano oriundus, a teneris inde annis proficiendi studio ducebatur. Theologicae disciplinae operam dedit Basileae, Vittenbachio duce. Artium autem et Philosophiae Magister A°. 1512. solenniter renuntiatus est.

munere apud Monachos Eremitanos succesor (1). Institutus autem sedula lectione S. Cod., Patrum etiam, qui dicuntur, scriptorum, librorumque nuper ab Erasmo, Capnione, (Reuchlino) et Luthero editorum, eadem prorsus incessit via, quam sequebatur Zuinglius. Magni profecto hic eum aestimavit; quare eum deinceps Tigurum arcesivit, effecitque, ut sacro in aede Petrina fungeretur munere. Ita communibus gaudebant laboribus; mutua amicitia ducti rerum facilius discrimina ferebant, ac se invicem excitabant ad consilium, quo tepdebant, constanter persequendum. Ore autem et scriptis, imprimis opera in vertendo S. Cod. imposita, et edendo suo in usum iuventutis *Catechismo*, nominis celebritatem nactus est. Tam feliciter omnino in emendandis sacris laboravit, ut inter primarios eum Helveticos Reformatores numerare haud dubitemus. Quo vero animo fuerit, intelligitur e verbis, quae coram Tigurinis Profesforibus et Antistibus iamiam moriens effatus est: „*Iesu Christo*, domino et liberatori meo, spei et saluti meae, me totum anima et corpore dedo et offero, huius misericordiae et gratiae innitor, huius promissionibus et aeternae veritati, meis omnibus diffidens, totus confido et secure immorior, sperans firmiter, ipsius me beatissimo illo et iam diu aliis praedicato, mihiq; desideratissimo fruiturum consortio, in quo est gaudium plenissimum et lactitia sempiterna.” Deinde Deo gratias egit

(1) Male nonnulli eum putant Zuinglii fuisse hoc in monasterio collegam; quod ex ipsius Zuinglii patet ad Leonem Iudam d. 15. Decembr. 1518. data Epistola, quam vide apud Hottingerum, l. l. T. VI. p. 363 sqq.

agit pro omnibus, in eum collatis beneficiis, peccatorum imploravit remissionem; Deoque Senatum Populumque Tigurinum, uxorem etiam, viduam mox futuram, liberosque suos magna animi affectione commendavit. Collegas autem admonuit, ut prudenter se et constanter gererent. Pietate Leo emiauit, flagravere amore veri, animo fuit praeditus leni et forti simul, prouti res ferebat et ratio. De eo dicere solebat Zuinglius, corpore eum fuisse exiguo, at indole leonis (1).

§ II.

Iohannes Oecolampadius.

Iam ad Oecolampadium, Basileae Reformatorem, transeundum est, quippe qui Zuinglio coniunctissimus fuit, eique haud immerito dicitur talis fuisse, qualis Lutheri Melanchthon (2). Amici-

(1) Obiit A°. 1542. *Misc. Tigur.* T. III. p. 1 sqq. Adamus, in *Vita*. Gerdes, l. l. p. 107 sqq.

(2) Iohannes Oecolampadius (Hauschein) Winspergae, Cheruscorum oppido, A°. 1582, natus est. Magnae spei iuvenis in Academia Heidelbergensi Literis incubuit: deinceps vero, ut Iuridicae disciplinae se dicaret, Bononiam profectus est. Animo autem cum in Theologiam ferretur, Heidelbergam reversus, magnos in illa fecit progressus, imprimis vero etiam in Literis Graecis et Hebraicis. Primum quidem Winspergae sacris praefuit; deinde, auctore amico Capitone, Basileam (1514) vocatus est. Hic autem huius Academiae Moderatores summos in Theologia honores in eum contulerunt. Non diu Basileae sacro munere functus est, sed Augustam Vindelicorum discescit. At nimis modestus et

etiam etiam ille contraxit cum Erasmo Roterodamensi, eo tempore Basileae vitam degenti, cui in conficiendis in *N. T. annotationibus* suam praestitit operam, quemadmodum ipse Erasmus testatus est. Ab eodem igitur hocce veluti praeceptore et Zuinglius et Oecolampadius multum profecisse dici possunt. In eo autem multo magis convenerunt, quod divinam doctrinam bene ipsi intelligere conarentur, et intellectam alios docere, suamque sentiendi agendique rationem ad Christi exemplum componere. De rebus quibuscunque alicuius momenti inter se invicem consilium habuerunt. Contra adversarios communem rem egerunt. Uti autem Zuinglius ingenii aestu subinde abripiébatur, ita mitiori potissimum ratione procedebat Oecolampadius. „ Vitae cursum tenuit perpetuo vir sanctissimus verum, simplicem, sincerum, aptum pietati, appositum iuvandis hominibus, promovendo regno Dei, impugnando Satanae molimina. Illa eadem ratio morienti per omnia constitit immota, certa, invariabilis.” Ingenii
ve-

et timidus fuit homo. Quo factum, ut consilium ceperit recedere in locum, ab hominum fere consortio remotum, quo studiis vacaret. Itaque per biennium in monasterio Altonis commoratus est; tum vero, ut amicorum admonitionibus tandem satisfaceret, se contulit ad Franciscum a Sickingum, virum illum hospitalitate et heroica virtute clarum. Ubi autem ille infausto bello fuit implicatus, Basileam (1522) Oecolampadius rediit, ibique et in coetu Antistes exstitit, et in Academia Theologiam docendi provinciam suscepit. Eodem fere, quo Zuinglius, tempore e vita discessit Oecolampadius.

vero acumine et doctrinae copia sese quam maxime commendavit, cuius rei documenta sunt eius varii argumenti scripta. Prudenter Basileensem Reformationem instituit. Magna autem eius nominis fuit celebritas, ut undique ab eo consilium peterent viri eruditi, ipseque adeo Erasmus, si aliquando ad Reformatorem partes transiturus esset, se ab eo potissimum persuasum iri affirmaret. Basileenses eum grato animi sensu emendatae Ecclesiae parentem recordari solent (1).

§ III.

Bertholdus Hallerus.

Is Bernatibus fuit Reformatore, idemque Zuinglii et animi et consiliorum particeps (2). Pietate et doctrina multos sui temporis Sacerdotes longe anteivit, eloquentia omnes vicit. Neque orationibus tantum sacris Reformationis causam promovit; sed in defendendis etiam purioris doctrinae placitis strenue versatus est. Ita una cum Oecolampadio disputationi, Badenae publice habitae, interfuit; ita etiam in illa, quae deinceps Bernae instituta est, suas egit partes.

(1) Vidd. de D. *Iohannis Oecolampadii obitu per Simonem Grynaeum*; et *eiusdem I. Oecolampadii vita per Wolfgangum Capitonem*. Uterque libellus praemisus est I. Oecolamp. et H. Zuingl. *Epp. Adamus*, in vita.

(2) Vidd. *Epp. Zuingl. et Oecolamp. v. c. p. 19. 38. 77.* alibi. Quod autem diximus de Zuinglio et Hallero, item valet de Oecolampadio et Hallero.

res. Immatūra autem morte occubuit (A°. 1536, act. 44.), magno sui desiderio omnibus relicto (1).

§ IV.

Wolfgangus Fabricius Capito.

Hunc Theologis Helvetiis accensemus, quia ita cum illis coniunctus erat, ut eandem fere sequerentur cogitandi agendique rationem, mutuamque sibi opem ferrent.

Oecolampadio imprimis Capito amicissimus fuit. Optime autem cum de aliis, tum maxime de Argentoracensibus fuit meritus. Inter Basileenses autem docendo disputandoque prima Reformationis fundamenta iecisse dici potest (2). Fuisse videtur vir probus, prudens, eloquens, omnium Literarum cupidus-

(1) A d a m u s , in vita.

(2) Iuvenis naturae quodam impulsu in Theologica studia ferebatur. Quod patri displicuit, de depravatis Clericorum moribus folicito. Medicinae igitur disciplinae studium navavit, in qua summos deinde consecutus est honores. Mortuo autem patre, ita se deo ad Theologiam applicuit, ut huius etiam disciplinae doctor crearetur. Bruchfella, regionis Spirensis oppidulo, ubi aliquamdiu sacra ministraverat, Basileam vocatus est. Deinde Concionator et Confiliarius (sive Cancellarius) Archiepiscopi Moguntini factus est. Tum vero Iuris Ecclesiastici doctor est creatus, ut *et Christi regnum promovere, et halcyonia Ecclesiae facere* posset. Verum cum videret, se id, quod volebat, hic assequi non posse, relicta Moguntia Argentoratum (1523) profectus est, ubi in aedibus S. Thomae sacro munere fungeretur. Hac in urbe diem obiit supremum.

disimulans, pacis studiosissimus. Saepissime ipsum Lutherum admonuit, ut moderatius ageret. Nam: „ quod alte haeret, ” inquit, „ non semel evellitur, „ sensim est et subinde labefactandum, ut tandem sensim quatur trabentis manum. ” Ita alibi etiam ei consilium dedit, ne nominatim Praelatorum vitia notaret; facturum enim id sine exemplo, et necessario praeter verum multa ficturum: exasperantur nimirum (ita pergit) potius animi infectatione, quam curantur (1).

§ V.

Martinus Bucerus.

Incidimus iam in Buceri mentionem, qui propterea memorandus est, quod ille imprimis varia instituit conamina Lutherum et Zuinglium secum invicem conciliandi (2).

Inter primarios Ecclesiae Argentoracensis restauratores

(1) Adamus, in vita.

(2) Selestadium, Alsaciae oppidum, Martini Buceri urbem patriam fuisse accepimus. Iuvenis sese Dominicanis adiunxit. Quod vero non impedivit, quominus Literarum et Theologiae studio naviter operam daret. Mirè autem ei placuerunt Erasmi et Lutheri scripta, quibus ad ipsum legendum S. Cod. est adductus. Primum quidem Heidelbergae sacrum munus obiit, deinde vero variis fortune iactatus fuit. In Monachorum enim incurrerat invidiam. Tandem eum una cum Capito et Hedione libenter susceperunt Argentoracenses. A Thoma Cranmero in Angliam vocatus, obiit A°. 1551.

res Bucerus censendus est. Interfuit autem notissimo colloquio Marpurgensi, qua opportunitate omnem movit lapidem, ut animorum de sacra coena disensionem conciliaret. Eandem ob causam deinceps multa ad Lutherum et Zuinglium fecit itinera. Tandem variis ultro citroque habitis colloquiis, *Capita Concordiae* Vittenbergenfes inter et superioris Germaniae Theologos, auctoribus Melanchtone et Bucero, constituta sunt. Hisce Lutherus, Capito aliique calculum suum adiecerunt, negarunt vero Theologi Helvetii, qui amorem Christianum maxime sectandum esse, nec tamen, ut eum colerent, veritati vim inferendam esse censuerunt. Timuerunt autem nonnulli viri docti, ne Bucero, concordiae cum Luthero conciliandae ardore abrepto, idem accideret, quod illis accidere solet, qui prae nimia vini aviditate feces etiam haurirent. Caeterum adversus Pontificios strenue Reformationis causam vindicavit. Quo factum etiam, ut sese quam maxime opponeret decreto illi, quod *Interim* dicitur, in quo nimium ei videbatur concessum esse Pontificiis. Hinc in magno vitae periculo versabatur, quod se in Angliam recipiendo feliciter effugit. Inter praestantissimos autem illius aevi Theologos Bucerus habitus est. Eo erat ingenio, ut adversarios patienter audiret, leniter iis responderet, pacis et veritatis potioem, quam victoriae curam haberet. *Morte docet, vita docuit, Christum esse sequendum* (1).

(1) Adamus, in vita.

§ VI.

Guilielmus Farellus.

Nec Farellus omittendus est, qui, propter suas de Religione sententias e Gallia in Helvetiam profugus, hac opportunitate cum Zuinglio, Oecolampadio, Hallero, aliisque amicitiam contraxit, et vinculum veluti constituit Zuinglium inter et Calvinum. Nullis ille difficultatibus fractus, nullis minis, convitiis, verberibusve denique territus. Sacrorum Emendationi inter Mompelgardenses, Aquileienses, Laufannenses, Genevenses, Novocomenses quam maxime profuit. Quum vero una cum Petro Vireto Genevensibus puriorem Religionis doctrinam denuntiaret, eius imprimis gravissima admonitione factum est, ut, qui cum Luthero et Zuinglio pari honore haberi solet, Iohannes Calvinus in eadem hacce urbe sacrum munus obiret, indeque per varias regiones vim suam exfereret. Ut autem, quis fuerit Farellus, rite intelligamus, ex duabus Oecolampadii epistolis nonnulla hic adducere lubet.

„ Farello nihil candidius est. Sunt, qui zelum
 „ eius in hostes veritatis mitigationem vellent: verum
 „ ego virtutem illam admirabilem, et non minus placiditate,
 „ si tempestiva fuerit, necessariam, vel
 „ nunc tandem crediderim.”

Haec ex epistola, ad Lutherum data, desumpta sunt (1). Alteram epistolam ad ipsum Farellum conscripsit Oecolampadius.

„ — Gaudeo mirum in modum, rem Christi per te
 „ in-

(1) *Epp. Oecolamp. et Zuingl.* p. 200. b.

„ incrementa isthic sumere: et precor, ut, qui per
 „ te plantat, planta riget, ac custodiat a vulpeculis
 „ et apro devastante, singulari illo inquam. Bene,
 „ quod tam uberem agrum nactus es, et quod tam
 „ brevi feges provenit: sed tum beati erimus, si fruc-
 „ tum Christi attulerit, si spes non elusa fuerit: aut
 „ saltem nostra culpa, et fidele, nunquam male au-
 „ dire coeperit. Dabis operam, non ut doctos, sed
 „ ut bonos, hoc est, vere doctos et *θεοδιδάκτους*
 „ multos gignas. Facile enim est, aliquot dogmata
 „ auditorum instillare et inculcare auribus: animum
 „ autem immutare, divinum opus est. Ante omnia
 „ igitur necessarium, precari Spiritum S., et uno ta-
 „ lento nostro lucrificare nobis alterum. Qui unum
 „ talentum habet, defodit in terra. Cui duo is alia
 „ duo lucrabitur. Quodsi lucrari voluerimus, opus
 „ erit mansuetudine, patientia, charitate, et fide im-
 „ primis: opus erit et prudentia, non carnali, sed
 „ sancta, quae desursum descendit, quae exemplo
 „ Christi nos omnium moribus accommodare facit.
 „ Sed quid te moneo, qui Spiritui monitoris obtem-
 „ perabis.” caet. (1).

Pictate autem, doctrina, modestia insignis fuit,
 praeditus singulari quadam animi praesentia, ingenio
 acri. Laudatur praeterea in eo sermonis vehementia,
 ut tonare potius, quam dicere videretur; ardor deni-
 que in precando tantus, ut auditores in coelum us-
 que quasi transferret (2).

(1) *Epp. Oecolamp. et Zuïngl.* p. 200. a.

(2) *Adami, vitae Theologorum Exterorum*, in vita:

Henricus Bullingerus.

Zuinglii hic succesfor, qui, quod ille reliquit, stabilivit, suo iure huncce occupat locum. Illius enim immaturam infaustamque mortem omnes, quibus res Christianae essent curae cordique, quam maxime lugebant. Quo autem Tigurinorum procures cladem, quoad eius fieri posset, rescirent, eundem illum, quem ipse Zuinglius, humani quid si forte ei in praelio accideret, commendaverat succesforem, Henricum Bullingerum libenter vocarunt. Ille Lutheri scriptis, Zuinglii praeterea consuetudine institutus, in constituenda, quae iam emendata prodierat, Ecclesia, prudenter et viriliter procescit. Ore et scriptis huic rei operam navavit. Ingenio fuit leni, in docendo perspicuus et simplicitatis amans, os for spinosarum quaestionum, in sermone humanus et comes, ut erga omnes, ita etiam erga peregrinos, quos salutandi aut interrogandi causa advenientes libens admisit. Egregius imprimis fuit in administrandis rebus, ad Ecclesiae commoda ducentibus. In convictu frugaliter et temperans, hilaris tamen et iucundus omnibus, ut qui semper adferret aliquid, quod delectare et iuvare posset. Rara fuit industria, ut otiosus esse nunquam posset. Non mirum igitur, talem virum eximie profuisse Societati Christianae, et mox cum sacrum in se susciperet munus, eundem ipsi animum fuisse, quo ductus fuerat Zuinglius, iisdemque, quae ille preserat, instituisse vestigiis. In eo continuo suam operam collocavit, ut in Tigurina civitate Sacrorum Ministri haberentur bene instituti, et bonis mo-

moribus conspicui; ut iuvenes ubique in Religionis doctrina bene edocerentur; ut discordia pelleretur, et amor vigeret Christianus; ut a Senatu mandata ederentur, ad mores emendandos comparata; ut cultus sacer ita constitueretur, quo maiores inde fructus perciperent Christiani; ut omnes Helvetiorum coetus formulam haberent, simplicitate sua sese commendantem, qua quid credendum esset, conciperetur. Verbo, talem sese praestitit Bullingerus, qualis, si in vivis fuisset, ipse acturus fuisset Zuinglius; talem sese praestitit, qualem summo honore habere et amicitia complecti ipse Calvinus omnino dignum censebat (1).

(1) Adamus, in vita. Ruchat, l. l. T. III. p. 442 sqq. S. Hefs, l. l. S. 86 sqq.



P A R S T E R T I A.

INDOLES SACRORUM EMENDATIONIS, A ZUINGLIO INSTITUTAE.



Descripsimus ipsam, in Helvetia institutam, Sacrorum Emendationem; iam vero, quanam illius sit indoles, exponendum est, id est, quanam illius fuerit ratio et conditio, quomodo illa processerit, et quanam illius sint proprietates, sive illas privas habeat, sive cum caeteris communes; quibus cognitis, ni fallar, veram et dilucidam huius Reformationis imaginem nobis effingere poterimus. Est haec sane gravissima nostrae Disertationis Pars. Huc enim omnia, quae in superioribus iam exposuimus, tendunt. Complectemur igitur hac Parte, quae supra aut obscure significavimus, aut diserte docuimus, omninoque id agamus, ut uno velut intuitu tota haec res perspici possit. Nititur autem universum *huius* Partis argumentum iis, quae in superioribus exposuimus; a quibus continue allegandis, nobis erit abstinendum.

§ I.

*Exstitit praeter Germanicam, alia eaque
Helvetica Sacrorum Emendatio.*

Est haec Germanicis gentibus propria virtus, ut summo ferantur libertatis ardore. Referebatur ille ad universam earum conditionem politicam, socialem, li-

M

te-

terariam, ecclesiasticam. Hinc ab eo ipse tempore, quo politicam libertatem vindicare studerent, illae potissimum gentes protulerunt Reformatores; Hierarchiae iugum diutius ferre noluerunt; sensu morali incitatae, profiteri haud amplius potuerunt doctrinam illam, Hierarchiae et superstitionis ope depravatam, sibi diu reconditos aperire studuerunt optimos divinae sapientiae thesauros, Codicem S. — Miramur autem, saepissime ab optimis etiam auctoribus in eo peccari, quod resum hancce, quae inter gentes illas Germanicas existit, commutationem ex una Saxonia originem duxisse dicere soleant. Quid, quod in egregia sua Disertatione ipse Villerfius de *Reformatione agens Lutherana*, non unam hancce, strictiori sensu sumtam, ob oculos habuerit. Non negamus, Lutheranam illam maiorem in gentes Europaeas exseruisse vim; verum non omnis Reformatio, quae in Europa invaluit, e Saxonia repetenda est, ut uno illius nomine mente concipi possit ac debeat. Duplicem vero rite distinguimus in Europa Sacc. XVI. Reformationem, Germanicam alteram, alteram Helveticam. Prodiit scilicet emendata Sacrorum ratio in Germania cum superiori, tum inferiori. Tellii posterius, sua propria vi excitati, rem commutarunt. Et situ quidem, indole, moribus apti erant illi, qui ipsi Reformationem constituerent (cf. P. I.). Itaque cum ex Helvetia, tum e Saxonia idem illud gentium desiderium ad caeteras gentes procescit, eademque de rebus sacris cogitandi sentiendique ratio propagata est.

Namque utraque illa non aequiparanda est Reformationi, quae in Belgio, in Anglia, in Dania, in Suevia obtinuit. Rivuli enim sunt, ex istis fontibus deducti. Scilicet postquam iam Sacra emendare in-

ceperant, novamque instituerant societatis formam Lutherus et Zuinglius; praeclari in caeteris illis regionibus exstiterunt viri, qui, horum aliorumque scriptis imbuti et exemplo excitati, eidem operi manus ad-moverunt. Populi autem ipsi non adeo obstitērunt, sed fecerunt quam maxime illorum conaminibus. Quo factum est, ut in gentibus hisce septentrionalibus sponte rite constituta prodierit Protestantium Ecclesia. Nec vero ex duabus illis primariis coniunctam, delectu habito, unam constarunt societatem. Prouti enim magis sive Lutheri, sive Zuinglii, aliorumque deinceps opinionibus adhaeserunt, ita etiam magis sive illius sive huius ceterorumve partes secuti sunt. Itaque redimus, unde desleximus, Reformationem nimirum Zuinglianam pari honore habendam esse ac Lutheranam. Propria enim sua vi, vel ante Lutherum, exstitit Zuinglius, et melioris rationis studia inter populares excitare conatus est. Nunquam ab illo consilium petiit, et vero etiam ne illius quidem scripta unquam legit. Ab ipso veluti Christo institutus, sua ratione processit. Quo factum, ut eius Reformatio non posset non peculiarem induere formam.

Ex dictis autem sequitur, Zuinglium hac in causa recte cum Luthero et Calvino, non adeo cum Oecolampadio, Beza, Cranmero, aliisque posse comparari, qui, quamvis de Ecclesia Christiana optime sint meriti, in eo tamen minori loco habendi sunt, quod non propria sua vi excitati agerent, verum sese sive ad illius, sive ad Lutheri, sive ad Calvinii exemplum componerent, quorum adeo conamina non tantam in gentes exseruerunt vim et efficacitatem, quantam habuerunt illorum instituta. Quae vero ad caeteras gentes transiit Reformatio

sive e Saxonia, sive ex Helvetiâ oriunda, *primaria* dicenda est, *secundaria* autem, quae inter huius illiusve regionis limites constituta est.

Haec de universâ huius Reformationis indole observanda videbantur. Iam, age, peculiares quasdam eius indolis proprietates attendamus.

§ II.

*Zuinglio, primo Helvetiae Reformatori,
opem tulerunt alii.*

Cunctis, uti antea vidimus (Part. I.), praeparatis, duce tantum indigebant Helvetii, qui prorsus compositus ad eorum indolem, eorum succurreret desiderio. Iam arduum illum Zuinglius suscepit laborem. Ipse Helvetius, Helvetiorum mores retulit. Degit in Helvetia Germanica, eiusque parte superiori, ubi facillime commercium habere potuerit cum ipsis Germanis. Versabatur vèro potissimum Tiguri, ubi liberalior dominabatur, et simplicior ratio, quae egregie valuit, ut suum assequeretur consilium.

Ast ubi Helveticam Reformationem, eamque a Saxonica diversam, significamus, eam ad unum referimus Zuinglium. A Zuinglio eam dicimus institutam, ratione habita universae Reformationis Helveticae, quippe ille primarius eius fuit auctor et vindex. Non est igitur, quod caeterorum Theologorum, Oecolampadii, Bucerii, Bullingeri, aliorumque laudibus quidquam detractemus. Zuinglii hi fuerunt amici, eiusdem laboris et curae participes; hisdem ducti fue e studiis, eodem animo ad idem opus accesserunt, eandemque doctrinam proposuerunt. Quam enim

enim Theologi illi Helvetii, supra memorati (P. II. c. IV.) de Coena Sacra, de Ecclesiae forma, de disciplina ecclesiastica eandem fere tulerunt sententiam, haec in multis discrepabat a placitis Germanicorum Theologorum, vel eorum, qui deinceps in Helvetia meridionali floruerunt. Quapropter in diiudicanda vi horum Theologorum in ipsam Reformationem non anxie quaerendum est, quid Oecolampadio, Bullingero, quid ipsi Zuinglio sit tribuendum, cum vix illud definiri possit.

Sic igitur Sacrorum Emendatio, a Zuinglio instituta, horum aliorumque coniunctis laboribus processit.

§ III.

Zuinglius eiusque amici

Sacrorum emendandorum auctoritatem habuerunt.

Non ita de Theologis Helvetiis existimandum est, ut novam instituere doctrinam, atque ita nominis celebritatem sibi parare studuerint. Quam magnopere depravatam observabant Religionis et Ecclesiae conditionem, quod melioris rationis desiderium ubique prehendebant, his intime ipsi afficiebantur. Quo facrum, ut ad magna quaeque excitarentur, et multis nominibus primitivam Ecclesiae Christianae conditionem laudarent, eandemque restituere conarentur.

Variae, quae omni aevo ubique exstiterunt, rerum commutationes, non omnes legitimam prae se tulerunt auctoritatem. Aliae scilicet in unius alicuius voluntate positae erant, qualis quae Athenis exstitit Pisistrato auctore, quaeve, I. Caesare auctore, Romae fuit orta. Aliae autem e liberis populi suffragiis auc-

to-

principes acceperunt, sic vi. g. quum Solon Athenis
 novam induceret Reipublicae formam, idemque Ly-
 curgus Laedaemone institueret. Non eadem vero
 fuit ratio illius, quae medio Saec. XVII. in Anglia
 locum habuit commutationis. Eversa enim Republi-
 ca, auctore maxime Moncio, Monarchia in eam
 conditionem, qualis ante Cromvelli factionem ob-
 tinuerat, restituta est. Sin autem spectes vel antiquas
 imperii leges (de quarum aequitate non disputamus),
 vel universi temporis opportunitatem, vel ipsius Mon-
 cii auctoritatem, vel denique modum, quo eam sus-
 cepit et constituit, eam iure susceptam et constitutam
 esse dicas, oportet.

Haec quidem ad res civiles pertinent. Verum An-
 gliae illud exemplum non male in rem nostram allatum
 videtur. Doctissimus antea, Sacrorum in Helvetia Emen-
 dationem necessariam omnino fuisse, simul vero ad
 eam aliquando constituendam omnia fuisse praeparata
 (P. I. c. III.). De ratione autem, qua Zuinglius
 eiusque amici in ipsis Sacris emendandis proceserunt,
 paulo post nonnulla in medium protulimus. Cum
 vero ubique probissimi homines melioris conditionis
 ferrentur desiderio, ductibus tantum indigebant Hel-
 vetii, qui eos ad rem gerendam excitarent, eosque in
 rectam viam adducerent. Tales autem existerunt
 Zuinglius eiusque amici. Hi enim universae ip-
 sam retulerunt Helvetiorum indolem, quo facilius ad
 eorum sentiendi agendique rationem sese posset ac-
 commodare, eorumque studia bene explicare et mo-
 derari.

Verum enim vero negare solent Pontifici, Reforma-
 tores, qui dicuntur, nila prorsus fuisse instructos auc-
 toritate, qua sese a Romana Ecclesia seingerant, no-
 vam-

namque conderent societatem. At non est, quod diu hac de re disputemus. Profecto non eiusmodi auctoritatis in iis specimina desideranda sunt, quemadmodum cernuntur in Mose, Iesu Christo, eiusque Apostolis. Repetenda scilicet illorum auctoritas ex ipsa illa corrupta Ecclesiae Christianae conditione, quae quidem cuivis Christiano, multo vero magis Religionis doctori officium imponeret id agendi, ut primitiva restitueretur Ecclesiae forma. Cum enim, quae instituerant Christus eiusque Apostoli, unusquisque, in S. Cod. versatus, animadverteret istis temporibus fere negligi, contra valere maxime hominum traditiones et celebrari hominum instituta, omninoque perire fere ipsam Religionis Christianae indolem, unde, quaeso, maior ei, quam quae ipsis nitebatur effatis divinis, existere posset auctoritas depravatam rei conditionem ad Christi consilium emendandi?

Verum alia habere sibi videntur Pontificii, quae Reformatoribus obiciant. Negant enim eos bono consilio ad rem gerendam fuisse inductos, multumque in eorum ingenio et moribus reprehendere solent. Videant autem, velim, ne historiae vim inferant, neve in genus humanum iniuriosi sint. Vitiis certe neque Zuinglius, neque eius amici immunes fuere. Langimur, et eos errare potuisse, et vel errasse saepe invitos in ipsa quam proposuerunt doctrina. Quod vero non lubet hic fusius exponere, tum quia hanc in rem eorum doctrina institutaque essent conferenda cum progressibus, quos hac aetate fecerunt Theologi in disciplina hermeneutica, inque caeteris huic coniunctis, id, quod limites excederet nostrae Dissertationis; tum vero quia istiusmodi institutio minus convenire videtur iuvenili, quae decet, modestiae. Caveamus

au-

autem, ne nimia Reformatores prosequamur veneratione, aut divinam quandam auctoritatem iis conciliemus! Non illud imprimis honori ducimus, quod Zuinglii simus discipuli; sed in eo potius exultamus, quod Christum nobis audire liceat, docentem, moventem, adhortantem. Sin vero in Zuinglii mores et disolutam vivendi rationem animadvertere sese posse putent Pontificii; quid maledico dente Zuinglium iuvenem carpant Pontificii, dum Augustinum, iuvenem scilicet lascivis olim moribus, in coelum laudibus extollunt, et piam eius suo iure celebrant memoriam? Sin vero, historia duce, Reformatorem indolem indagemus, nihil univérse deprehendimus istiusmodi viris indignum. Observamus enim ingenium promptum, rerum divinarum humanarumque cognitione bene excultum, dicendi et causam religionis vindicandi facultate praeditum; porro animum sincerum, veri studiosissimum, modestum, nulla lucri cupiditate abreptum, pium, fortem et constantem. Iis inerat Spiritus Dei Christique, qui, quippe sanctus, ad sanctitatem eos adducebat. Christum sibi ob oculos proponebant Conservatorem, doctorem, dominum, iudicem, et ad Eius exemplum omnem vivendi rationem componere studuerunt. In rebus quidem minoris momenti diversè agebant pro diversà cuiusque indole; univérse vero eodem animo ducebantur, quippe omnes in iisdem fere rerum περιστάσεων erant collocati, et amicitiae inter se vinculo coniuncti.

Hisce igitur viris divina usà est Providentia, qui Sacra Christiana magnopere depravata emendarent. In eo autem eandem etiam providam Dei curam laudamus, quae horum quemque variis vitae fati ita instituit, et op-

opportunitis ubique locis ita collocavit, ut inde maximos non posset non percipere fructus Ecclesia Christiana.

§ IV.

*Primarium Reformatoris consilium fuit
in doctrina et moribus emendandis,
et in oppugnanda Hierarchia.*

Ex iis, quae de Zuinglio Reformatore diximus, facile evincere possumus, quid ipse sibi hac in re proposuit. Est ea ingenii humani ratio, ut sive in bonam sive in malam partem procedat, a tenuibus saepe incipiat initiis, ipse fere nescius, quousque tandem incepta duci possint. Hoc igitur modo Zuinglius exstitit Reformatore. Veri imprimis studio ductus ad Theologicam transiit disciplinam. Mox de nonnullis Ecclesiae Romanae placitis, auctore Vittenbachio, dubitare coepit. Incidit deinde in S. Cod., Patrum Ecclesiasticorum, Erasmi, aliorumque scriptorum lectionem. Iam in varios errores lapsos esse Theologiae doctores, laicos vero gravissimarum rerum ignorantia teneri, valde commotus deprehendit. Huic rei dolor accessit de moribus quam maxime corruptis. Cuncta autem haecce aequo animo ferre ingenium eius fervidum non sinebat. Quare vires intendit, ut meliora doceret laicos moresque emendaret. Quibus vero obiectus erat difficultatibus, inducebatur, quo prudentius procederet, et superioris ipsius ordinis clericorum opem imploraret. Neque enim initio a Romana se seiungendi Ecclesiae, novamque condendi sodalitatem consilium habuit; contra, quoad eius fieri potuit, tentavit,

vit, ut ipse tandem Reformationem institueret Pontifex Romanus. Postquam vero animadvertisset, et Pontificem, et Episcopos, et caeteros clericos quam plurimos vehementer ab omni emendandi studio esse alienos, tum demum ipse manus operi admovendas, et ulterius, quam hucusque egerat, rem perducendam esse existimavit. Iam depravatam Ecclesiae conditionem imagine quasi depinxit, et cuiusvis generis homines supplex rogavit, ac per Dei Christique amorem, per aeternam felicitatem, obtestatus est, ut errores, vitia, et omnem pravam vivendi rationem misa facerent, ut uni S. Codici adhaerent, ut fidem factis patefacerent. Vidit autem, omne eius emendandi consilium, quamdiu firma et inconcussa staret Hierarchia, vanum futurum; quocirca omnem lapidem movendam esse movit, ut ingentem istam praecipitem darent molem. Quum vero cuncta haecce institueret, et mox etiam eius conamina apud vulgus ipsumque adeo Magistratum probarentur, non potuit non inde sensim existere nova Societatis forma.

§ V.

*Firmissimum Reformationis fundamentum in
S. Codice fuit positum.*

Quo rectus et indoles et dignitas ipsius Reformationis vindicentur, hocce argumentum dignum censemus, quod singulari loco tractemus; quandoquidem Reformatores Libros S. S. non tantum adhibuerunt tanquam suae doctrinae fundamentum, sed normam etiam, ad quam omnem suam agendi rationem omniaque sua instituta exigent.

Sci-

Scilicet illud imprimis egerunt Zuinglius eiusque amici, ut, qui antea vix ac ne vix quidem alicubi reperiebatur, S. Codex in lucem protraheretur, inque omnium manibus versaretur. Ad illum in omni sua institutione continuo recurrerunt; ab illo uno sua petierunt, quibus errores oppugnarent, et verum docerent; illius ope in hominum animos vim et efficacitatem exseruerunt; ad illum vitam esse emendandam regendamque monuerunt. Quae autem ille inculcat Antistitibus praecepta, sedulo ipsi obsequi conati sunt, imprimis Christi Apostolorumque exemplum ob oculos habuerunt. In scriptis etiam suis summam S. Codicis effatis attribuerunt auctoritatem. Quocirca temere nonnulli affirmare solent, Zuinglium Rationi maximam in Religione vim concessisse, atque ita eius nomine abutentes, omnia e Religione rejicienda putant, quae Ratione comprehendi nequeant. Pontificis quidem et Conciliorum decretis omnem in interpretando denegavit auctoritatem, at ratione opus esse ac iudicio humano docuit, prudenter scilicet ac moderate instituto, et cum veri amore Deiue reverentia iuncto (1). Quodcunque igitur in Religione non sancitum fuit ipsis divinis effatis, sed humani quid sciret, reprobarunt et ex Ecclesia Christiana removenda putarunt Reformatores; quocirca unicum illud retinuerunt, quod ipse Christus eiusque Apostoli constituerant doctrinae fundamentum.

(1) Conf. supra p. 116, 118, alibi.

§ VI.

*Non seditiose, sed sapienti admodum consilio in opere
perficiendo versati sunt, ad rationem Apostolicæ
Ecclesiæ suam accommodantes.*

Zuinglius caeterique Reformatores Helvetici ne-
lario essent fato similes, cuncta rite prospicere, lente-
que progredi debebant. Si quis vero attenderit ad uni-
versam eorum agendi rationem, facile intelliget, eos
feliciter ipsum Religionis auctorem fuisse imitatos.
Non incepterunt ab oppugnanda Hierarchia; et recte
quidem. Hoc enim si fecissent, timendum fuisset,
ne Helvetii, ardentissimo libertatis studio ducti, vi ac
furore omnia sursum deorsum vertissent. Sed persua-
dendo maxime consilium assequi studuerunt. Quoties
iis pro concione dicendum erat, libere illa proposue-
runt Romanae Ecclesiæ placita, quæ, ad S. Cod.
exacta, vera iis viderentur, caeteris vel plane omis-
sis, vel digito tantum tactis. Imprimis autem in mo-
ribus emendandis omnem curam posuerunt, ut ita lo-
co removerent, quod caeteris peragendis maximum
inferret impedimentum. Interea cum vidissent, ho-
mines maiorum sensim fieri capaces, de caeteris etiam
dubitationem iis iniecerunt, eosque ad S. Cod. effata
adduxerunt. Porro, quod de Zuinglio, Myco-
nio, Vadiano constat, iuvenes maxime nobiles im-
buere conati sunt sensu veri, pulcri, bonique, qui
deinceps magno ubique essent rebus Christianis emo-
lumento. Postquam vero superioris ordinis clericos
frustra tentaverant, Deo magis, quam hominibus,
obediendum esse sibi duxerunt. Iraque palam sese
Romanae Ecclesiæ erroribus opposuerunt. Deinde

excitare conati sunt Helvetios, ut Pontificis tandem, in eos tyrannidem affectantis, iugum excuterent, et, ne proavorum degeneres essent, variis argumentis monuerunt. Legenda praeterea ingenue commendarunt Lutheri, Carolostadii, aliorumque scripta, ut nimirum animadverterent, omnes Reformatores, licet unusquisque sua ipse e S. Cod. hausisset et propria procescisset ratione, in praecipuis tamen mire consentire. Quum vero hic illic iam multi e plebe rem agitare incepissent, ne quid tumultuarii accideret, tum etiam si qui essent, qui antiquae rerum conditionis defensores agere vellent, ut sententiam libere proferendi haberent opportunitatem, Zuinglius alique a Magistratu publicas disputationes instituendi facultatem impetrarunt. Quibus feliciter peractis, nihil amplius ob stare videbatur, quominus rerum existeret commutatio: at vel sic tamen tum lente etiam procescerunt, nihil quidquam agentes sine auspicio Magistratus.

Societatem vero nuper conditam non sibi reliquerunt Reformatores, sed legibus etiam et institutis bene stabilierunt, de quibus mox plura monebimus. Necessariam doctrinae copiam, imprimis integros mores in iis quaesiverunt. Coetus constituerunt et curam eorum geserunt, aliisque concesserunt. Varia rerum instituta eo valuerunt, ut ordo et tranquillitas in Ecclesia conservarentur, ut aegrotorum pauperumque cura haberetur; verbo: ut primitivae Ecclesiae Christianae morem referrent.

Quae omnia si perpendamus, non possumus non summam Reformatorem prudentiam et sapientiam agnoscere atque admirari.

§ VII.

*Retulit cum ipsa emendandi ratio, tum emendata ab
his Societas, Helvetiae Germanicae indolem.*

Est haecce hominum consueta ratio, ut Religionis et societatis formam ad suam sentiendi agendique normam componant. Hinc varia fuit ipsius Reformationis in variis regionibus via ac ratio. Neque mirum adeo hanc Zuinglii Reformationem prorsus retulisse Helvetiae Germanicae indolem; quod e supra dictis facile evincitur (P. II.), maxime cum in illa arcte coniuncta fuit causa civilis et ecclesiastica.

Exstitit Zuinglii Reformatio in Helvetia Germanica, quae Rempublicam constituebat, et gente incolebatur libertatis acerrimo studio conspicua. Quo factum, ut ipsa illa cum libertatis, tum Reipublicae ratio in ea dominaretur. Uti in Monarchia a Principis fide voluntate, sive politicis studiis plurima pendent, ita in Rebuspublicis cuncta fere a populo, ipsiusque delegatis administrari solent, et in populi conventu sive Senatu decerni. Quae uti in politica Helvetiae conditione, hac quidem aetate, occurrunt, ita eadem illa in Reformatione instituenda nobis sese offerunt. Exemplum praebet ipsa Reformationis Tigurinae historia. Ibi enim publica auctoritate, et quidem Senatus Consulto omnia constituebantur. Uti enim in Germania in comitiis Lutheri causa agebatur, ita illic faepissime Caroli V. auctoritas valuit ad diiudicandam Reformationis causam; cuius cum politica studia vicissim vel faverent vel nocerent Reformationi, hinc anceps et dubia diutius exstitit eius in Germania conditio. Contra vero in Helvetia, quae a plebe maxime pro-

processerat, Reformatio nequaquam tumultuaria ratione fuit inducta, sed vero SCto. Petiit eam populus; varios Ecclesiae Romanae errores digito monstrarunt nonnulli, et sanam Christi doctrinam docuerunt Zuinglius, Oecolampadius, caeteri. Iam sua vota palam fecerunt cives, et vero animis hic illic agilitate excitatis, temere et inconsiderate in sanctorum incurrerunt imagines. Quod civium desiderium ubi cognoverat Magistratus, primam quidem Antistitibus iniunxit, ut plebem de doctrina S. Cod. rectius etiam instituerent; deinde vero sua de rebus emendandis decreta tulit. Ipsae autem illae disputationes e gentis indole et Reipublicae ratione sunt repetendae. Deliberationem instituit Magistratus, qua decrevit Senatus, S. Codicem unicum habendum esse doctrinae Christianae fontem, *Misam* esse abrogandam, aliaque constituit, quae ad Reformationem valerent. Quae quidem ita a Senatu constituta, mirum nobis accidant, nisi Reipublicae rationem habeamus. Quibus omnibus deprehendimus, Sacrorum illam in Helvetia Emendationem non quorundam tantum civium causam fuisse, sed causam adeo existisse publicam, id est, cum ipsa Republica coniunctissimam. Ne itaque sint, qui Tigurinae civitatis Moderatores iniuriosos fuisse dicant in eos, qui Pontifici Romano sese addictos praestiterunt, quosque adeo ipsa in urbe occasione destituerunt, Deum Christumque ad suam rationem colendi: nec vero minus iniuriosos fuisse clament in Anabaptistas, quorum nonnullos violentae morti tradiderunt. Primum quidem omnes, toti civitati sese opposcentes, iure suo impedierunt Processus, quominus in Tigurina urbe, publicum cultum sacrum exercerent. Quod vero ad Anabaptistas attinet,

net, hi ipsum Reipublicae fundamentum prorsus subvertere videbantur: quidni hos capite damnarent?

Cernitur autem eadem Helvetiorum indoles in ipsa emendata Societate. Ut plurimum suam de societate ecclesiastica rationem ad rationem societatis civilis informarunt Christiani. Uti vero in Ecclesia Pontificia omnia composita sunt ad Monarchiam, ita ad Rempublicam in Protestantismo. Quam in rem varia regionum conditio magnam vim habere solet. Quapropter qui in Monarchiis et Regnis exstitit Protestantismus aristocraticam imprimis vel oligarchicam retulit rationem; qui in Rebuspublicis imprimis democraticam. Ita illa hic illic in Germania, haec in Helvetia occurrit. Quatenus quidem Ecclesiam ipsam constituit Zuinglius, Rempublicam condidit Christianam. In Synodis enim illis, in Ecclesiae Antistitibus sive Presbyteris, in universa societatis forma et disciplina eundem conspicimus libertatis sensum, qui in Rebuspublicis dominari solet. E vinculo quod inter Ecclesiam et civitatem intercedebat, mutua quaedam exstiterunt officia. Et Magistratus quidem Ecclesiae opem ferre debebat, quando huic res esset cum istiusmodi hominibus, qui peccatis prorsus se dederant, et callum obdlexerant animis. Deinde Magistratui quoque competebat *ius circa Sacra*, ita ut de caerimoniis vel abrogandis, vel commutandis, vel constituendis, tum etiam de rerum ordine conservando, deque id genus aliis decreta ferret. Neque tamen pro lubitu eidem in haec licebat versari, nisi Ecclesiam haberet consentientem. Ecclesia contra Magistratui obedire debebat, quod iustum esset et aequum; negare vero sua officia, quando ille vim inferre conaretur hominum animis.

Haec

Haec vero Respublica Ecclesiastica non adeo Latinam, sed liberaliorem Germaniae rationem profudit, verbo: Helvetiae Germanicae indolem. Prohibuerunt enim illi, quominus nova in Ecclesiam induceretur Hierarchia. Omne inter ipsos Sacrorum Ministros sustulerunt discrimen. A quovis coetu hi liberis suffragiis legitime erant eligendi. Nulla iis concedebatur in laicos potestas, nulla vis in res civiles; quae omnia democraticam rationem spirant.

Quae igitur in Helvetia exstitit rerum commutatio peculiarem induit formam, ex ipsa gentis conditione explicandam, qualis non adeo observatur sive in illa Germanica, sive in illa Anglica.

§ VIII.

*Exstitit ita Societas Reformata,
quae Religionem πνευματικὴν profiteretur.*

Quo magis Zuinglius, eiusque amici ad primitivae Ecclesiae formam et rationem reverti studerent, eo magis talem condere societatem sibi proposuerunt, quae Religionem πνευματικὴν profiteretur. Quod sane in indole illius Reformationis exponenda non ultimo loco censendum est, imprimis cum his potissimum notionibus ab indole caeterarum Reformationum distincta fuerit.

„Regnum meum non est ex hocce mundo.” — „Quisquis est ex veritate, vocem meam audit.” (Ioh. 18: 36, 37). — „Deus est Spiritus, quique eum adorant, oportet ut Spiritu ac veritate adorent.” (Ioh. 4: 24). — Christus „dedit semet ipsum pro nobis, ut redimeret nos ab omni iniquitate, et purificaret sibi ipse populum peculiarem, incensum studio

honorum operum." (*Tit.* 2: 14). — „Christus
xit ecclesiam, et semet ipsum exposuit pro ea, ut
sanctificaret, ab eo purificatam lavacro aquae
verbum, ut listeret eam sibi gloriosam, ecclesiam
non habentem maculam, aut rugam, aut quicquam
eiusmodi, sed ut sit sancta et inculpata" (*Eph.*
2: 22). Huiusmodi S. Codicis effata nobis veram
doctrinam aperiant societatis, quam Christus sibi con-
voluit. Idem autem illud conspicuum est in
societatis, quam condere studuit Zuinglius.

Revera quaecunque Christi in hisce terris Vice
auctoritate in Christianorum animos, Christus
Rex habetur Ecclesiae, caput, cuius membra omni-
tiam, qui pie ei fidem habent. Ab eo omnis nos-
reducatur salus, innumera ille in nos confert benefi-
ei namque competit ius leges ferendi, praemia, po-
nasque tribuendi; Christiani, quos sanguine suo re-
demit, amorem, fiduciam, gratum submissumque mi-
nimum, obedientiam ei praestare debent. Itaque dis-
soluto hocce Christum inter et Christianos vinculo, om-
nis pereat Christiana societas, necesse est.

Porro huius societatis cives omne studium in veri
cognitione collocent. Absint igitur, quoad per hu-
manam tenuitatem fieri possit, omnes praedicatione
opinionones, omnes de rebus divinis et humanis erro-
res. Quam in rem Libri Sacri perpetuo sunt perseru-
tandi, in quibus scilicet Deus voluntatem suam de
his, quae credenda sunt et agenda, cum hominibus
communicavit. Quo autem purior est Dei cognitio,
eo etiam simplicior cum venerandi colendique ratio.
Deo enim, quippe Spiritui, non placent ritus et sa-
crificia, sed pius animus, e quo non possunt non
proficisci quaevis pietatis specimina, ei unice est ac-
cep-

ceptus. Non convenit igitur sacrum cultum caerimoniis ritibusque absolvi, quibus animus ad ea tantum impellitur, quae sensus oblectant. Quocirca ex aedibus sacris etiam amovenda sunt altaria, imagines, musicae quaevis instrumenta, omnisque splendor et pompa, quibus animus ad divina perpendenda minus redditur idoneus, idemque precibus haud ita facile se erigere possit ad Deum, qui Spiritus est omnipraesens et omniscius.

In eo autem vera pietas consistit, quod Christianus homo de animi perversitate sincere doleat, ad Dei per Christum confugiat clementiam et χάρις, ab omni peccato abhorreat, sese emendet omnemque virtutem sectetur, ut ita gratum Deo praestet animum, seque ostendat coniunctum cum Christo, atque aeternae olim felicitatis, a Domino suo procuratae, particeps futurus sit. Nulla vero vitae pars (ut Ciceronis verba in rem meam convertam), neque publicis, neque privatis, neque forensibus, neque domesticis in rebus, neque si tecum agas quid, neque si cum altero contrahas, vacare officio potest. Omnes imprimis, oportet, coniuncti sint cives amore mutuo vere Christiano, quo bene de se invicem sentiant, ac sibi invicem opem ferant; benigni autem se praestent erga omnes omnino homines. Patriam quoque amare debent, eius commodis inservire, eamque tueri ab hostium vi et iniuria.

Hac ratione Christiani se Spiritu S. obsignatos demonstrabunt; ita probatum ibunt, huncce Spiritum Dei Christique in iis habitare ceu in templo suo sancto.

Quamdiu autem huius societatis cives hanc vitam agunt terrestrem, perpetuo iis luctandum erit cum vitiositate, iis insitae, vi inexpugnabili; at perseveran-

rantes in fide ad pietatē se praeparatōs sistent, ut ad beatorum concilium coetumque transeant, ubi peccatū locus nullus erit, ubi omnes summa felicitate et sanctitate gaudebunt, et Christo Deoque Patri suas deferent laudes in aevum sempiternum.

§ IX.

Liberalitate conspicua erat haecce societas.

Cum societatem Christianam, a Zuinglio institutam, *liberalitatis* nomine insignitam esse dico, duplicem huius notionem innuo; altera scilicet haec est, ne cui licitum sit vim inferre civium conscientiae, altera, ut de eorum, qui extra Ecclesiam s. Christianam, s. Reformatam sunt, virtute et aeterna felicitate, quoad eius fieri possit, benigne sentiant Christiani. — Utraque autem notio omnino congruit Religionis Christianae indoli, atque hinc etiam societati, quam, ut conderent, Christus Apostolis suis iniunxit. Nimirum Paulus monuit: „ut intelligentibus loquor, iudicate vos, quod aio” (1 Cor. 10: 15.), quibus consentit Iesus, dicens: „scrutamini Scripturas, quia vos videmini vobis in ipsis vitam aeternam habere, et illae sunt, quae testantur de me” (Ioh. 5: 39). Quocirca in laudem Bereënsium hoc relatum legimus: „iis autem, qui erant Thesalonicae, fuerunt istis generosiores, ut qui receperint sermonem cum omni alacritate, quotidie examinantes Scripturas, utrum haec ita se haberent” (Act. 17: 11). De altera autem, quam significavi, liberalitatis notione habemus Petrum ita docentem: „vere deprehendo, Deum non respicere ad personam; sed in quavis gente acceptum ei esse quemvis,

vis, qui eum timeat et operam det iustitiae" (*Act.* 10: 34, 35), et Paulum: „ non qui audiunt legem, iusti sunt apud Deum, sed qui legem praestant, iustificabuntur. Nam quum gentes, quae legem non habent, naturā quae legis sunt faciant, isti legem non habentes, sibi ipsis sunt lex: ut qui ostendant opus legis scriptum in cordibus suis, simul testimonium red-dente ipsoꝝ conscientia et cogitationibus sese mutuo accusantibus, aut etiam defendentibus" (*Rom.* 2: 13-15).

Hisce igitur amice conspirat indoles Reformationis Zuinglianae.

Ecclesiae reformatae hanc primariam esse legem: *credas quidquid Deus dicat et promittat, at certa persuasione inductus, ad quam non pervenire potes, nisi quaenam sint, quae Deus tecum communicaverit, pio animo examinaveris*: hanc igitur legem primariam esse adeo unicuique notum est, ut eam indicasse sufficiat. Quod cum ita sit, non tales suscepit *formulas* Zuinglius, quae, quid *credendum sit*, stricte et accurate definiant. Quid enim iuvat admonere: *examinetis Libros Sacros*, cum addas, *divinam doctrinam esse interpretandam secundum formulas*? Quid autem hoc aliud est, quam liberum cuiusque iudicium vinculis adstringere? Rationis scilicet ope Libri Sacri intelligendi et interpretandi sunt, hac tamen cautione, ut haecce ratio certa pro certis habeat, et in his quoque arcana, quae perspicere ipsa nequeat.

Religionis igitur doctores nullius conscientiae vim inferre debent, sed interpretandi S. Codicem docendi, monendi, adhortandi, dehortandi, consolandi of-
fi-

fectio vacare. Ipsi enim bene teneant, homines servare, errandi periculo expositos.

Et haec quidem de ipsa hacce fodalitate erant observanda. Neque tamen ita anxie de ea statuendum est, ut illi, qui se huic cives adscripserunt, soli Christi discipuli sint habendi, solique aeternae felicitatis participes futuri. Quicumque enim Christo Conservatori fidem habet, ad eiusque praecepta vitam instituere conatur, cui tandem Christianae confessioni sit addictus, is ad veram Ecclesiam pertinet.

Quod ad Ethnicos attinet, hi etiam, quatenus secundum ea, quae de rebus divinis et humanis cognita habuerunt, bene vel male vixerint, propter Christi merita felicitate aeterna fruuntur. Ne enim nimis anxie de Dei benignitate et Christo meritis feramus iudicium. Quisquis autem ad veri cognitionem pervenit, is ab ipso Deo institui dicendus est. „ Si ergo vel apud Platonem, vel Pythagoram invenias, quod a divinae mentis fonte promanare odores, non ideo negligendum est, quod mortalis illud monumentis comprehenderit, sed eo magis ad Numinis commercium penetrandum, ut veritatis lucem clarius et clarius intueri liceat, cum eos, qui unius Dei Religionem confiteri non fuerunt ausi, intus tamen habuisse videamus. Quae ubicunque est, a Numine est, etiamsi quis inter beluas habitaret” (1).

(1) Sunt verba Zuinglii, in libro de *Providentia*. Op. T. I. 357. b.

§ X.

*Zuinglii Reformatio non univrsae fuit Helvetiae.
Quam incepit ille, perfecit Calvinus.*

Accedimus tandem ad illam quaestionem: quatenus Reformationem perduxerit Zuinglius? quomodo illa cohaereat cum Reformatione Calvinii, dein in Helvetia meridionali, inque aliis regionibus invalescenti? et quomodo tandem ex utriusque coniunctis viribus extiterit Sacrorum emendatio Helvetica?

Quae ita in Helvetia prodiit societas non a Zuinglio nomen habet. Ab hoc enim dicendi more, quem induxerant Pontificii, prouti Lutherus, ita etiam Zuinglius quam maxime abhorrui. Ne in eius nomen iurarent, aut eius se discipulos dicerent Christiani, diserte ipse monuit. Neque etiam Ecclesia dici Zuingliana facile potuisset, uti Lutherana, quippe satis diu vixit Lutherus, qui suam conderet societatem; Zuinglius vero ante occubuit, quam Ecclesiam rite stabilitam in orbem informaverat. Coetus quidem constituit variis in locis, nec vero ubicunque illius invaluerat doctrina, ibi eo potuit pervenire, ut sodalitatem conderet, suis fundamentis nixam.

Ita v. c. Genevae Farellus quidem et Viretus ad Zuinglii maxime mentem sacra haud sine fructu emendare conati fuerant; at vero moribus Genevensium corruptis impediti, nondum condiderant societatem, ab Ecclesia Pontificia plane seiunctam et sua forma, suis legibus constitutam. Quid peregisset Zuinglius, si diutius ei vivere licuisset, non moramur. Zuinglii autem mortui vestigii institerunt alii.

alii. Iam *Catechismum* confecerunt, et dein *Confessionem* profesſi ſunt *Helveticam* (1536). Eodem vero anno praeter ſingulos illos, qui in variis civitatibus exſtiterunt (P. II. c. IV.), prodiit Iohannes Calvinus, alter ille Helvetiae Reformator. Quae enim in nonnullis Helvetiae civitatibus initio conſpiciebatur Eccleſia reformata, hanc deinceps ad firmam conditionem adduxit Calvinus, multis nominibus celebrandus. Hic Genevae degens ſua ratione proceſſit, accommodata illa ad indolem Helvetiorum Gallicorum. Fundavit itaque in hac regione, inque caeteris, quae eum ducem ſequebantur, novam ſocietatem, nonnullis placitis et diſciplina eccleſiaſtica diverſam. Hic unus erat, cui locum ceſſerunt caeteri Theologi Helvetici. Hic item coetus condidit, leges dedit, ſocietatem conſtituit, ſuamque propagavit rationem, potiffimum ope Doctorum Geneviſ inſtitutorum. Viguit autem eodem hocce tempore Bullingerus in Helvetia Germanica. Qui, Zuinglii ſucceſſor, omnem operam navavit, ut ſuis fundamentis ſtabiliretur Eccleſia Zuingliana (ita enim hoc loco eam appellare liceat). Idem etiam cum Calvino amicitiam iunxit et una cum eo multum egit de variis argumentis, Religionem ſpectantibus. Bullingero autem mortuo, Calvinismus ſenſim ſenſimque ad Theologos Zuinglianos tranſiit, et modo maiores, modo minores inter eos partes egit. Tandem vero ita invaluit, ut utraque haecce Eccleſia in unam ſocietatem fere coaleſceret, in qua Calvini magis, quam Zuinglii, ratio habebatur.

Haec videbantur breviter monenda, ut ita intelligatur, quodnam utriusque, quae in Helvetia exſtitit, Reformationis fuerit vinculum.

Sic

Sic igitur, ut una comprehensione omnia complectamur, Zuinglio auctore Reformatio in Helvetia exorta est et feliciter propagata; incepit Theologus ille Tigurinus, opem ei tulerunt alii, et coetus condiderunt atque ordinaverunt; invaluit deinde Calvinii doctrina et auctoritas, qui Ecclesiam constituit rite stabilitam. Ita igitur singulorum horum virorum ope Helvetica procescit Reformatio, quae illinc ad alias Europae regiones transiit, quaeque in Belgio nostro feliciter locum tenuit, tenetque etiamnunc.

CONSPECTUS.

HELVETIORUM Pag. 4

PARS PRIMA.

DE HELVETIORUM CONDITIONE, EIUSQUE VI AD EX-
CITANDAM ET PRAEPARANDAM SACRORUM EMEN-
DATIONEM. 6

CAPUT PRIMUM.

Helvetiorum conditio politica, gentis indoles.

- | | |
|--|----|
| § 1. Soli conditio. | 7 |
| 2. Helvetiorum fata, et politica eorum, ineun-
te saeculo XVI., conditio. | 10 |
| 3. Helvetiorum indoles, et discrimen gentis
in iis observandum | 18 |
| 4. Regiminis ratio inter Helvetios. | 21 |

CAPUT SECUNDUM.

Conditio Religionis et Ecclesiae in Helvetia.

- | | |
|--|----|
| § 1. Hierarchia. | 25 |
| 2. Depravatio doctrinae, cultus sacri, morum. | 30 |
| 3. Reformatorem <i>epidypnos</i> in Helvetia. | 37 |
| 4. Conamina reformandi publice instituta. | 42 |
| 5. Vis literarum ad fovenda studia rationis
perfectioris. | 44 |

CAPUT TERTIUM.

*Quomodo haecce valuerunt ad praeparandam
et excitandam sacrorum emendationem.*

- | | |
|---|----|
| § 1. Sacrorum emendatio hisce temporibus opus
erat Helvetiis. | 47 |
| 2. Tempora valde fuerunt opportuna ad pro-
curandam in Helvetia reformationem. | 49 |
| 3. Gentis Helveticae indoles et regiminis ratio
ad instituendam Reformationem fuit idonea. | 35 |

PARS

P A R S S E C U N D A.

DE ZUINGLIO, HELVETIAE REFORMATORE.

C A P U T P R I M U M.

Zuinglii vita et indoles.

§ 1. Adolescentia.	Pag. 56
2. Zuinglius sacro munere Glaronae fungitur.	61
3. Zuinglius in loco Eremitano sacrorum minister.	66
4. Zuinglius Tigurina in urbe variis opportunitatibus adducitur ad consilium constanti animo exsequendum.	68
5. Agendi ratio Romani Pontificis erga Zuinglium.	71
6. Rebus adversis non succubuit Zuinglius.	73
7. Zuinglii indoles.	83

C A P U T S E C U N D U M.

Instituta a Zuinglio Reformatio. 86

§ 1. Zuinglius suis amicos imbuat studiis.	87
2. Zuinglius sacro fungens munere effecit, ut suas partes sequerentur laici.	90
3. Zuinglius, ut sacra emendaret, superioris ordinis Clericos adiit.	94
4. Disputationes publicae Reformationem promoverunt.	97
5. Zuinglius, suam commendavit scriptis causam.	99
6. Emendationis sacrorum, a Zuinglio institutae, successus.	103
7. Variarum rerum instituta ad stabiliendam sacrorum emendationem.	111

CAPUT TERTIUM.

Zuinglii Doctrina.

§ 1. De Codice Sacro.	Pag. 113
2. De Religione.	115
De vocabulo <i>Religionis</i> . — Inter quos constet Religio. — De Deo. — De Homine. — De ipsa Religione et Pietate.	
3. De Religione Christiana.	124
De Patre, Filio et Spiritu S. — Deus Filium suum hominibus dedit Conservatorem. — Evangelium.	
4. De iis, quae homini Christiano praestanda sunt.	129
De Poenitentia. — De Lege. — De Peccato. — De Peccato in Spiritum S.	
5. De Ecclesia.	134
De Clavibus. — De Ecclesia. — De Ecclesiae Disciplina.	
6. De Sacramentis.	140
<i>Sacramenti</i> vocabulum. — De Baptismo. — De Eucharistia. — De Confessione. — De Matrimonio. — De reliquis Sacramentis.	
7. De caeteris nonnullis Ecclesiae erroribus, imprimis in cultu sacro.	150
De Votis. — De divorum Invocatione. — De Statuis et Imaginibus. — De Merito. — De Oratione. — De Purgatorio.	
8. De Magistratu.	156
9. De Scandalo.	157
10. De Vita futura.	159
11. De Resurrectione mortuorum.	161

CAPUT QUARTUM.

Theologi Helvetii, qui in emendandis sacris opem tulerunt Zuinglio.

§ 1. Leo Iuda.	164
§ 2.	165

§ 2. Iohannes Oecolampadius.	Pag. 167
3. Bertholdus Hallerus.	169
4. Wolfgangus Fabricius Capito.	170
5. Martinus Bucerus.	171
6. Guilielmus Farellus.	173
7. Henricus Bullingerus.	175

P A R S T E R T I A.

INDOLES SACRORUM EMENDATIONIS A ZUINGLIO INSTITUTAE.

§ 1. Existit praeter Germanicam, alia eaque Helvetica Sacrorum Emendatio.	177
2. Zuinglio, primo Helvetiae Reformatore, opem tulerunt alii.	180
3. Zuinglius eiusque amici Sacrorum emendandorum auctoritatem habuerunt.	181
4. Primarium Reformatoris consilium fuit in doctrina et moribus emendandis, et in oppugnanda Hierarchia.	185
5. Firmissimum Reformationis fundamentum in S. Codice fuit positum.	186
6. Non seditose, sed sapienti admodum consilio in opere perficiendo versati sunt, ad rationem Apostolicae Ecclesiae suam accommodantes.	188
7. Retulit cum ipsa emendandi ratio, tum emendata ab iis societas, Helvetiae Germanicae indolem.	190
8. Existit ita Societas Reformata, quae Religionem simpliciter profiteretur.	193
9. Liberalitate conspicua erat haec societas.	196
10. Zuinglii Reformatio non uniuersae fuit Helvetiae. Quam incepit ille, perfecit Calvinus.	199

T H E S E S.

I.

Laudamus Zuinglii sapientiam, liberalitatem et constantiam, quibus sese Christianis Reformatorem commendavit.

II.

Cum Religionis Christianae indole univérse congruere videtur simplicior sacri cultus ratio, a Zuinglio instituta.

III.

Recte Zuinglius e rerum contingentia ad Numinis disputare videtur existentiam. (*De Provid. c. III. Op. T. I. p. 354. sqq.*)

IV.

Nec minus recte monuit, Deum non tantum rerum universitatem curare, sed singulas etiam universi partes. (*Ibid. p. 377 b.*)

V.

Valde probamus Zuinglium S. Codicem unicam admittentem fidei normam, reiecta quacunque hominum auctoritate. (*De cert. et clarit. Verbi Dei. Op. T. I. p. 174 b.*)

VI.

Optime autem inter primaria S. Codicis interpretandi praecepta recensuit contextae orationis et locorum parallelorum collationem. (*De Sacram. responsio. Op. T. II. p. 387 a.*)

VII.

Neque vitio vertendum ipsi Zuinglio, quod in placitis Religionis Christianae theoreticis probandis quaedam attulit argumenta, e S. Codice desumpta, quibus nullam fere probandi vim inesse docuit sanior interpretandi ratio.

VIII.

Adsentimur Zuinglio docenti, Christum obediendo Deo Patri per omnem vitam, maxime ad finem,

nem usque vitae diris perpesionibus et ipsa adeo morte homines liberasse a peccatorum poenis, eo inprimis consilio, ut sese emendent, et virtuti studeant. (*Exp. plan. Art. XXII. Op. T. I. p. 60 b. cf. Brevis Pastor. Ifug. ib. p. 268. sq.*)

IX.

Vere Zuinglius: „ verbo Dei, ” inquit, „ quum auscultant, homines pure et synceriter voluntatem Dei discunt. Deinde per Spiritum Dei in Deum trahuntur, et veluti transformantur.” (*Opus Artic. art. XIII. Op. T. I. p. 1.*)

X.

Praecepta moralia, praeunte Zuinglio, optime in tres classes posse distingui statuimus: „ habent primae praeceptiones, quemadmodum sit - animus in his, quae ad Deum attinent, imbuendus. Secundae, quemadmodum in his, quae ad se. Tertiae, quemadmodum in his, quae ad alios spectant.” (In libello: *quo pacto ingenui adolescentes formandi sint, praeceptiones pauculae. Op. T. I. p. 278 b.*)

XI.

Munus Antistitis, siquidem bene administretur, difficillimum esse, recte affirmat Zuinglius (*Pastor. Op. T. I. p. 286 b.*).

XII.

Recte Zuinglius in fungendo sacro munere Christi exemplum ob oculos habuit, idemque omnibus Antistitibus commendavit (*Ib. p. 285 b.*)

XIII.

Auditorum commodis et facultatibus prudenter se accommodare oportet Oratorem sacrum; id quod ipse Zuinglius rite instituisse videtur.

XIV.

Uti in Germania, Luthero auctore, Reformatio existit, ita in Helvetia alia, Zuinglio auctore, quam deinceps stabilivit Calvinus; quapropter utriusque in Helveticae Reformationis historia ratio habenda est.




11-27-57 57
60
61

FB-41870-SB

5-04


CC

RT



1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100





BR 345 .T48
De indole sacrorum emendationi
Stanford University Libraries



3 6105 041 238 036

BR
345
T48

Stanford University Libraries
Stanford, California

Return this book on or before date due.

--	--	--

